



PARLAMENTO  
DE GALICIA



BOLETÍN OFICIAL DO  
**PARLAMENTO DE GALICIA**

---

X legislatura  
Número 422  
30 de xaneiro de 2019

Fascículo 1



## SUMARIO

---

### 1. Procedementos parlamentarios

#### 1.3. Procedementos de control e impulso

##### 1.3.6. Proposicións non de lei

##### 1.3.6.2. Proposicións non de lei en Comisión

#### Admisión a trámite polo procedemento de urxencia, asignación a comisión e publicación

##### - 44788 (10/PNC-003593)

Grupo Parlamentario Popular de Galicia

Núñez Feijóo, Alberto e 40 máis

Sobre a posición do Parlamento de Galicia en relación coa situación de Venezuela. (Procedemento de urxencia) [143462](#)

#### Admisión a trámite, asignación a Comisión e publicación

##### - 44081 (10/PNC-003531)

Grupo Parlamentario dos Socialistas de Galicia

Burgo López, María de la Concepción e 2 máis

Sobre a remisión polo Goberno galego ao Parlamento de Galicia do Plan estratéxico do Xacobeo 2021, antes da súa aprobación polo Consello da Xunta de Galicia, para o seu estudo e, se é o caso, presentación de achegas polos grupos parlamentarios [143469](#)

##### - 44083 (10/PNC-003532)

Grupo Parlamentario Popular de Galicia

Prado del Río, Paula e 8 máis

Sobre as demandas que debe realizar o Goberno galego ao Goberno central e ao Concello de Santiago de Compostela, así como a actuación que debe levar a cabo, en relación coa garantía da calidade das augas do río Sar e a execución da nova estación depuradora de augas residuais da cidade [143472](#)

##### - 44086 (10/PNC-003533)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre as actuacións que debe levar a cabo o Goberno galego en relación coa protección da infancia, a adolescencia e a familia [143475](#)

##### - 44114 (10/PNC-003534)

Grupo Parlamentario de En Marea

Miranda Pena, Flora María

Sobre a dotación por parte da Xunta de Galicia do Centro de Saúde de San Roque, en Vilagarcía de Arousa, co persoal necesario para garantir a prestación dunha atención sanitaria axeitada [143478](#)

##### - 44131 (10/PNC-003535)

Grupo Parlamentario de En Marea

Miranda Pena, Flora María

Sobre as actuacións que debe levar a cabo o Goberno galego, e nomeadamente a Consellería de Sanidade, en relación coas necesidades de persoal sanitario existentes nos centros de saúde de Teixeira, Curtis, Sobrado e Vilasantar, así como no PAC de Curtis [143481](#)

**- 44173 (10/PNC-003536)**

Grupo Parlamentario de En Marea

Solla Fernández, Eva

Sobre a dotación por parte do Goberno galego dos facultativos necesarios para evitar as listas de espera nos centros de saúde de San Roque, en Vilagarcía de Arousa, e de Monte da Vila, no Grove

[143486](#)

**- 44196 (10/PNC-003537)**

Grupo Parlamentario dos Socialistas de Galicia

Pérez Seco, José Manuel e Fernández Fernández, Raúl

Sobre a posta en marcha por parte do Goberno galego dun programa de investigación científica co fin de controlar e de erradicar a praga da eiruga procesionaria

[143488](#)

**- 44203 (10/PNC-003538)**

Grupo Parlamentario dos Socialistas de Galicia

Díaz Villoslada, Juan Manuel e 3 máis

Sobre a adopción por parte do Goberno galego das medidas orzamentarias necesarias para asegurar o financiamento autonómico para o proxecto de dragaxe ambiental da ría do Burgo

[143490](#)

**- 44204 (10/PNC-003539)**

Grupo Parlamentario dos Socialistas de Galicia

Díaz Villoslada, Juan Manuel e 3 máis

Sobre a adopción por parte do Goberno galego das medidas orzamentarias necesarias para asegurar o financiamento autonómico para o proxecto de dragaxe ambiental da ría do Burgo

[143492](#)

**- 44207 (10/PNC-003540)**

Grupo Parlamentario de En Marea

Sánchez García, Antón e Cal Ogando, Marcos

Sobre as actuacións que debe levar a cabo a Xunta de Galicia en relación coa inseguridade viaria e co estado de conservación que presentan as estradas da provincia de Lugo

[143494](#)

**- 44217 (10/PNC-003541)**

Grupo Parlamentario Popular de Galicia

Moreira Ferro, Jacobo e 7 máis

Sobre as demandas que debe realizar o Goberno galego ao Ministerio de Fomento en relación coa definición do trazado do treito A Ermida-Pilarteiros da autovía A-57 e coa tramitación do expediente para a execución do proxecto

[143497](#)

**- 44234 (10/PNC-003542)**

Grupo Parlamentario Popular de Galicia

Núñez Centeno, Aurelio Alfonso e 7 máis

Sobre as demandas que a Xunta de Galicia debe realizar ao Goberno central na procura de melloras nos servizos de Pediatría na atención primaria do Sistema Nacional de Saúde

[143500](#)

**- 44239 (10/PNC-003543)****Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre as actuacións que debe levar a cabo a Xunta de Galicia en materia de educación concertada

[143503](#)**- 44307 (10/PNC-003544)****Grupo Parlamentario dos Socialistas de Galicia****Pierres López, María Luisa e 4 máis**

Sobre as actuacións que debe levar a cabo a Xunta de Galicia para executar e impulsar melloras na rede de centros de información ás mulleres (CIM)

[143507](#)**- 44308 (10/PNC-003545)****Grupo Parlamentario dos Socialistas de Galicia****Pierres López, María Luisa e 4 máis**

Sobre as medidas que debe executar e impulsar a Xunta de Galicia para a mellora dos medios e dos recursos de xestión dos centros de información ás mulleres (CIM)

[143511](#)**- 44309 (10/PNC-003546)****Grupo Parlamentario dos Socialistas de Galicia****Pierres López, María Luisa e 4 máis**

Sobre as medidas que debe executar e impulsar a Xunta de Galicia para a mellora da formación continua do persoal dos centros de información ás mulleres (CIM)

[143515](#)**- 44323 (10/PNC-003547)****Grupo Parlamentario Popular de Galicia****Trenor López, Gonzalo e 8 máis**

Sobre as demandas que debe trasladar a Xunta de Galicia ao Goberno do Estado e ás confederacións hidrográficas do Miño-Sil, do Douro e do Cantábrico Occidental co obxecto de que elaboren directrices técnicas con criterios de homoxeneización das actuacións de conservación fluvial

[143519](#)**- 44337 (10/PNC-003553)****Grupo Parlamentario de En Marea****Solla Fernández, Eva**

Sobre as actuacións que debe levar a cabo a Xunta de Galicia para mellorar a calidade da asistencia sanitaria na comarca do Salnés

[143522](#)**- 44342 (10/PNC-003554)****Grupo Parlamentario de En Marea****Lago Peñas, José Manuel e Villares Naveira, Luis**

Sobre o traslado á sede parlamentaria para debater e para acordar a estratexia de reestruturación da débeda que está a elaborar a Xunta de Galicia

[143525](#)**- 44344 (10/PNC-003555)****Grupo Parlamentario Popular de Galicia****Tellado Filgueira, Miguel Ángel e 19 máis**

Sobre o posicionamento do Parlamento de Galicia respecto ao Proxecto de lei de orzamentos xerais do Estado para o 2019

[143528](#)

**- 44354 (10/PNC-003556)****Grupo Parlamentario de En Marea****Casal Vidal, Francisco**

Sobre as actuacións que debe levar a cabo o Goberno galego en relación coas posibilidades de produción descentralizada de enerxía eléctrica en Galicia con minicentraís e con microcentrais hidroeléctricas

[143532](#)**- 44357 (10/PNC-003557)****Grupo Parlamentario de En Marea****Vázquez Verao, Paula e 3 máis**

Sobre o desenvolvemento por parte da Xunta de Galicia das actuacións pertinentes para restaurar a legalidade e para reparar os danos causados polas obras executadas sen licenza municipal nin autorización da Consellería de Cultura e Turismo no mosteiro de San Salvador de Asma, no concello de Chantada

[143535](#)**- 44392 (10/PNC-003558)****Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre a actuación que debe levar a cabo o Goberno galego en relación co gasto en actividades de I+D+i

[143539](#)**- 44403 (10/PNC-003559)****Grupo Parlamentario de En Marea****Chao Pérez, Luca e 2 máis**

Sobre as actuacións que debe levar a cabo a Xunta de Galicia en relación coa introdución da educación afectivo-sexual no ensino

[143542](#)**- 44411 (10/PNC-003560)****Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre a garantía dada pola Xunta de Galicia da total gratuidade para as familias do servizo de reparación dos equipos informáticos facilitados ao alumnado que forma parte da iniciativa de educación dixital E-Dixgal na modalidade de cesión de uso

[143546](#)**- 44419 (10/PNC-003561)****Grupo Parlamentario dos Socialistas de Galicia****Rodríguez Rumbo, Matilde Begoña e Losada Álvarez, Abel Fermín**

Sobre as actuacións que debe levar a cabo o Goberno galego en relación coas empresas asentadas nos parques empresariais dos concellos acollidos á iniciativa Doing Business e coas necesidades de todos os parques empresariais de Galicia

[143550](#)**- 44421 (10/PNC-003562)****Grupo Parlamentario de En Marea****Solla Fernández, Eva**

Sobre a actuación que debe levar a cabo o Goberno galego para resolver o problema de accesibilidade que presenta o ascensor instalado no centro de saúde da Illa de Arousa

[143555](#)

**- 44424 (10/PNC-003563)****Grupo Parlamentario de En Marea****Solla Fernández, Eva**

Sobre a cobertura por parte do Goberno galego das prazas vacantes, das baixas, dos permisos e das vacacións, así como o mantemento do actual cadro de persoal do Centro de Saúde de Fene

[143557](#)**- 44439 (10/PNC-003564)****Grupo Parlamentario de En Marea****Villares Naveira, Luis e 2 máis**

Sobre as actuacións que debe levar a cabo a Xunta de Galicia en relación co uso do galego nos termos reflectidos na Lei 17/2006, do 5 de xuño, da radio e a televisión de titularidade estatal

[143559](#)**- 44447 (10/PNC-003565)****Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre a actuación que debe levar a cabo o Goberno galego en relación coa oferta pública de emprego anunciada para o ensino

[143562](#)**- 44450 (10/PNC-003566)****Grupo Parlamentario dos Socialistas de Galicia****Rodríguez Rumbo, Matilde Begoña e 2 máis**

Sobre a demanda que debe realizar o Goberno galego ao Goberno central co fin de recuperar os fondos anulados do Plan da minaría do carbón e de desenvolvemento alternativo das comarcas mineiras

[143565](#)**- 44480 (10/PNC-003567)****Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre o mantemento por parte do Goberno galego do funcionamento da escola unitaria de Aios, no concello de Sanxenxo, e a elaboración dun plan de promoción das escolas unitarias, así como dun plan específico de ensino no medio rural

[143569](#)**- 44490 (10/PNC-003568)****Grupo Parlamentario de En Marea****Miranda Pena, Flora María**

Sobre as actuacións que debe levar a cabo a Xunta de Galicia e, en concreto, a Consellería de Sanidade para coñecer a situación real da sanidade pública galega co fin de mellorar o sistema

[143572](#)**- 44492 (10/PNC-003569)****Grupo Parlamentario de En Marea****Miranda Pena, Flora María**

Sobre as actuacións que debe levar a cabo a Xunta de Galicia para abordar as necesidades da cidadanía en materia de saúde mental

[143576](#)**- 44499 (10/PNC-003570)****Grupo Parlamentario Popular de Galicia****Blanco Paradelo, Moisés e 6 máis**

Sobre a realización de xestións por parte do Goberno galego diante do Ministerio de Agricultura, Pesca e Alimentación en relación coa necesidade de protexer o sector produtor alimentario mediante a modificación da Lei da cadea alimentaria [143579](#)

**- 44502 (10/PNC-003571)**

**Grupo Parlamentario do Bloque Nacionalista Galego**

**Bará Torres, Xosé Luís e 5 máis**

Sobre as demandas que debe realizar o Goberno galego ao Goberno central en relación co prezo das peaxes nas autoestradas AP-9 e AP-53 [143581](#)

**- 44508 (10/PNC-003572)**

**Grupo Parlamentario do Bloque Nacionalista Galego**

**Bará Torres, Xosé Luís e 5 máis**

Sobre as actuacións que debe levar a cabo o Goberno galego para mellorar a seguridade viaria da estrada autonómica PO-510, no lugar de Vacaría, no parroquia de Budiño, no concello do Porriño

[143584](#)

**- 44521 (10/PNC-003573)**

**Grupo Parlamentario de En Marea**

**Cuña Bóveda, María de los Ángeles e Chao Pérez, Luca**

Sobre a colaboración da Xunta de Galicia co Concello de Cospeito para garantir a recuperación e a preservación da torre de Caldaloba, no concello de Cospeito, así como a difusión da súa historia

[143587](#)

**- 44556 (10/PNC-003574)**

**Grupo Parlamentario Popular de Galicia**

**Novo Fariña, María Isabel e 6 máis**

Sobre as demandas que debe realizar o Goberno galego ao Goberno central co fin de cubrir as vacantes na Unidade de Policía Adscrita a Galicia e de incrementar os seus efectivos ata un mínimo de catrocentos setenta e cinco

[143590](#)

**- 44558 (10/PNC-003575)**

**Grupo Parlamentario de En Marea**

**Cuña Bóveda, María de los Ángeles e Chao Pérez, Luca**

Sobre a demanda pola Xunta de Galicia ao Goberno central de asumir o acordo aprobado no Congreso dos Deputados en relación coa recuperación da materia de Filosofía no ensino secundario obrigatorio e no bacharelato

[143593](#)

**- 44560 (10/PNC-003576)**

**Grupo Parlamentario Popular de Galicia**

**Prado del Río, Paula e 6 máis**

Sobre o desenvolvemento por parte do Goberno galego dun proceso de revisión e de mellora do Portal de transparencia e goberno aberto

[143597](#)

**- 44574 (10/PNC-003577)**

**Grupo Parlamentario de En Marea**

**Cuña Bóveda, María de los Ángeles e Chao Pérez, Luca**

Sobre a actuación que debe levar a cabo a Xunta de Galicia en relación co pazo de Reibó, desmontado e trasladado do concello de Negreira ao de Abegondo [143600](#)

**- 44579 (10/PNC-003578)**

**Grupo Parlamentario do Bloque Nacionalista Galego**

**Presas Bergantiños, Noa e 5 máis**

Sobre as actuacións que debe levar a cabo o Goberno galego para impulsar o sector naval da ría de Ferrol [143603](#)

**- 44587 (10/PNC-003579)**

**Grupo Parlamentario do Bloque Nacionalista Galego**

**Presas Bergantiños, Noa e 5 máis**

Sobre as actuacións que debe levar a cabo a Xunta de Galicia e a demanda que debe realizar ao Goberno central respecto das propostas de legalización e de normalización da práctica dos ventres de alugueiro ou xestación subrogada [143607](#)

**- 44602 (10/PNC-003580)**

**Grupo Parlamentario do Bloque Nacionalista Galego**

**Rodil Fernández, Olalla e 5 máis**

Sobre a dotación por parte da Xunta de Galicia dunha ambulancia medicalizada ao sur da provincia de Lugo, así como dos medios necesarios ao servizo de emerxencias sanitarias 061 nas bases de Monforte, Quiroga e Chantada [143612](#)

**- 44609 (10/PNC-003581)**

**Grupo Parlamentario do Bloque Nacionalista Galego**

**Bará Torres, Xosé Luís e 5 máis**

Sobre o desenvolvemento por parte da Xunta de Galicia dunha normativa específica concreta en materia de valorización dos residuos procedentes da construción destinados a operacións de restauración de espazos afectados por actividades mineiras [143616](#)

**- 44622 (10/PNC-003583)**

**Grupo Parlamentario Popular de Galicia**

**Prado del Río, Paula e 5 máis**

Sobre as demandas que debe realizar o Goberno galego ao Ministerio de Xustiza en relación coa creación de novas unidades xudiciais en Galicia [143623](#)

## **1.4. Procedementos de información**

### **1.4.2. Solicitudes de comparecencia**

#### **1.4.2.2. Solicitudes de comparecencia en Comisión**

#### **Admisión a trámite, traslado á Mesa da Comisión e publicación**

**- 44703 (10/CPC-000093)**

**Dirección Xeral de Relacións Institucionais e Parlamentarias**

Do director xeral de Planificación e Orzamentos, por petición propia, para informar sobre as actuacións de seguimento do PEG desenvolvidas no 2018 [143625](#)



A Mesa do Parlamento, na súa sesión do día 28 de xaneiro de 2019, adoptou os seguintes acordos:

## **1. Procedementos parlamentarios**

### **1.3. Procedementos de control e impulso**

#### **1.3.6. Proposicións non de lei**

##### **1.3.6.2. Proposicións non de lei en Comisión**

### **Admisión a trámite polo procedemento de urxencia, asignación a comisión e publicación**

- 44788 (10/PNC-003593)

Grupo Parlamentario Popular de Galicia

Núñez Feijóo, Alberto e 40 máis

Sobre a posición do Parlamento de Galicia en relación coa situación de Venezuela. (Procedemento de urxencia)

Comisión 1ª, Institucional, de Administración Xeral, Xustiza e Interior

### **Admisión a trámite, asignación a Comisión e publicación**

- 44081 (10/PNC-003531)

Grupo Parlamentario dos Socialistas de Galicia

Burgo López, María de la Concepción e 2 máis

Sobre a remisión polo Goberno galego ao Parlamento de Galicia do Plan estratéxico do Xacobeo 2021, antes da súa aprobación polo Consello da Xunta de Galicia, para o seu estudo e, se é o caso, presentación de achegas polos grupos parlamentarios

Comisión 4ª, Educación e Cultura

- 44083 (10/PNC-003532)

Grupo Parlamentario Popular de Galicia

Prado del Río, Paula e 8 máis

Sobre as demandas que debe realizar o Goberno galego ao Goberno central e ao Concello de Santiago de Compostela, así como a actuación que debe levar a cabo, en relación coa garantía da calidade das augas do río Sar e a execución da nova estación depuradora de augas residuais da cidade

Comisión 2ª, Ordenación Territorial, Obras Públicas, Medio Ambiente e Servizos

- 44086 (10/PNC-003533)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre as actuacións que debe levar a cabo o Goberno galego en relación coa protección da infancia, a adolescencia e a familia

Comisión 5ª, Sanidade, Política Social e Emprego

- 44114 (10/PNC-003534)

Grupo Parlamentario de En Marea

Miranda Pena, Flora María

Sobre a dotación por parte da Xunta de Galicia do Centro de Saúde de San Roque, en Vilagarcía de Arousa, co persoal necesario para garantir a prestación dunha atención sanitaria axeitada  
Comisión 5ª, Sanidade, Política Social e Emprego

- 44131 (10/PNC-003535)

Grupo Parlamentario de En Marea

Miranda Pena, Flora María

Sobre as actuacións que debe levar a cabo o Goberno galego, e nomeadamente a Consellería de Sanidade, en relación coas necesidades de persoal sanitario existentes nos centros de saúde de Teixeira, Curtis, Sobrado e Vilasantar, así como no PAC de Curtis

Comisión 5ª, Sanidade, Política Social e Emprego

- 44173 (10/PNC-003536)

Grupo Parlamentario de En Marea

Solla Fernández, Eva

Sobre a dotación por parte do Goberno galego dos facultativos necesarios para evitar as listas de espera nos centros de saúde de San Roque, en Vilagarcía de Arousa, e de Monte da Vila, no Grove

Comisión 5ª, Sanidade, Política Social e Emprego

- 44196 (10/PNC-003537)

Grupo Parlamentario dos Socialistas de Galicia

Pérez Seco, José Manuel e Fernández Fernández, Raúl

Sobre a posta en marcha por parte do Goberno galego dun programa de investigación científica co fin de controlar e de erradicar a praga da eiruga procesionaria

Comisión 7ª, Agricultura, Alimentación, Gandaría e Montes

- 44203 (10/PNC-003538)

Grupo Parlamentario dos Socialistas de Galicia

Díaz Villoslada, Juan Manuel e 3 máis

Sobre a adopción por parte do Goberno galego das medidas orzamentarias necesarias para asegurar o financiamento autonómico para o proxecto de dragaxe ambiental da ría do Burgo

Comisión 2ª, Ordenación Territorial, Obras Públicas, Medio Ambiente e Servizos

- 44204 (10/PNC-003539)

Grupo Parlamentario dos Socialistas de Galicia

Díaz Villoslada, Juan Manuel e 3 máis

Sobre a adopción por parte do Goberno galego das medidas orzamentarias necesarias para asegurar o financiamento autonómico para o proxecto de dragaxe ambiental da ría do Burgo

Comisión 8ª, Pesca e Marisqueo

- 44207 (10/PNC-003540)

Grupo Parlamentario de En Marea

Sánchez García, Antón e Cal Ogando, Marcos

Sobre as actuacións que debe levar a cabo a Xunta de Galicia en relación coa inseguridade viaria e co estado de conservación que presentan as estradas da provincia de Lugo

Comisión 2ª, Ordenación Territorial, Obras Públicas, Medio Ambiente e Servizos

- 44217 (10/PNC-003541)

Grupo Parlamentario Popular de Galicia

Moreira Ferro, Jacobo e 7 máis

Sobre as demandas que debe realizar o Goberno galego ao Ministerio de Fomento en relación coa definición do trazado do treito A Ermida-Pilarteiros da autovía A-57 e coa tramitación do expediente para a execución do proxecto

Comisión 2ª, Ordenación Territorial, Obras Públicas, Medio Ambiente e Servizos

- 44234 (10/PNC-003542)

Grupo Parlamentario Popular de Galicia

Núñez Centeno, Aurelio Alfonso e 7 máis

Sobre as demandas que a Xunta de Galicia debe realizar ao Goberno central na procura de melloras nos servizos de Pediatría na atención primaria do Sistema Nacional de Saúde

Comisión 5ª, Sanidade, Política Social e Emprego

- 44239 (10/PNC-003543)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre as actuacións que debe levar a cabo a Xunta de Galicia en materia de educación concertada

Comisión 4ª, Educación e Cultura

- 44307 (10/PNC-003544)

Grupo Parlamentario dos Socialistas de Galicia

Pierres López, María Luisa e 4 máis

Sobre as actuacións que debe levar a cabo a Xunta de Galicia para executar e impulsar melloras na rede de centros de información ás mulleres (CIM)

Comisión 1ª, Institucional, de Administración Xeral, Xustiza e Interior

- 44308 (10/PNC-003545)

Grupo Parlamentario dos Socialistas de Galicia

Pierres López, María Luisa e 4 máis

Sobre as medidas que debe executar e impulsar a Xunta de Galicia para a mellora dos medios e dos recursos de xestión dos centros de información ás mulleres (CIM)

Comisión 1ª, Institucional, de Administración Xeral, Xustiza e Interior

- 44309 (10/PNC-003546)

Grupo Parlamentario dos Socialistas de Galicia

Pierres López, María Luisa e 4 máis

Sobre as medidas que debe executar e impulsar a Xunta de Galicia para a mellora da formación continua do persoal dos centros de información ás mulleres (CIM)

Comisión 1ª, Institucional, de Administración Xeral, Xustiza e Interior

- 44323 (10/PNC-003547)

Grupo Parlamentario Popular de Galicia

Trenor López, Gonzalo e 8 máis

Sobre as demandas que debe trasladar a Xunta de Galicia ao Goberno do Estado e ás confederacións hidrográficas do Miño-Sil, do Douro e do Cantábrico Occidental co obxecto de que elaboren directrices técnicas con criterios de homoxeneización das actuacións de conservación fluvial  
Comisión 2ª, Ordenación Territorial, Obras Públicas, Medio Ambiente e Servizos

- 44337 (10/PNC-003553)

Grupo Parlamentario de En Marea

Solla Fernández, Eva

Sobre as actuacións que debe levar a cabo a Xunta de Galicia para mellorar a calidade da asistencia sanitaria na comarca do Salnés

Comisión 5ª, Sanidade, Política Social e Emprego

- 44342 (10/PNC-003554)

Grupo Parlamentario de En Marea

Lago Peñas, José Manuel e Villares Naveira, Luis

Sobre o traslado á sede parlamentaria para debater e para acordar a estratexia de reestruturación da débeda que está a elaborar a Xunta de Galicia

Comisión 3ª, Economía, Facenda e Orzamentos

- 44344 (10/PNC-003555)

Grupo Parlamentario Popular de Galicia

Tellado Filgueira, Miguel Ángel e 19 máis

Sobre o posicionamento do Parlamento de Galicia respecto ao Proxecto de lei de orzamentos xerais do Estado para o 2019

Comisión 2ª, Ordenación Territorial, Obras Públicas, Medio Ambiente e Servizos

- 44354 (10/PNC-003556)

Grupo Parlamentario de En Marea

Casal Vidal, Francisco

Sobre as actuacións que debe levar a cabo o Goberno galego en relación coas posibilidades de produción descentralizada de enerxía eléctrica en Galicia con minicentraís e con microcentrais hidroeléctricas

Comisión 6ª, Industria, Enerxía, Comercio e Turismo

- 44357 (10/PNC-003557)

Grupo Parlamentario de En Marea

Vázquez Verao, Paula e 3 máis

Sobre o desenvolvemento por parte da Xunta de Galicia das actuacións pertinentes para restaurar a legalidade e para reparar os danos causados polas obras executadas sen licenza municipal nin autorización da Consellería de Cultura e Turismo no mosteiro de San Salvador de Asma, no concello de Chantada

Comisión 4ª, Educación e Cultura

- 44392 (10/PNC-003558)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre a actuación que debe levar a cabo o Goberno galego en relación co gasto en actividades de I+D+i

Comisión 6ª, Industria, Enerxía, Comercio e Turismo

- 44403 (10/PNC-003559)

Grupo Parlamentario de En Marea

Chao Pérez, Luca e 2 máis

Sobre as actuacións que debe levar a cabo a Xunta de Galicia en relación coa introdución da educación afectivo-sexual no ensino

Comisión 4ª, Educación e Cultura

- 44411 (10/PNC-003560)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre a garantía dada pola Xunta de Galicia da total gratuidade para as familias do servizo de reparación dos equipos informáticos facilitados ao alumnado que forma parte da iniciativa de educación dixital E-Dixgal na modalidade de cesión de uso

Comisión 4ª, Educación e Cultura

- 44419 (10/PNC-003561)

Grupo Parlamentario dos Socialistas de Galicia

Rodríguez Rumbo, Matilde Begoña e Losada Álvarez, Abel Fermín

Sobre as actuacións que debe levar a cabo o Goberno galego en relación coas empresas asentadas nos parques empresariais dos concellos acollidos á iniciativa Doing Business e coas necesidades de todos os parques empresariais de Galicia

Comisión 3ª, Economía, Facenda e Orzamentos

- 44421 (10/PNC-003562)

Grupo Parlamentario de En Marea

Solla Fernández, Eva

Sobre a actuación que debe levar a cabo o Goberno galego para resolver o problema de accesibilidade que presenta o ascensor instalado no centro de saúde da Illa de Arousa

Comisión 5ª, Sanidade, Política Social e Emprego

- 44424 (10/PNC-003563)

Grupo Parlamentario de En Marea

Solla Fernández, Eva

Sobre a cobertura por parte do Goberno galego das prazas vacantes, das baixas, dos permisos e das vacacións, así como o mantemento do actual cadro de persoal do Centro de Saúde de Fene

Comisión 5ª, Sanidade, Política Social e Emprego

- 44439 (10/PNC-003564)

Grupo Parlamentario de En Marea

Villares Naveira, Luis e 2 máis

Sobre as actuacións que debe levar a cabo a Xunta de Galicia en relación co uso do galego nos termos reflectidos na Lei 17/2006, do 5 de xuño, da radio e a televisión de titularidade estatal

Comisión 1ª, Institucional, de Administración Xeral, Xustiza e Interior

- 44447 (10/PNC-003565)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre a actuación que debe levar a cabo o Goberno galego en relación coa oferta pública de emprego anunciada para o ensino

Comisión 4ª, Educación e Cultura

- 44450 (10/PNC-003566)

Grupo Parlamentario dos Socialistas de Galicia

Rodríguez Rumbo, Matilde Begoña e 2 máis

Sobre a demanda que debe realizar o Goberno galego ao Goberno central co fin de recuperar os fondos anulados do Plan da minaría do carbón e de desenvolvemento alternativo das comarcas mineiras

Comisión 3ª, Economía, Facenda e Orzamentos

- 44480 (10/PNC-003567)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre o mantemento por parte do Goberno galego do funcionamento da escola unitaria de Aios, no concello de Sanxenxo, e a elaboración dun plan de promoción das escolas unitarias, así como dun plan específico de ensino no medio rural

Comisión 4ª, Educación e Cultura

- 44490 (10/PNC-003568)

Grupo Parlamentario de En Marea

Miranda Pena, Flora María

Sobre as actuacións que debe levar a cabo a Xunta de Galicia e, en concreto, a Consellería de Sanidade para coñecer a situación real da sanidade pública galega co fin de mellorar o sistema

Comisión 5ª, Sanidade, Política Social e Emprego

- 44492 (10/PNC-003569)

Grupo Parlamentario de En Marea

Miranda Pena, Flora María

Sobre as actuacións que debe levar a cabo a Xunta de Galicia para abordar as necesidades da cidadanía en materia de saúde mental

Comisión 5ª, Sanidade, Política Social e Emprego

- 44499 (10/PNC-003570)

Grupo Parlamentario Popular de Galicia

Blanco Paradelo, Moisés e 6 máis

Sobre a realización de xestións por parte do Goberno galego diante do Ministerio de Agricultura, Pesca e Alimentación en relación coa necesidade de protexer o sector produtor alimentario mediante a modificación da Lei da cadea alimentaria

Comisión 7ª, Agricultura, Alimentación, Gandaría e Montes

- 44502 (10/PNC-003571)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as demandas que debe realizar o Goberno galego ao Goberno central en relación co prezo das peaxes nas autoestradas AP-9 e AP-53

Comisión 2ª, Ordenación Territorial, Obras Públicas, Medio Ambiente e Servizos

- 44508 (10/PNC-003572)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego para mellorar a seguridade viaria da estrada autonómica PO-510, no lugar de Vacaría, no parroquia de Budiño, no concello do Porriño

Comisión 2ª, Ordenación Territorial, Obras Públicas, Medio Ambiente e Servizos

- 44521 (10/PNC-003573)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a colaboración da Xunta de Galicia co Concello de Cospeito para garantir a recuperación e a preservación da torre de Caldaloba, no concello de Cospeito, así como a difusión da súa historia

Comisión 4ª, Educación e Cultura

- 44556 (10/PNC-003574)

Grupo Parlamentario Popular de Galicia

Novo Fariña, María Isabel e 6 máis

Sobre as demandas que debe realizar o Goberno galego ao Goberno central co fin de cubrir as vacantes na Unidade de Policía Adscrita a Galicia e de incrementar os seus efectivos ata un mínimo de catrocentos setenta e cinco

Comisión 1ª, Institucional, de Administración Xeral, Xustiza e Interior

- 44558 (10/PNC-003575)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a demanda pola Xunta de Galicia ao Goberno central de asumir o acordo aprobado no Congreso dos Deputados en relación coa recuperación da materia de Filosofía no ensino secundario obrigatorio e no bacharelato

Comisión 4ª, Educación e Cultura

- 44560 (10/PNC-003576)

Grupo Parlamentario Popular de Galicia

Prado del Río, Paula e 6 máis

Sobre o desenvolvemento por parte do Goberno galego dun proceso de revisión e de mellora do Portal de transparencia e goberno aberto

Comisión 1ª, Institucional, de Administración Xeral, Xustiza e Interior

- 44574 (10/PNC-003577)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a actuación que debe levar a cabo a Xunta de Galicia en relación co pazo de Reibó, desmontado e trasladado do concello de Negreira ao de Abegondo

Comisión 4ª, Educación e Cultura

- 44579 (10/PNC-003578)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións que debe levar a cabo o Goberno galego para impulsar o sector naval da ría de Ferrol

Comisión 6ª, Industria, Enerxía, Comercio e Turismo

- 44587 (10/PNC-003579)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións que debe levar a cabo a Xunta de Galicia e a demanda que debe realizar ao Goberno central respecto das propostas de legalización e de normalización da práctica dos ventres de alugueiro ou xestación subrogada

Comisión 5ª, Sanidade, Política Social e Emprego

- 44602 (10/PNC-003580)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre a dotación por parte da Xunta de Galicia dunha ambulancia medicalizada ao sur da provincia de Lugo, así como dos medios necesarios ao servizo de emerxencias sanitarias 061 nas bases de Monforte, Quiroga e Chantada

Comisión 5ª, Sanidade, Política Social e Emprego

- 44609 (10/PNC-003581)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre o desenvolvemento por parte da Xunta de Galicia dunha normativa específica concreta en materia de valorización dos residuos procedentes da construción destinados a operacións de restauración de espazos afectados por actividades mineiras

Comisión 2ª, Ordenación Territorial, Obras Públicas, Medio Ambiente e Servizos

- 44622 (10/PNC-003583)

Grupo Parlamentario Popular de Galicia

Prado del Río, Paula e 5 máis

Sobre as demandas que debe realizar o Goberno galego ao Ministerio de Xustiza en relación coa creación de novas unidades xudiciais en Galicia

Comisión 1ª, Institucional, de Administración Xeral, Xustiza e Interior

## **1.4. Procedementos de información**

### **1.4.2. Solicitudes de comparecencia**

#### **1.4.2.2. Solicitudes de comparecencia en Comisión**

#### **Admisión a trámite, traslado á Mesa da Comisión e publicación**

- 44703 (10/CPC-000093)

Dirección Xeral de Relacións Institucionais e Parlamentarias



Do director xeral de Planificación e Orzamentos, por petición propia, para informar sobre as actuacións de seguimento do PEG desenvolvidas no 2018

Comisión 3ª, Economía, Facenda e Orzamentos

Santiago de Compostela, 29 de xaneiro de 2019

Diego Calvo Pouso

Vicepresidente 1º

## Á Mesa do Parlamento

O Grupo Parlamentario Popular de Galicia, a iniciativa do Presidente do Grupo Parlamentario, **Alberto Núñez Feijóo**, do seu propio Portavoz **Pedro Puy Fraga**, e por iniciativa de todas as deputadas e deputados pertencentes ao Grupo, ao abeiro do disposto nos artigos 160, 98 e concordantes do Regulamento da Cámara, presenta ante esa Mesa a seguinte **Proposición non de Lei para o seu debate en Comisión 1ª Institucional, Administración Xeral, Xustiza e Interior** polo trámite de urxencia.

### Xustificación da urxencia:

A urxencia ven motivada pola necesidade de que o Parlamento de Galicia se posicione canto antes sobre esta cuestión.

### Exposición de motivos:

Venezuela está a sufrir un dos momentos máis complicados da súa historia recente, debido a grave crise económica, política e social que derivaron na peor crise humanitaria da súa historia, e que está a padecer nestes momentos a maior parte da súa poboación. Neste sentido xa son moitas as institucións internacionais e non gobernamentais que denuncian de seguido esta situación, como a Organización das Nacións Unidas para as Migracións e ACNUR, a Axencia da ONU para os Refuxiados, que anunciaron no terceiro trimestre do pasado ano que xa son máis de tres millóns os refuxiados e migrantes de Venezuela en todo o mundo. Outra institución como o Consello Noruego de Refuxiados considera que o país americano está entre os dez estados coas crises humanitarias máis importantes do mundo.

Pero os galegos para coñecer esta realidade non precisamos dos datos que desvelan estes informes ou os medios de comunicación nacionais e internacionais, porque todos vivimos e sentimos moi de cerca esta grave situación, directamente da man de algún familiar ou dalgunha persoa do noso circulo máis achegado que sofre o día a día no propio país.



Unha das consecuencias máis importantes da profunda crise económica para a poboación é a inflación descontrolada que provoca consecuencias terribles para os cidadáns, porque alimentos, sanidade e medicinas convértense en produtos inalcanzables, tanto polo seu total desabastecemento como polos seus prezos, que se incrementan a diario, a diferenza dos salarios que non alcanzan para cubrir as máis mínimas necesidades para sobrevivir.

O colapso do modelo económico do país, baseado nos ideais do socialismo bolivariano, que se caracterizou por un total fracaso das súas políticas de desenvolvemento e un continuo de desatinadas decisións económicas, baseadas no rexio control da actividade privada e un estatismo esaxerado, provocou o total aplastamento e empobrecemento da maioría da poboación, fundamentalmente das clases baixas e medias debido a perda case na súa totalidade dos seus ingresos que afectou a todos os aspectos da vida, xa que agora non poden facer fronte, nin tan sequera, a adquisición dos produtos máis básicos para subsistir, como a compra de alimentos, medicamentos ou de servizos inexistentes en Venezuela como a sanidade e a educación.

Venezuela pasou de ser o un dos países de referencia en América a ser o país onde volven aparecer epidemias de enfermidades que se poden previr, polo total desabastecemento de vacinas, como a difteria ou sarampelo. Venezuela hoxe é un país onde os seus cidadáns falecen a diario por non dispor dos diagnósticos e dos tratamentos para as enfermidades crónicas que sofren ou de quimioterapia para o cancro, onde falecen miles de persoas por non poder levarse a cabo intervencións cirúrxicas por falta de instrumental, medicamentos básicos ou, algo tan pouco imaxinable na nosa sociedade actual, como a falta de subministro de luz e auga na maioría dos hospitais públicos do país.

Este deterioro social levou a un incremento exponencial, da criminalidade que xunto coa busca incesante de alimentos e medicamentos, empuxan unha sociedade sen



regras na que se asasina gratuitamente, na que se extorsiona, se secuestra.. e que fan case imposible poder vivir dignamente.

Esta é a nosa principal preocupación e a de todos os galegos de ben, e por elo que o Goberno de Galicia está aplicando una serie de medidas para os galegos de Venezuela nas que se invisten máis de 6 millóns e medio de euros nestes tres 3 anos, para intentar paliar parte dos efectos desta grave situación para máis de 3.000 familias cada ano.

A situación actual de Venezuela e froito do declive, dende o seu inicio, do réxime socialista bolivariano, que se foi desenmascarando nun sistema caracterizado pola corrupción transversal das súas institución, que deu orixe a unha nova clase social de incalculable capacidade adquisitiva que se alimenta directamente do aparato do estado e as súas institucións, o progresivo incremento do poder da súa cúpula militar, e o traslado a fórmulas que baten de fronte contra o sistema normativo e constitucional da nación.

Poderíamos facer un relato histórico do anunciado declive do réxime socialista bolivariano, pero vamos a destacar algúns dos acontecementos máis recentes que desencadearon na actual situación do país.

En xaneiro de 2016 constitúese o Asemblea Nacional de Venezuela froito dun proceso electoral no que participaron os partidos políticos máis importantes do país, que resultou favorable para o conxunto de partidos da oposición e que foi lexitimado pola comunidade internacional. Pero o seu poder lexislativo foi cuestionado dende o inicio polos integrantes do executivo de Maduro, ata que foi usurpado e asignado a unha creada, ad hoc, Asemblea Nacional Constituínte mediante decreto oficial.

O pasado 11 de xaneiro, Nicolás Maduro xurou o seu segundo mandato como Presidente de Venezuela, tras a celebración dunhas eleccións o 20 de maio de 2018 nas que non participou a oposición e cuns resultados que non foron recoñecidos pola inmensa maioría da comunidade internacional. É a primeira vez que un presidente



venezolano non é investido na Asemblea Nacional, como o establece a Constitución venezolana, porque consideran que Maduro é ilexítimo de orixe e un usurpador do cargo para o período 2019-2025.

O Presidente da Asemblea Nacional, Juan Guaidó, asumiu o día 23 de xaneiro formalmente as competencias do Executivo Nacional como Presidente encargado de Venezuela para lograr unhas eleccións libres.

Centos de miles de venezolanos saíron ese días as rúas en Venezuela e no mundo enteiro para apoiar a convocatoria que lanzou o Presidente da Asemblea Nacional e proclamalo Presidente lexítimo do país, mestras que reivindicaban a saída de Nicolás Maduro. Unha xornada na que morreron 16 persoas, segundo a Comisión Internacional de Dereitos Humanos (CIDH) xunto con decenas de feridos e detidos, dinámica habitual sempre que se celebran este tipo de manifestación, existindo polo tanto unha represión violenta tanto coa a xente que sae a rúa a reivindicar os seus lexítimos dereitos como coa oposición, que democraticamente electa, leva anos sufrindo ameazas, detencións ilegais e torturas que fan que se tema sempre pola súa seguridade.

Ante esta situación EEUU, mediante o seu presidente reconece a Guaidó como presidente interino do país, e de seguido, fóronse sumando outros países como Canadá, Colombia, Brasil, Perú, Ecuador, Arxentina, Paraguai ou Costa Rica.

Pola súa parte a Unión Europea, por medio da súa Alta Representante, Federica Mogherini, apoiou a Asemblea nacional como “institución elixida democraticamente”.

Polo exposto, e ante esta situación, o Grupo Parlamentario Popular de Galicia presenta a seguinte Proposición non de Lei en Comisión:

“O Parlamento de Galicia acorda declarar a súa solidariedade e o seu apoio ao Pobo de Venezuela, co que temos tantos vínculos familiares, e ás súas institucións lexítimamente constituídas, nos seguintes termos:

**Pazo do Parlamento - Rúa do Hórreo, 63**  
**15701 Santiago de Compostela**  
**T. 981 551 510 F. 981 551 422**  
**gp-pp@parlamentodegalicia.es**  
**www.ppdegalicia.com**



1. Que é necesario que se tomen medidas para actuar de forma urxente ante a situación de emerxencia humanitaria que vive o país por estes anos de sometemento a un réxime socialista bolivariano que só trouxo pobreza, falta de alimentos e medicinas e unha violencia extrema que xera unha inseguridade permanente con risco cotián para o dereito fundamental á vida.
2. Que apoia á Asemblea Nacional lexítima democraticamente elixida polo pobo venezolano.
3. Que apoia ao Presidente da Asemblea tamén lexítimo e elixido democraticamente.
4. Que en Venezuela debe iniciarse un proceso de normalización democrática, dando paso a unhas eleccións libres con todas as garantías que exige a comunidade internacional, que poña fin a este proceso de réxime autoritario que conculca de xeito cotián os dereitos individuais, sociais e políticos dos cidadáns venezolanos; e que dito proceso debe facerse de acordo co que estableza a Asemblea Nacional e o seu Presidente como representantes lexítimos do pobo venezolano.
5. Que Galicia asume o compromiso, como fixo ata agora, de axudar aos galegos de Venezuela para saír desta difícil situación na que se encontran e avanzar cara o camiño da prosperidade e do benestar, como achega á recuperación do conxunto do pobo venezolano”.

Santiago de Compostela, 28 de xaneiro de 2019.

**Asinado dixitalmente por:**

**Alberto Núñez Feijóo na data 28/01/2019 18:00:15**

**Pedro Puy Fraga na data 28/01/2019 18:00:29**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



**Miguel Ángel Santalices Vieira na data 28/01/2019 18:01:37**

**Miguel Ángel Tellado Filgueira na data 28/01/2019 18:02:05**

**Paula Prado Del Río na data 28/01/2019 18:02:55**

**Marta Rodriguez Arias na data 28/01/2019 18:03:24**

**Diego Calvo Pouso na data 28/01/2019 18:03:39**

**Raquel Arias Rodríguez na data 28/01/2019 18:03:50**

**Alberto Pazos Couñago na data 28/01/2019 18:04:07**

**Alfonso Rueda Valenzuela na data 28/01/2019 18:04:21**

**Francisco José Conde López na data 28/01/2019 18:05:12**

**José González Vázquez na data 28/01/2019 18:05:25**

**Rosa María Quintana Carballo na data 28/01/2019 18:05:37**

**Cristina Isabel Romero Fernández na data 28/01/2019 18:05:47**

**Beatriz Mato Otero na data 28/01/2019 18:05:57**

**Martín Fernández Prado na data 28/01/2019 18:06:04**

**José Manuel Rey Varela na data 28/01/2019 18:06:21**

**César Manuel Fernández Gil na data 28/01/2019 18:06:32**

**Aurelio Alfonso Núñez Centeno na data 28/01/2019 18:06:41**

**Daniel Luis Varela Suanzes-Carpegna na data 28/01/2019 18:06:51**

**Teresa Egerique Mosquera na data 28/01/2019 18:06:58**

**María Julia Rodríguez Barreira na data 28/01/2019 18:07:10**

**Marta María Rodríguez-Vispo Rodríguez na data 28/01/2019 18:07:20**

**Jaime Castiñeira Broz na data 28/01/2019 18:07:33**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



**Moisés Blanco Paradelo na data 28/01/2019 18:07:41**

**Gonzalo Trenor López na data 28/01/2019 18:07:52**

**Maria Antón Vilasánchez na data 28/01/2019 18:08:01**

**María Encarnación Amigo Díaz na data 28/01/2019 18:08:13**

**Daniel Vega Pérez na data 28/01/2019 18:08:18**

**Antonio Mouriño Villar na data 28/01/2019 18:08:28**

**María Guadalupe Murillo Solís na data 28/01/2019 18:08:39**

**Marta Novoa Iglesias na data 28/01/2019 18:08:44**

**Jacobo Moreira Ferro na data 28/01/2019 18:08:50**

**Carlos Gómez Salgado na data 28/01/2019 18:08:56**

**María Ángeles Garcia Míguez na data 28/01/2019 18:09:03**

**María Soraya Salorio Porral na data 28/01/2019 18:09:12**

**María Isabel Novo Fariña na data 28/01/2019 18:09:16**

**Rosa Oubiña Solla na data 28/01/2019 18:09:24**

**Sandra Vázquez Dominguez na data 28/01/2019 18:09:31**

**Moisés Rodríguez Pérez na data 28/01/2019 18:09:37**

**Jesús Miguel Prado Patiño na data 28/01/2019 18:09:41**





## Á Mesa do Parlamento

**O Grupo Parlamentario dos Socialistas de Galicia**, por iniciativa da súa deputada **Concepción Burgo López** e dos deputados **José Manuel Pérez Seco** e **Abel Losada Álvarez**, a traves do seu portavoz e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei en Comisión 4.<sup>a</sup>**

### Exposición de motivos

Fai poucos días a Axencia de Turismo de Galicia licitou un contrato para a elaboración do Plan Estratéxico do Xacobeo 2021, por un importe de 66.000 euros, que tomará como base as liñas aprobadas polo Consejo Xacobeo, e a Comisión Organizadora do Xacobeo 2021 tal como se explica no prego de condicións, así como tamén se incide en que sexa unha conmemoración universal e perdurable que logre a maior participación posible. Así, este Plan Estratéxico ten que afondar, segundo declara a Axencia de Turismo, na promoción e o estímulo duns sectores turístico e cultural competitivos, na súa calidade e accesibilidade, buscando o equilibrio territorial, incidindo na participación colectiva e involucrando a toda a sociedade.

O presidente do Goberno, Sr. Feijoo, incidiu tamén no seu discurso do debate do estado da Autonomía de 2018, en que o Xacobeo 2021 sexa un proxecto aberto a todos os partidos con representación neste Parlamento e propuxo crear un grupo de trabalo no que se podan trasladar as achegas.

Este grupo de traballo foi constituído fai moi poucos días co Conselleiro de Cultura e Turismo e a equipa responsable do Xacobeo, e dende logo os socialistas estamos de acordo e apoiamos todo o que sexa dialogar, participar e colaborar e polo tanto tamén este grupo de traballo.

Pero tamén consideramos que a mellor maneira de participar e de contar dende o executivo cas nosas achegas en torno ao Xacobeo 2021, e o debate dun documento tan importante e que marcará o seu desenvolvemento como é o Plan Estratéxico do xacobeo 2021. As achegas realizadas sobre un documento e coñecendo toda a documentación que deu lugar a súa redacción, serán moito máis concretas e máis significativas ademais de responder a obriga de todo grupo parlamentario controlar a acción do Goberno.



O regulamento do Parlamento de Galicia, no seu artigo 142, ofrece a posibilidade de analizar calquera proxecto do Goberno antes de ser aprobado polo Consello da Xunta para que os grupos parlamentarios podan presentar todas as achegas que consideren pertinente. O Xacobeo é un evento sumamente importante para Galicia dende moitos puntos de vista e consideramos que o seu documento mais resolutivo e organizativo como é o Plan Estratéxico non pode ser traído a esta Cámara como mera información senón que ten que ser debatido en profundidade por todos os grupos políticos e teñen que ser discutidas as aportacións de todos.

Este modo de proceder non sería unha novidade porque o Plan Xacobeo de 1993 foi aprobado por este Parlamento, despois de que todos os grupos coñeceran toda a documentación utilizada (máis de 6 tomos) e todos os documentos xerados, ademais do plan ao que lle foron presentadas resolucións por todos os grupos políticos

Polo exposto, o Grupo Parlamentario dos Socialistas de Galicia presenta a seguinte Proposición non de lei:

“O Parlamento de Galicia insta a Xunta de Galicia a remitir a esta Cámara o Plan Estratéxico Xacobeo 2021, antes de ser aprobado polo Consello da Xunta, seguindo o procedemento marcado polo artigo 142 do Regulamento de Parlamento de Galicia, de maneira que poda ser estudado por todos os grupos políticos e se integren, se é o caso, as achega realizadas por cada un deles e, polo tanto, todos podamos pronunciarnos polos cauces regulamentarios ante un acontecemento importante como é o Xacobeo 2021.”

Pazo do Parlamento, 17 de xaneiro de 2019

Asdo.: Concepción Burgo López

José Manuel Pérez Seco

Abel Losada Álvarez

Deputada e deputados do G.P. dos Socialistas de Galicia

Asdo.: Xoaquín Fernández Leiceaga

Portavoz do G.P. dos Socialistas de Galicia

**Asinado dixitalmente por:**

**Maria de la Concepción Burgo López na data 17/01/2019 18:29:53**

**Jóse Manuel Pérez Seco na data 17/01/2019 18:30:01**





**PARLAMENTO DE GALICIA**  
**REXISTRO XERAL ENTRADA**  
Data asento: 18/01/2019 09:30:00  
**Nº Rexistro: 44081**  
Data envío: 17/01/2019 18:30:27.198

**Abel Fermín Losada Álvarez na data 17/01/2019 18:30:07**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

CSV: REXISTRO-rBIGPieIS-5  
Verificación:  
<https://sede.parlamentodegalicia.gal/tramites/csv/>



## Á MESA DO PARLAMENTO

O Grupo Parlamentario Popular de Galicia a través do seu **Portavoz** e por iniciativa dos deputados e deputadas, **Paula Prado del Río, María Antón Vilasánchez, Martín Fernández Prado, Jaime Castiñeiras Broz, Jacobo Moreira Ferro, Marta Novoa Iglesias, Julia Rodríguez Barreira, Gonzalo Trenor López e Daniel Varela Suanzes-Carpegna** ao abeiro do disposto no artigo 160 e concordantes do Regulamento da Cámara, presenta ante esta Mesa a seguinte **proposición non de lei para o seu debate en Comisión 2ª Ordenación Territorial, Obras Públicas, Medio Ambiente e Servicios**.

### EXPOSICIÓN DE MOTIVOS:

A normativa básica en materia de réxime local atribúe aos concellos a competencia exclusiva en materia de abastecemento e saneamento dos seus sistemas municipais. Aínda así, desde o Goberno galego vense prestando apoio aos concellos nesta materia, axudándoos técnica e financeiramente a desenvolver de xeito máis eficaz e eficiente as competencias que teñen reservadas en materia de subministración de auga, rede de sumidoiros e depuración.

Por outra parte, en materia de depuración, tamén hai obras que están declaradas de interese xeral do Estado. Este é o caso da renovación do sistema de saneamento e depuración de Santiago de Compostela.

Nas actuacións declaradas de interese xeral do Estado o financiamento é competencia directa do Goberno de España, aínda que tamén desde a Xunta se vén colaborando e cofinanciando este tipo de actuacións como se fixo, por exemplo, nos casos das depuradoras da Coruña, de Ferrol, de Lugo ou de Ourense.

Neste sentido, é coñecido que o Goberno galego ten manifestado a súa vontade de colaboración na renovación do sistema de saneamento e depuración de Santiago de Compostela, como se ten dito, declarado de interese xeral do Estado en Galicia.

Ao fío desta actuación, necesaria para garantir a calidade das augas do río Sar, este grupo parlamentario estamos preocupados pola información coñecida logo da reunión celebrada o pasado 18 de decembro en Madrid entre o Ministerio para a Transición Ecolóxica, a Xunta de Galicia e o Concello de Santiago.

Nesa reunión trasladouse que, ante o rexeitamento do Concello de Santiago ao proxecto previsto para a execución dunha nova depuradora no Souto, a alternativa proposta polo Concello de ampliar a estación actual da Silvouta suporía que a depuradora non poderá estar en servizo antes do ano 2027.



Este horizonte temporal fai inviable a execución do proxecto da nova depuradora da Silvouta con cargo aos fondos europeos do actual programa operativo Feder e supón demorar a solución ao problema de contaminación das augas do río Sar.

Ante o que pode ser a perda de fondos europeos para o financiamento desta actuación tan necesaria, e co obxectivo de obter compromiso de financiamento por parte do Estado para a nova depuradora de Santiago, desde este grupo parlamentario presentamos a seguinte proposición non de lei para o seu debate en Comisión:

“O Parlamento galego insta á Xunta de Galicia a:

- 1.- Dirixirse ao Ministerio para a Transición Ecolóxica, como Administración responsable de impulsar e executar a renovación do sistema de saneamento e depuración de Santiago de Compostela, e ao Concello de Santiago, como administración responsable do saneamento e depuración municipal, para que, en colaboración coa Xunta, definan o antes posible un plan de actuación que concrete unha alternativa viable desde o punto de vista ambiental, técnico e económico para garantir a calidade das augas do río Sar.
- 2.- Demandar da Administración Xeral do Estado que, ante o escenario posible de perda de fondos europeos do programa operativo Feder 2014-2020 para a execución da nova estación depuradora, ofrezga garantías xuridicamente esixibles para o financiamento do sistema de depuración da cidade, declarado de interese xeral do Estado e, polo tanto, competencia directa do Goberno de España.
- 3.- Manter o compromiso de cofinanciamento asumido coa EDAR de Santiago de Compostela e, en consecuencia, achegar o 20% do investimento do proxecto comprometido desde a Administración autonómica.
- 4.- Solicitar do Goberno de España que os fondos europeos do programa operativo Feder 2014-2020 que non se poidan destinar á depuradora de Santiago se reasignen a outras obras importantes e imprescindibles nesta materia da Comunidade galega”.

Santiago de Compostela, 18 de xaneiro de 2019.



**Asinado dixitalmente por:**

**Pedro Puy Fraga na data 18/01/2019 09:34:31**

**Paula Prado Del Río na data 18/01/2019 09:34:41**

**Maria Antón Vilasánchez na data 18/01/2019 09:34:53**

**Martín Fernández Prado na data 18/01/2019 09:35:08**

**Jaime Castiñeira Broz na data 18/01/2019 09:35:23**

**Jacobo Moreira Ferro na data 18/01/2019 09:35:33**

**Marta Novoa Iglesias na data 18/01/2019 09:35:45**

**María Julia Rodríguez Barreira na data 18/01/2019 09:35:58**

**Gonzalo Trenor López na data 18/01/2019 09:36:11**

**Daniel Luis Varela Suanzes-Carpegna na data 18/01/2019 09:36:28**



## Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **Noela Blanco Rodríguez, Patricia Vilán Lorenzo e Julio Torrado Quintela**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 5.ª, Sanidade, Política Social e Emprego**.

### Exposición de motivos

A poboación menor de 18 anos, destinataria da Convención sobre os Dereitos do Neno, cífrase en Galicia en 410.674 nenos e nenas, que representan o 14,5 % da poboación total.

Todos os programas e proxectos de acción que implementen os organismos públicos e que afecten á infancia deben estar baseados na Convención sobre os Dereitos do Neno, recollendo os principios reitores deste tratado internacional, que son: a non discriminación, o interese superior do neno, o dereito á supervivencia e o desenvolvemento, e o dereito á participación.

A Convención sobre os Dereitos do Neno establece, en forma de Tratado internacional, que os Estados Partes deben asegurar que todos os nenos e nenas gozan dos dereitos e liberdades que consagra o Tratado; que teñen acceso á educación e aos servizos de saúde, que poden desenvolver plenamente as súas capacidades físicas, psíquicas, sociais e morais; que crecen nunha contorna de felicidade, protección, benestar e comprensión, que gozan do espaxamento, a cultura, as artes e o deporte e que poden participar dunha forma accesible e activa en todo este proceso.

O 6 decembro de 1990 España ratificou a Convención sobre os Dereitos do Neno, por canto debe observala e facer que se cumpra en todas as súas partes. A Constitución Española no seu Artigo 10.2 afirma que as normas relativas aos dereitos fundamentais e ás liberdades, interpretaranse de conformidade coa Declaración Universal de Dereitos Humanos e os tratados e acordos internacionais. Así mesmo, no seu Artigo 96.1 CE sinala que os tratados internacionais validamente celebrados formarán parte do ordenamento interno. No ámbito estatal, tras vinte anos dende a aprobación da Lei orgánica 1/1996 de Protección xurídica do Menor, recentemente aprobáronse a Lei 26/2015 de protección á infancia e á adolescencia, e a Lei orgánica 8/2015 de modificación



do sistema de protección á infancia e á adolescencia, co obxectivo de garantir unha protección uniforme aos menores de idade en todo o Estado.

No ámbito da nosa comunidade autónoma, o Estatuto de autonomía de Galicia lexítima a actuación legislativa no campo da protección da familia, da infancia e da adolescencia nos títulos competenciais xenéricos de asistencia social e de promoción do desenvolvemento comunitario (artigo 27, apartados 23º e 24º, dos que o primeiro deles da lugar ás transferencias de funcións nas materias de servizos e asistencia sociais), e das institucións de protección e tutela de menores.

A pesares do cal o ámbito normativo galego relativo á infancia redúcese ao Título II da Lei 3/2011, do 30 de xuño, de apoio á familia e á convivencia, que se dedica á infancia e á adolescencia, e a ordes específicas. Non existe sen embargo en Galicia, tal e como si que acontece en outras comunidades autónomas, unha lei de protección á infancia, nin órganos e estruturas dedicadas especificamente á análise da situación e a defensa dos dereitos dos nenos, nenas e adolescentes.

Motivo polo cal o informe recentemente publicado por UNICEF “A infancia en Galicia 2018”, destaca entre outras moitas consideracións “a escasa atención, tanto no plano normativo coma documental, que se lle prestou á situación da infancia en Galicia”.

Ademais, no relativo ás estratexias e plans no marco da infancia elaborados pola Xunta de Galicia nestes últimos anos, ou ben acumulan grandes retrasos levando anos en fase de borrador, ou non se dispón dun informe de impacto das mesmas.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:

1. Poñer en marcha e dotar cada ano orzamentariamente durante esta lexislatura, a Estratexia Galega de Infancia e Adolescencia.
2. Crear, poñer en marcha e dotar orzamentariamente e de recursos humanos durante esta lexislatura o observatorio galego da familia e a infancia, como órgano asesor e de apoio, análise, investigación, estudo e desenvolvemento de actuacións en materia de infancia e familia.
3. Impulsar durante a X lexislatura a elaboración e posta en marcha dunha lei autonómica de infancia e adolescencia.





4. Elaborar e difundir durante a X lexislatura, un informe xeral sobre a situación actual da infancia en Galicia, así como específicos sobre a pobreza infantil, e a violencia e abusos contra a infancia, establecendo indicadores, mecanismos de recompilación, análise de datos e medidas a adoptar.

Pazo do Parlamento, 17 de xaneiro de 2019

**Asinado dixitalmente por:**

**Noela Blanco Rodríguez na data 18/01/2019 09:50:13**

**Patricia Vilán Lorenzo na data 18/01/2019 09:50:20**

**Julio Torrado Quintela na data 18/01/2019 09:50:25**

**Xoaquín María Fernández Leiceaga na data 18/01/2019 09:50:30**





## Á MESA DO PARLAMENTO

**O Grupo Parlamentar de En Marea**, por iniciativa da súa deputada **Flora María Miranda Pena**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5.<sup>a</sup>**.

### Exposición de motivos

A situación da atención primaria neste país é deplorable. Cada día somos coñecedoras dun caso máis de colapso asistencial no que debe ser o entorno máis resolutivo, eficiente e sobre todo accesible do sistema sanitario.

O Servizo Galego de Saúde non xestionou nin planificou as necesidades de persoal, especialmente de médicos e médicas de familia e pediatras e agora atopámonos ante un contexto de crise asistencial onde a atención médica no principal elo, a Atención Primaria, se atopa comprometida e non está á altura das necesidades de galegos e galegas, tanto adultos como nenos e nenas.

O Centro de Saúde de San Roque, en Vilagarcía de Arousa, que atende unha poboación de 38.000 persoas, non é unha excepción. A atención sanitaria realizaríase, en caso de que se respectase a dotación establecida, por 21 médicos e médicas de familia, distribuídos en quenda de mañá e tarde, cinco pediatras e 24 enfermeiras, entre outro persoal necesario para a xestión da asistencia (máis outras especialidades).

Mais no momento actual, con ausencias sen substituír, as demoras na citación de persoas que solicitan ser atendidas exceden nalgún caso dos 14 días (para confirmalo bastou con solicitar cita cunha das doutoras que consultan pola tarde o día 18 de xaneiro, sendo adxudicada esta cita o 1 de febreiro). O persoal entrevistado refire, literalmente, que se atopan desenvolvendo o seu traballo “moi





saturados, con moita crispación e con falta de moitos profesionais”. Existen dúas baixas de persoal médico, de longa duración, unha delas de máis de catro meses, sen substituír, sendo os pacientes destes cupos reasignados a outros profesionais, sobrecargando máis as axendas. Isto tamén ocorre co persoal de administración e xestión, que a día 18 de xaneiro refire estar traballando ao 50% (con dúas prazas sen cubrir despois dun longo período de ausencia). Cómpre lembrar que o argumento do SERGAS para non contratar substitutos é o de carencia de profesionais, sendo relativamente verosímil entre o colectivo médico, mais en ningún caso entre o colectivo de Persoal de Servizos Xerais.

Con frecuencia realízanse bloqueos de axendas de profesionais, distribución de pacientes e necesidade de intersubstitución por parte doutros e outras profesionais. Consultadas as axendas ao remate da xornada dalgunhas profesionais médicas, constatamos que atendían máis de 50 pacientes nunha quenda, o que entendemos atenta contra uns mínimos estándares de atención sanitaria digna e respectuosa tanto coas persoas enfermas como coas profesionais. Os cupos de pacientes por equipo superan tamén as recomendacións internacionais.

Polo exposto, o Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a dotar o Centro de Saúde de San Roque, en Vilagarcía, do persoal necesario e suficiente para xestionar a demanda de atención sanitaria dun modo digno coas persoas enfermas e coas profesionais que as atenden, nuns prazos razoables e coas garantías de accesibilidade que recomentan os estándares internacionais.

Santiago de Compostela, 18 de xaneiro de 2019.

Asdo.: Flora Miranda Pena





Deputada do G.P. de En Marea.

Luís Villares Naveira

Voceiro do G.P. de En Marea

**Asinado dixitalmente por:**

**Flora María Miranda Pena na data 18/01/2019 12:58:01**

**Luis Villares Naveira na data 18/01/2019 12:58:10**



## Á MESA DO PARLAMENTO

O Grupo Parlamentar de **En Marea**, por iniciativa da súa deputada **Flora María Miranda Pena**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5.<sup>a</sup>**

### Exposición de motivos

A atención primaria de saúde é o entorno asistencial máis accesible, eficiente, resolutivo e axeitado para o manexo de problemas de saúde da poboación, en especial cando esta se atopa avellentada, dispersa e alonxada doutros entornos asistenciais. A atención sanitaria no entorno da Primaria nos concellos de Curtis, Sobrado, Vilasantar e Aranga é necesariamente mellorable, e cómpre incidir en medidas para a resolución das súas problemáticas.

Falamos dunha poboación de 7160 persoas, das que 530 son nenos e nenas. Nesa comarca dispónse de centro de saúde en Curtis, Teixeiro, A Castellana (Muniferral pertence á área de Betanzos), Sobrado e Vilasantar. Nalgún deles, como os de Sobrado e Vilasantar, a pirámide de poboación reflicta que o grupo poboacional de maiores de 65 anos, con meirandes problemas de cronicidade e avellentamento, e, por tanto, de necesidades en saúde, sitúase moito por riba do 35%, chegando case ao 40%. A media da comarca colócase no 35,4% da poboación. Este elemento fai necesaria a reflexión de que o dato bruto ‘número de pacientes’ non é representativo da carga asistencial nin das necesidades da poboación, senón que hai elementos, como o avellentamento e a cronicidade, que a poden incrementar de modo moi substancial. Faise necesario lembrar respecto a isto as consideracións sobre a vulnerabilidade que nos achegou o Consello





Galego de Bioética no seu informe sobre a situación dos e das anciáns no noso país.

Ademais desta consideración sobre o avellentamento, dous dos centros da comarca atópanse tamén en termos estritamente numéricos sobrecargados de pacientes. Trátase de Teixeira e Curtis, que atenden unha poboación maior de 15 anos de case 4000 persoas distribuídas unicamente entre dúas médicas. Isto supón unha das sobrecargas máis significativas da provincia, se non a que máis. Compre sinalar que, polo menos no centro de saúde de Teixeira hai espazo físico máis que suficiente para a instalación dunha nova consulta médica, dispoñendo de múltiples espazos baleiros aproveitables a tal efecto.

Isto implica que lista de agarda nos centros de atención primaria de Curtis e Teixeira para a atención polas médicas de cabeceira chega a superar a semana a pesar da profesionalidade das traballadoras dos centros, que están a atender a máis pacientes do recomendable en termos de dignidade e calidade asistencial (tanto para as propias sanitarias como para a poboación enferma). Así foi trasladado en múltiples ocasións ao Pleno do Concello de Curtis nos últimos anos para a súa comunicación ao Servizo Galego de Saúde sen que a situación mudase un ápice.

Por outra banda, no que respecta ó servizo de pediatría, hai unha soa pediatra para os catro centros (Curtis, Teixeira, Sobrado e Vilasantar). En ausencia da persoa titular e sen outra cobertura tense obrigado ás familias a desprazárense cos nenos e nenas ata o Hospital Materno Infantil da Coruña.

Tamén se estableceu a atención de matrona sen equipos para facer o seguimento, desviando as pacientes de novo á Coruña para a realización de probas que antes se facían no Centro de saúde de Betanzos.

No que respecta ao Punto de Atención Continuada de Curtis presta asistencia un único equipo sanitario (1 medic@ e 1 enfermeir@). Non existe reforzo algún en





fins de semana, festividade ou días de especial significación con maior sobrecarga asistencial (acontecementos).

O persoal sanitario debe realizar as asistencias tanto dos pacientes que acoden ao centro como as que se levan a cabo na vía pública ou no domicilio dos pacientes que carecen de mobilidade.

En moitas ocasións, se a situación clínica así o precisa, o equipo sanitario acompaña ó paciente ó hospital de referencia (CHUAC). O PAC de Curtis é o PAC con mais distancia ó hospital da EOXI de A Coruña. Este feito condiciona ausencias prolongadas do persoal sanitario do PAC.

A pesar de ser o PAC máis afastado do hospital de toda a EOXI de A Coruña, trátase do único PAC que non dispón de persoal de reforzo en situación algunha.

A distancia en minutos dende o PAC ós lugares máis afastados onde se presta asistencia é:

Traloregueiro (Cambás, Aranga): **28 minutos**

A Espiñeira (Roade, Sobrado): **28 minutos**

A distancia en minutos do PAC ó hospital é de **35 minutos**, e a distancia en minutos do punto máis afastado do PAC ó hospital é desde A Espiñeira (Roade, Sobrado) a CHUAC: **63 minutos**

As vías de comunicación (especialmente por estrada) da comarca presentan unha elevada sinistralidade, feito que tamén repercute nas necesidades asistenciais do PAC. Falamos da autovía A6 (Aranga), estradas nacionais N-VI (Aranga) e N-634 (Curtis, Vilasantar) e outras vías como as estradas AC-840 (Curtis, Vilasantar), AC 230 e AC-231 (Aranga e Curtis).





Súmanse ademais outros elementos que incrementan a carga asistencial, como a presenza de centros industriais en Teixeira (Polígono industrial de Teixeira, Planta Bioetanol,) e Curtis (Losam), e unha moi importante actividade do sector primario (agricultura, gandaría e actividade forestal). O Camiño de Santiago (Camiño do Norte) atravesa territorios dos Concellos de Sobrado e Vilasantar, provocando un importante tránsito de persoas, sendo o propio Sobrado final dunha das etapas deste concorrido camiño. O centro penitenciario de Teixeira nalgunha ocasión tamén pode aportar algunha necesidade de atención urxente.

Por este motivo, faise necesaria a reconsideración das necesidades de dotación en materia de recursos sanitarios á comarca.

Polo exposto, presentase a seguinte Proposición non de lei:

O Parlamento galego insta a Xunta de Galicia e nomeadamente á Consellería de Sanidade, a través do Servizo Galego de Saúde, a reconsiderar as necesidades de persoal sanitario dos centros de Teixeira, Curtis, Sobrado, Vilasantar e o PAC de Curtis en base ás carencias arriba documentadas, á sobrecarga dos centros de atención primaria e ao significativo avellentamento da poboación, que redunda nun incremento da complexidade da atención sanitaria.

Santiago de Compostela, 18 de xaneiro de 2019.

Asdo.: Flora Miranda Pena

Deputada do G.P. de En Marea.

Luís Villares Naveira

Voceiro do G.P. de En Marea.







**Asinado dixitalmente por:**

**Flora María Miranda Pena na data 18/01/2019 14:28:18**

**Luis Villares Naveira na data 18/01/2019 14:28:27**



## Á MESA DO PARLAMENTO

O Grupo Parlamentario de En Marea, a iniciativa da súa deputada **Eva Solla Fernández**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 5.<sup>a</sup>**

### Exposición de motivos:

O acontecido coa dimisión en bloque dos xefes de Servizo de Atención Primaria na área de Vigo, corresponde só á punta do iceberg dun problema de carácter estrutural ocasionado por unha falta de planificación, que unida aos recortes acometidos polo Goberno provocan unha situación insostible cada vez afecta a máis centros de saúde e que non ten trazas de ir a menos.

Fai pouco tiñamos coñecemento da situación que se vive nos centros de saúde de San Roque en Vilagarcía e Monte Vila en O Grove, nos que a xente chega a esperar ata 15 días para poder ter cita.

Unha situación, a que temos que sumarlle o estado no que se atopa o seu hospital máis próximo, O Salnés, un hospital comarcal con plantas pechadas e servizos eliminados que é vítima dunha modificación legislativa encamiñada a fagocitar as prestacións dos hospitais comarcais.

Por todo o anterior o Grupo Parlamentario de En Marea presenta a seguinte Proposición non de lei en Comisión:

O Parlamento de Galicia insta á Xunta de Galicia a dotar aos centros de saúde de San Roque en Vilagarcía e Monte Vila en O Grove, cos facultativos necesarios, cubrindo os permisos, baixas e vacacións, a fin de evitar as listas de agarda.

Santiago de Compostela, 21 de xaneiro de 2019.





Asdo.: Eva Solla Fernández  
Deputada do G.P. de En Marea.  
Luís Villares Naveira  
Voceiro do G.P. de En Marea.

**Asinado dixitalmente por:**

**Eva Solla Fernández na data 21/01/2019 10:48:46**

**Luis Villares Naveira na data 21/01/2019 10:48:53**



## Á Mesa do Parlamento

O Grupo Parlamentario dos Socialistas de Galicia, por iniciativa dos seus deputados, José Manuel Pérez Seco e Raúl Fernández Fernández, a través do portavoz e ao abeiro do disposto no artigo 160 do Regulamento da Cámara, presentan ante esa mesa a seguinte proposición non de lei para o seu debate na Comisión 7ª.

A procesionaria, *Thaumetopoea pityocampa* (no seu nome científico), é unha eiruga que se atopa en parques, zonas rurais e bosques onde hai piñeiros e cedros. Chámase procesionaria porque cando os lepidópteros rompen o seu bolsón no que aniñan, baixan ou caen ao chan para enterrarse, completar a súa metamorfose e converterse en bolboreta, formando un desfile que se desliza como unha procesión.

As eirugas adoitan andar polo chan os meses de febreiro, marzo e abril (dependendo da zona na que se atopan. Por exemplo, nas máis frías, pode atrasarse), cando as eirugas abandonan os niños nos que medran nas copas das árbores -piñeiros, sobre todo- para se enterrar baixo terra. É nese percorrido cando resultan especialmente perigosas para nenos e para mascotas, xa que o contacto con elas directamente ou cos seus pelos poden provocar reaccións alérxicas, comechón ou coceira, chegando incluso a ser mortais para as mascotas que as inxiran. De feito, nin sequera é necesario que haxa un contacto directo, xa que os pelos poden quedar en suspensión no aire.

O bo tempo provocou, un ano máis, a temperá aparición da procesionaria. A perigosa eiruga estendeuse nas últimas semanas de 2018 e nos primeiros días deste 2019 e existe unha preocupación real por varias zonas de Galicia, como Ares, Cabanas, A Coruña ou Vigo. En varios piñeirais, destes concellos, e o seu redor pódense ver ringleiras de procesionaria.

Por iso o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego a que poña en marcha un plan de investigación científica a través dun convenio coa universidade e/ou centros de investigación que colaboren no desenvolvemento de medidas axeitadas para erradicar e controlar a praga da eiruga procesionaria.

Pazo do Parlamento, 21 de xaneiro de 2019





**Asinado dixitalmente por:**

**Jóse Manuel Pérez Seco na data 21/01/2019 12:04:14**

**Raúl Fernández Fernández na data 21/01/2019 12:04:23**

**Xoaquín María Fernández Leiceaga na data 21/01/2019 12:04:35**

## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e das súas deputadas, Juan Manuel Díaz Villoslada, Patricia Otero Rodríguez, María Luisa Pierres López e María Dolores Toja Suárez, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 2ª.

Tras a publicación da Declaración de impacto ambiental no BOE do 27 de setembro de 2017 do proxecto de dragaxe da ría do Burgo por parte do entón Ministerio de Agricultura e Pesca, Alimentación e Medio Ambiente, o Grupo Parlamentario dos Socialistas de Galicia, como continuación a iniciativas anteriores sobre esta actuación ambiental crítica, presentou unha nova batería de proposicións non de lei e de preguntas instando o Goberno galego a impulsar de forma decidida perante o Goberno central a súa licitación para o inicio dos traballos durante o primeiro semestre de 2018.

Desde o informe emitido en decembro de 2013 pola Comisión de Peticións do Parlamento Europeo sobre o estado das rías galegas, teñen pasado xa cinco anos sen que as actuacións de rexeneración ambiental da ría do Burgo teñan dado comezo.

Nos impactos significativos da alternativa elixida para o proxecto definitivo recóllense os bancos marisqueiros afectados polo proxecto e as previsións da duración total do cese de actividade durante a súa execución, que se estima en 23 meses.

Nas súas distintas respostas ás iniciativas parlamentarias debatidas sobre este proxecto, tanto en pleno como en comisión, o Goberno galego sempre presentou argumentos para tratar de desvencellarse desta necesaria actuación ambiental, ben razóns de natureza competencial, cando estamos nun ámbito de competencias concorrentes, ben considerando necesario chegar a un acordo de financiamento conxunto do proxecto.

No proxecto de Presupostos Xerais do Estado para 2019 consígnanse para o bienio 2019-2020 no Ministerio para a Transición Ecolóxica os créditos necesarios para a licitación do proxecto, chegándose na reunión mantida o 15 de xaneiro actual na Coruña entre a Secretaría de Estado de Medio Ambiente, a Xunta de Galicia e os concellos ribeiregos afectados a un punto de acordo sobre o financiamento do proxecto, de xeito que se poda iniciar a licitación sen máis demora. A Xunta de Galicia, a pesar de non ter consignado ningún crédito nos seus orzamentos para 2019, parece ser que acudiría á redistribución de fondos europeos asignados a outros proxectos ambientais máis demorados para reasinalos a esta actuación.

Polo exposto, o Grupo Parlamentario dos Socialistas de Galicia presenta a seguinte proposición non de lei:



O Parlamento de Galicia insta ao Goberno galego a tomar con urxencia as medidas orzamentarias necesarias para asegurar o financiamento autonómico do proxecto de dragaxe ambiental da ría do Burgo.

Pazo do Parlamento, 21 de xaneiro de 2019

**Asinado dixitalmente por:**

**Juan Manuel Díaz Villoslada na data 21/01/2019 12:50:14**

**Patricia Otero Rodríguez na data 21/01/2019 12:50:26**

**María Luisa Pierres López na data 21/01/2019 12:50:38**

**María Dolores Toja Suárez na data 21/01/2019 12:50:48**

**Xoaquín María Fernández Leiceaga na data 21/01/2019 12:50:59**



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e das súas deputadas, Juan Manuel Díaz Villoslada, Patricia Vilán Lorenzo, María Luisa Pierres López e María Dolores Toja Suárez, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 8ª.

Tras a publicación da Declaración de impacto ambiental no BOE do 27 de setembro de 2017 do proxecto de dragaxe da ría do Burgo por parte do entón Ministerio de Agricultura e Pesca, Alimentación e Medio Ambiente, o Grupo Parlamentario dos Socialistas de Galicia, como continuación a iniciativas anteriores sobre esta actuación ambiental crítica, presentou unha nova batería de proposicións non de lei e de preguntas instando o Goberno galego a impulsar de forma decidida perante o Goberno central a súa licitación para o inicio dos traballos durante o primeiro semestre de 2018.

Desde o informe emitido en decembro de 2013 pola Comisión de Peticións do Parlamento Europeo sobre o estado das rías galegas, teñen pasado xa cinco anos sen que as actuacións de rexeneración ambiental da ría do Burgo teñan dado comezo.

Nos impactos significativos da alternativa elixida para o proxecto definitivo recóllense os bancos marisqueiros afectados polo proxecto e as previsións da duración total do cese de actividade durante a súa execución, que se estima en 23 meses.

Nas súas distintas respostas ás iniciativas parlamentarias debatidas sobre este proxecto, tanto en pleno como en comisión, o Goberno galego sempre presentou argumentos para tratar de desvencellarse desta necesaria actuación ambiental, ben razóns de natureza competencial, cando estamos nun ámbito de competencias concorrentes, ben considerando necesario chegar a un acordo de financiamento do proxecto.

No proxecto de Presupostos Xerais do Estado para 2019 consígnanse para o bienio 2019-2020 no Ministerio para a Transición Ecolóxica os créditos necesarios para a licitación do proxecto, chegándose na reunión mantida o 15 de xaneiro actual na Coruña entre a Secretaría de Estado de Medio Ambiente, a Xunta de Galicia e os concellos ribeiregos afectados a un punto de acordo sobre o financiamento do proxecto, de xeito que se poda iniciar a licitación sen máis demora. A Xunta de Galicia, a pesar de non ter consignado ningún crédito nos seus orzamentos para 2019, parece ser que acudiría á redistribución de fondos europeos asignados a outros proxectos ambientais máis demorados para reasinalos a esta actuación.

Polo exposto, o Grupo Parlamentario dos Socialistas de Galicia presenta a seguinte proposición non de lei:

**Rúa do Hórreo, s/n, Parlamento de Galicia. 15702 SANTIAGO DE COMPOSTELA**

**Tlf: 981 551 530 · gp-socialista@parlamentodegalicia.es**





O Parlamento de Galicia insta o Goberno galego a tomar con urxencia as medidas orzamentarias necesarias para asegurar o financiamento autonómico do proxecto de dragaxe ambiental da ría do Burgo.

Pazo do Parlamento, 21 de xaneiro de 2019

**Asinado dixitalmente por:**

**Juan Manuel Díaz Villoslada na data 21/01/2019 12:51:26**

**Patricia Vilán Lorenzo na data 21/01/2019 12:51:39**

**María Luisa Pierres López na data 21/01/2019 12:51:47**

**María Dolores Toja Suárez na data 21/01/2019 12:51:58**

**Xoaquín María Fernández Leiceaga na data 21/01/2019 12:52:10**

Rúa do Hórreo, s/n, Parlamento de Galicia. 15702 SANTIAGO DE COMPOSTELA

Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)



## Á MESA DO PARLAMENTO

O Grupo Parlamentar de **En Marea**, por iniciativa dos seus deputados **Antón Sánchez García e Marcos Cal Ogando**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 2.<sup>a</sup>**

### Exposición de motivos

O ano pasado citamos o informe *Necesidades de Inversión en Conservación 2017-2018* da Asociación Española de Carreteras (AEC), que ofrece un diagnóstico preocupante sobre o estado actual das estradas estatais, autonómicas e provincias da nosa comunidade. Este ano cómpre que o mencionemos de novo, porque o firme, as sinalizacións de todo tipo, as barreiras de seguridades... das estradas galegas continúan sen satisfacer as esixencias de calidade máis elementais.

Non é nada novo. O desleixo do Goberno autonómico e central cara a vertebración do noso territorio vén de lonxe. Ano tras ano incórrase no mesmo agravio, e cada vez acentúase máis. Basta con ver a inversión no mantemento das estradas do Estado en Galicia para comprobalo. Dende o ano 2009 ata o 2017 reduciuse ata a terceira parte. Pasouse dos 139,35 millóns executados aos 45,98 millóns. Deste xeito, como se espera paliar o atraso histórico que padece Galicia en materia de comunicacións?

A situación é particularmente grave en Lugo. Os usuarios levan tempo denunciándoo e reclamando a adecuada conservación das súas vías –entregaron sinaturas ao Goberno, fixeron campañas nas redes sociais, protestaron polos





cortes das estradas, advertiron da proliferación de fochancas nos medios...-, pero nada diso serviu, ata o momento, para que a Xunta os tivera en consideración. Os veciños e veciñas da provincia de Lugo, así como os peregrinos e os turistas, son vítimas da inseguridade viaria por mor da incompetencia do Goberno Popular.

A contorna de Palas de Rei non é unha excepción, como constatan as ducias de accidentes que se producen nas estradas da rede autonómica e da rede provincial que atravesan o seu territorio.

É por isto que a Xunta de Galicia debería tomar a iniciativa de coordinarse con Fomento, coa Deputación Provincial e cos Concellos da zona para adoptar medidas que garantan a seguridade dos condutores e dos viandantes.

Por todo o dito, o Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a:

- Construír un enlace alternativo á estrada da Deputación Provincial LU-2901 que permita acceder directamente á N-547.
- Reducir a velocidade nos tramos entre a Baiuca e Palas de Rei a 30 km/hora.
- Controlar a velocidade nos tramos citados con mecanismos que non sexan molestos para os veciños e veciñas.
- Manter limpas as cunetas dos tramos citados.
- Construír un paseo peonil para que os viandantes poidan circular con seguridade entre o acceso á A-54 e Palas de Rei.





- Mellorar a sinalización do acceso á A-54 en A Baiuca e a sinalización horizontal e vertical do entronque da LU-231 coa LU-2901, onde xa se produciron varios accidentes.

Santiago de Compostela, 21 de xaneiro de 2019.

Asdo.: Antón Sánchez García

Marcos Cal Ogando

Vicevoceiro e deputado do G.P. de En Marea.

**Asinado dixitalmente por:**

**Antón Sánchez García na data 21/01/2019 12:30:20**

**Marcos Cal Ogando na data 21/01/2019 12:30:36**



## Á MESA DO PARLAMENTO

O Grupo Parlamentario Popular de Galicia a través do seu Portavoz e por iniciativa dos deputados e deputadas **Jacobo Moreira Ferro, Guadalupe Murillo Solís, Martín Fernández Prado, Jaime Castiñeira Broz, Marta Novoa Iglesias, Julia Rodríguez Barreira, Gonzalo Trenor López e Daniel Luis Varela Suanzes-Carpegna**, ao abeiro do disposto no artigo 160 e concordantes do Regulamento da Cámara, presenta ante esta Mesa a seguinte **proposición non de lei para o seu debate en Comisión 2ª Ordenación Territorial, Obras Públicas, Medio Ambiente e Servicios**.

### Exposición de motivos

Na actualidade, as comunicacións norte-sur entre as cidades de Pontevedra e Vigo realízanse principalmente, ou ben a través da autoestrada AP-9, ou ben a través das estradas convencionais N-552 (Vigo–Redondela) e N-550 (no treito Redondela–Pontevedra). A saturación de tráfico dos eixes anteriores provocou a necesidade de formular unha nova infraestrutura que conforme unha alternativa aos itinerarios actuais e mellore as comunicacións en todo o ámbito. Así, o Ministerio de Fomento deseñou as autovías A-57 e a autovía A-59.

O 29 de outubro de 2005 publicouse no BOE o anuncio da Demarcación de Estradas do Estado en Galicia polo que se somete a información Pública o estudo informativo da Autovía A-57: Pontevedra-Conexión A-52.

A Xunta de Galicia informou favorablemente o 5 de xaneiro de 2006 este estudo informativo, solicitando ao Ministerio de Fomento que se conectara esta nova infraestrutura coa área de Vigo-O Porriño. Neste informe indicábase, así mesmo, que se estimaba imprescindible non só a conexión de Pontevedra coa A-52, senón que se realizase un deseño viario que tamén conectase pola marxe leste da ría de Pontevedra, Redondela e a área de Vigo, desconxestionando tanto a AP-9 en Rande como a N-550.

No BOE do 10 de xullo de 2007 publicouse o anuncio da Demarcación de estradas do Estado en Galicia sobre a Resolución da Secretaría de Estado de Infraestruturas e Planificación pola que se aproba o expediente de información pública e a aprobación definitiva do estudo informativo da Autovía A-57: Pontevedra-Conexión A-52.

A Xunta de Galicia informou favorablemente no 2008 o estudo informativo do Ministerio de Fomento “Conexión da autovía A-57 coa rede arterial de Vigo, e o acceso ao aeroporto de Peinador”, que foi aprobado definitivamente polo Ministerio de Fomento o 10 de febreiro de 2009.

**Pazo do Parlamento - Rúa do Hórreo, 63**  
**15701 Santiago de Compostela**  
**T. 981 551 510 F. 981 551 422**  
**gp-pp@parlamentodegalicia.es**  
**www.ppdegalicia.com**



O pasado 13 de decembro de dous mil dezaioito publicouse no Boletín Oficial del Estado a o sometemento a información pública do "Documento Técnico para Información Pública Autovía A-57. Tramo: A Ermida – Pilarteiros. Provincia de Pontevedra" e o seu Estudo de Impacto Ambiental.

O documento contempla ademais da alternativa seleccionada no estudo informativo unha alternativa máis exterior, atendendo así ás peticións de varias entidades locais.

Dada a viabilidade de ambas as alternativas, o documento técnico recolle o trazado de cada unha no procedemento de información pública.

A alternativa 1 é de 5,04 quilómetros, con orzamento estimado en 100,15 millóns de euros. A alternativa 2 é de 6,35 quilómetros e un custo estimado de 124,21 millóns de euros.

Ambos os dous trazados están suscitando o rexeitamento da veciñanza e propietarios afectados, principalmente das parroquias de Bora e Xeve, que xa teñen anunciado un elevado número de alegacións, dadas as grandes afeccións das propostas a vivendas, elementos patrimoniais, fauna e flora.

Visto o rexeitamento xeneralizado destes dous trazados, e considerando que se trata dun investimento que supera os cen millóns de euros, consideramos desexable para o interese xeral que o proxecto de trazado que se leve adiante conte co máximo consenso posible das persoas afectadas e que sexa socialmente asumible.

Por todo isto, os deputados e deputadas asinantes do Grupo Popular formulan a seguinte **proposición non de lei para o seu debate en comisión**:

“O Parlamento de Galicia insta á Xunta de Galicia a solicitar ao Ministerio de Fomento que defina o trazado do treito da A-57 entre A Ermida-Pilarteiros tendo en conta o diálogo cos afectados, a fin de que se adopte unha solución que sexa socialmente asumible e na que se teñan en conta as reivindicacións veciñais que sexan técnicamente viables. E unha vez sexa acordado o trazado cos colectivos afectados, axilice a tramitación administrativa necesaria para levar adiante o proxecto”



Santiago de Compostela, 21 de xaneiro de 2019.

**Asinado dixitalmente por:**

**Pedro Puy Fraga na data 21/01/2019 17:06:10**

**Jacobo Moreira Ferro na data 21/01/2019 17:06:36**

**María Guadalupe Murillo Solís na data 21/01/2019 17:06:50**

**Martín Fernández Prado na data 21/01/2019 17:06:59**

**Jaime Castiñeira Broz na data 21/01/2019 17:07:14**

**Marta Novoa Iglesias na data 21/01/2019 17:07:22**

**María Julia Rodríguez Barreira na data 21/01/2019 17:07:34**

**Gonzalo Trenor López na data 21/01/2019 17:08:09**

**Daniel Luis Varela Suanzes-Carpegna na data 21/01/2019 17:08:19**



## Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **Aurelio Nuñez Centeno, Encarna Amigo Díaz, Marian García Míguez, Marta Rodríguez Arias, Marta Rodríguez-Vispo Rodríguez, Soraya Salorio Porral, Miguel Tellado e Diego Calvo Pouso** ao abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en Comisión 5ª Sanidade, Política Social e Emprego.**

## Exposición de motivos

Un dous principais motivos polos que o Sistema Nacional de Saúde é un referente internacional, un elemento cardinal da «Marca España» e un valor esencial do noso Estado do Benestar, son os profesionais sanitarios.

A súa vocación, así como os anos destinados á formación e a capacitación, converten ao conxunto de profesións sanitarias recoñecidas como tal na Lei 44/2003, do 21 de novembro, de Ordenación das Profesións Sanitarias, en activos imprescindibles dun sistema sanitario que nos converteu aos españois nos cidadáns máis lonxevos da Unión Europea e nos segundos do mundo (únicamente superados por Xapón) cunha esperanza de vida ao nacer superior aos 83 anos.

Ademais, os profesionais sanitarios adoitan atoparse entre as profesións mellor valoradas polos españois e fixeron posible que no último «Barómetro Sanitario» do Ministerio de Sanidade, relativo ao ano 2017 e publicado o pasado mes de maio, o Sistema Nacional de Saúde obtivese en Galicia a mellor cualificación dos últimos 15 anos (6,49 sobre 10).

O citado barómetro sinala de forma específica que a atención primaria é o nivel asistencial que mellor cualificación recibe en Galicia, por riba da media estatal, cun 7,54 sobre 10 (polo 6,84 dos ingresos hospitalarios, o 6,60 das consultas de especialistas e o 6,19 das urxencias) e expón tamén que o 88,5 por cento dos pacientes que son asistidos en centros de primaria, tanto por médicos de familia como por pediatras, consideran que a atención recibida foi boa ou moi boa, dato que tamén supera á media estatal.

Con todo, o 67,6 por cento dos participantes no barómetro (unha porcentaxe que ascende ao 69,9 no caso dos galegos) opina que, aínda que o sistema sanitario funciona ben ou bastante ben, necesita algúns cambios, porcentaxe que se sitúa no





26,2 por cento (no 25,5 en Galicia) para aqueles que opinan que o modelo require cambios fundamentais.

Ademais, o 62,5 por cento dos enquisados (o 58,2 no caso dos galegos) recoñece que nunca ou case nunca que pide cita co médico no seu centro de saúde é citado para o mesmo día. En Galicia, un 6% dos enquisados afirman esperar entre e 5 e 10 días, unha porcentaxe que, aínda estando moi lonxe do 23,5% que sofre este tempo de agarda na media estatal, é fundamental reducir.

Parece en consecuencia, e a pesar tanto da boa valoración que os cidadáns realizan da atención primaria no Sistema Nacional de Saúde, que hai marxe de mellora no funcionamento do primeiro nivel asistencial para que ademais de ser a porta de entrada ao sistema sanitario, incrementa a súa capacidade resolutiva e convértase tamén, unha vez atendidas as necesidades asistenciais dos pacientes, na porta de saída.

Entre outros ámbitos nos que parece percorrer para progresar en atención primaria, destaca o dos recursos humanos, é dicir, o da xestión, a ordenación e a planificación dos profesionais, especialmente dos pediatras.

De acordo coa Asociación Española de Pediatría de Atención Primaria e a Sociedade Española de Pediatría Extrahospitalaria e Atención Primaria, é necesario impulsar medidas coas que potenciar o papel dos profesionais de atención primaria no Sistema Nacional de Saúde, así como as súas condicións laborais, a súa formación e a súa capacitación.

Polo exposto, o Grupo Parlamentario Popular de Galicia presenta a seguinte **Proposición non de Lei en comisión:**

“O Parlamento de Galicia insta a Xunta de Galicia a que demande do Goberno Central traballar en coordinación coas Comunidades Autónomas, os colexios profesionais, as sociedades científicas e os sindicatos para procurar melloras nos servizos de pediatría de atención primaria do Sistema Nacional de Saúde impulsando medidas coas que:

- Valorar a ampliación da oferta anual de formación sanitaria especializada en pediatría de atención primaria, realizando unha planificación do recambio xeracional en función das necesidades de profesionais da pediatría da atención primaria para os próximos anos.

- Aprobar medidas que incentiven as prazas de difícil cobertura de pediatría de atención primaria, especialmente no ámbito rural, co obxectivo de estabilizar os postos de traballo.



-Actualizar o programa de formación MIR para habilitar a posibilidade de incluír outras rotacións necesarias para o exercicio da pediatría de atención primaria e aumentar a rotación dos residentes de pediatría polos centros do primeiro nivel asistencial, adecuando o número de créditos ECTS e potenciando a figura e o recoñecemento do titor de residentes.

- Revisar os criterios de acreditación de docente de prazas hospitalarias para a formación MIR en pediatría.

-Desenvolver medidas coas que incrementar a visibilidade e a participación da pediatría de atención primaria na universidade e nos distintos órganos existentes relacionados coa especialización sanitaria.”

Santiago de Compostela, 22 de xaneiro 2019.

**Asinado dixitalmente por:**

**Pedro Puy Fraga na data 21/01/2019 19:00:12**

**Aurelio Alfonso Núñez Centeno na data 21/01/2019 19:00:48**

**María Encarnación Amigo Díaz na data 21/01/2019 19:00:55**

**María Ángeles Garcia Míguez na data 21/01/2019 19:01:06**

**Marta Rodriguez Arias na data 21/01/2019 19:01:15**

**María Soraya Salorio Porral na data 21/01/2019 19:01:28**

**Marta María Rodríguez-Vispo Rodríguez na data 21/01/2019 19:01:42**

**Miguel Ángel Tellado Filgueira na data 21/01/2019 19:01:58**

**Diego Calvo Pouso na data 21/01/2019 19:02:06**



## Á MESA DO PARLAMENTO

**O Grupo Parlamentar de En Marea**, por iniciativa das súas deputadas **Luca Chao Pérez e Ánxeles Cuña Bóveda**, ao abeiro do recollido no artigo 160 do Regulamento da Cámara, presenta a seguinte **Proposición non de lei, para o seu debate na Comisión 4ª**, relativa as cotas dos colexios concertados.

### Exposición de motivos

O luns día 13 de agosto publicouse no Diario Oficial de Galicia a actualización dos concertos cos centros escolares privados da comunidade. O curso comezou con 16 unidades concertadas máis que o ano pasado, sumando un total de 3.929 en todo o territorio. Así, 86.000 rapaces e rapazas acoden hoxe a escolas concertadas galegas. A cifra supón 25% do total. Entre os centros beneficiarios atópase o colexio Las Acacias, de Vigo, un dos catro colexios galegos que segregan ao alumnado por sexo. Isto sucede ao mesmo tempo que a Xunta de Galicia desmantela a educación pública pechando escolas unitarias e negándose a incrementar o número de docentes.

Malia o trato de favor que reciben os centros concertados, estes nin sequera compren coas súas obrigas máis básicas, como a de ofrecer educación gratuíta ás familias que así o requiran. A realidade é que moitos centros aproveítanse do descoñecemento dos pais para facerlles crer que as cotas opcionais son en realidade obrigatorias. Incumpren así o Real Decreto 2377/1985, do 8 de decembro, polo que se aprobou o Regulamento de Noemas Básicas sobre Concertos Educativos, que di, no seu artigo 14.1, que “1. O concerto educativo obriga ao titular do centro privado a impartir gratuitamente as ensinanzas do concerto do acordo cos correspondentes programas e plans de estudo e con suxeición ás normas de ordenación académica en vigor. 2. Pola impartición das





ensinanzas de nivel educativo obxecto do concerto non se poderá percibir concepto algún que, directa ou indirectamente, supoña unha contrapartida económica pola actividade. 3. Polo concerto educativo o titular do centro obrígase ao cumprimento das normas establecidas no título IV da lei orgánica 8/1985, do 3 de xullo, e nos correspondentes regulamento de aplicación da mesma”.

A Confederación Española de Asociacións de pais e nais do alumnado (CEAPA) vén de presentar un informe que subliña o que estamos a dicir: os colexios concertados están a incumprir a lei sistematicamente coa conivencia explícita das administracións autonómicas e do Estado. O informe, que conta con probas documentais e testemuñas, proba que case a totalidade dos colexios concertados investigados cobran cota obrigatoria. En Galicia, cóbrana o 85% dos centros inspeccionados, que supera os 100 euros mensuais nos casos de Estudio (101 €), Alca (117€) e Rosalía de Castro (144€).

Segundo a presidenta da CEAPA, isto demostra que “a administración promove o copago, xa que non está controlando o lucro obtido polos servizos ligados á ensinanza obrigatoria dos colexios concertados, nin se están adoptando medidas de control e rectificación das prácticas irregulares destes colexios, que prexudica ás familias e á coexistencia dos modelos educativos público, concertado e privado independente”.

A situación é inadmisíbel e ten que mudar de inmediato. Non pode ser que centros financiados con cartos públicos incumpran a lei e deterioren o acceso igualitario á educación, como están a facer moitos centros concertados.

Por todo o exposto, o Grupo Parlamentar de En Marea presenta a seguinte Proposición non de lei:





O Parlamento galego insta a Xunta de Galicia a asumir as reivindicacións da CEAPA, a saber:

- Cumprir a Constitución garantindo a gratuidade das ensinanzas nos centros concertados.
- Obrigar aos centros concertados a ser inclusivos. Non poden ser eles os que escollan ao alumnado no proceso de escolarización.
- Separar nitidamente as actividades curriculares dos centros concertados das actividades complementarias.
- Establecer un procedemento para a concesión de concertos que inclúa unha avaliación previa do modelo educativo dos centros. Os centros terían que estar en funcionamento antes de concederlles calquera tipo de concerto.
- Entender a concertación como subsidiaria ao sistema público educativo. É dicir, non se poderá conceder se a escolarización pode ser cuberta dende o sistema público.
- Renovar os concertos existentes só nos casos nos que se cumpran os requisitos expostos no Real Decreto e nunca cos centros que seguen por sexo ao alumnado.

Santiago de Compostela, 21 de xaneiro de 2019.

Asdo.: Luca Chao Pérez

Ánxeles Cuña Bóveda

Deputadas do G.P. de En Marea.





Luís Villares Naveira

Voceiro do G.P. de En Marea.

**Asinado dixitalmente por:**

**Luca Chao Pérez na data 21/01/2019 19:10:39**

**María de los Ángeles Cuña Bóveda na data 21/01/2019 19:10:45**

**Luis Villares Naveira na data 21/01/2019 19:10:51**



## Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas e do seu deputado **María Luisa Pierres López, María Dolores Toja Suárez, Patricia Vilán Lorenzo, Juan Manuel Díaz Villoslada e Matilde Begoña Rodríguez Rumbo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 1.<sup>a</sup>, Institucional, de Administración Xeral, Xustiza e Interior**.

## Exposición de motivos

No período de tempo transcorrido desde a entrada en vigor do Decreto 182/2004, os centros de información ás mulleres (en diante CIM) reveláronse como instrumentos dunha importancia decisiva no ámbito local na promoción da igualdade de xénero grazas ás actividades que desenvolven e, por outra parte, prestaron unha atención inestimable ás persoas que demandaron o servizo, principalmente nos ámbitos xurídico, psicolóxico e de información de acceso aos recursos dispoñibles. Dentro da atención prestada merece destacar especialmente a das mulleres en situación de vulnerabilidade por diversos motivos e, en concreto, o servizo prestado a mulleres que foron vítimas de violencia de xénero ou que se atopaban en risco de seren potenciais sufridoras desa situación. Deste xeito os CIM convertéronse en ferramentas decisivas na prevención, detección, tratamento e loita en xeral contra esta praga social desde unha relación de proximidade e atención directa.

O decreto 160/2016 configura os CIM como un conxunto de recursos das entidades locais, desde os cales se articula unha intervención global dirixida ás mulleres e que proporcionan asesoramento xurídico, atención psicolóxica, orientación profesional e sociolaboral, así como calquera outra información encamiñada á consecución da igualdade efectiva entre mulleres e homes.

As funcións principais dos CIM son:

- Con carácter prioritario as actividades de prevención, información, asesoramento e loita en xeral contra a violencia de xénero, así como a atención ás mulleres vítimas de violencia de xénero. Ademais, a atención poderase estender ás fillas e fillos e ás persoas menores ou maiores dependentes delas.



- Tamén será prioritaria a atención a mulleres pertencentes a outros colectivos en situación de vulnerabilidade e/ou risco de exclusión social.
- Servizo de información, atención e asesoramento a lesbianas, gays, transexuais, bisexuais e intersexuais e ás súas familias e persoas achegadas.
- Prestar asesoramento profesional e sociolaboral.
- Facilitar calquera outra información encamiñada á consecución da igualdade efectiva entre mulleres e homes.

Desde a propia Secretaría de Igualdade se fala de Rede integral a nivel territorial de CIM como un instrumento de colaboración e compartimento de información entre os CIM, na cal tamén participará o órgano competente en materia de igualdade da Administración xeral da Comunidade Autónoma de Galicia, principalmente cunha función de soporte e coordinación.

A realidade é que a día de hoxe existen 81 CIM en toda Galicia, que atenden a 177 concellos. Que pasa logo cos 136 concellos que non están atendidos? A realidade é que algún ou ben ofertan o mesmo servizos con recursos propios e outros atenden os casos a través dos servizos sociais e derivan os casos que procedan ó CIM máis próximo.

En todo caso, son eminentemente os concellos rurais os que carecen aínda deste servizo, xa sexa propio ou pertencendo a algún centro mancomunado.

Así mesmo se detecta que tan só un 27% dos CIM contan co perfil de axente de igualdade, un perfil que consideramos fundamental para garantir a aplicación da perspectiva de xénero en cada unha das accións que se realizan, pero ademais é totalmente discriminatorio e incoherente que se subvencione ese perfil profesional por debaixo doutros de igual categoría profesional (asesoría xurídica e/ou psicolóxica).

Esta e outras cuestións foron suxeridas nos informes anuais dos CIM de toda Galicia. O 47% deles apuntan cuestións varias que consideran imprescindibles, segundo a súa experiencia, mellorar de cara a ofertar un mellor servizo.

Desde o grupo parlamentario socialista consideramos que a avaliación anual de calquera das medidas implantadas para a loita contra a violencia machista é fundamental para conquistar unha mellor efectividade e eficacia.

E neste caso, e dado a batería de suxestións que parten das propias profesionais dos centros cremos que é de máxima urxencia a posta en marcha de melloras





que permitan facer destes centros a verdadeira rede integral que permita o asesoramento, formación e atención das mulleres vítimas así como na promoción da igualdade de xénero.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a implementar e impulsar as seguintes melloras na Rede CIM de Galicia:

1. Garantir o servizo integral e de calidade para todas as mulleres galegas, independentemente da súa localización no territorio, mellorando a accesibilidade ós servizos, coa consolidación dunha rede integral de CIM en todo o territorio, atención especializada ás vítimas e plans específicos que favorezan a prevención da violencia, especialmente no rural galego, cun estudio previo da realidade específica desta poboación.

2. Fomento da cooperación institucional e entre os propios CIM.

- Creación protocolos destinados a coordinar e optimizar as actuacións en materia de violencia de xénero e reunións interdisciplinares entre todas/os os/as profesionais da Rede de centros CIM, así como con todas as entidades dedicadas a traballar no eido da igualdade de oportunidades entre mulleres e homes, coa finalidade de intercambiar experiencias e implementar en cada un dos concellos os proxectos con éxito que foran desenvolvidos por algunha destas entidades.
- Promoción de maior cooperación interautonómica entre redes de centros. Promoción de encontros coas entidades destinadas a promoción da igualdade doutras comunidades autónomas con idéntica finalidade.

3. Impulso de todas as medidas recollidas na Lei 11/2007, do 27 de xullo, galega para a prevención e tratamento integral da violencia de xénero, de cara a inserción laboral e prioridade de mulleres vítimas de violencia de xénero nas ofertas de emprego xestionadas polo Servizo Público de Emprego de Galicia.

4. Asegurar a financiación autonómica da Rede CIM. Posta a disposición por parte da Xunta de Galicia dunha partida económica suficiente con fondos propios para a financiación da Rede CIM.



5. Dotar de maior celeridade na convocatoria e resolución anual das posibles subvencións ás que os CIM poden acollerse.

Pazo do Parlamento, 22 de xaneiro de 2019

**Asinado dixitalmente por:**

**María Luisa Pierres López na data 22/01/2019 12:27:35**

**María Dolores Toja Suárez na data 22/01/2019 12:27:41**

**Patricia Vilán Lorenzo na data 22/01/2019 12:27:47**

**Juan Manuel Díaz Villoslada na data 22/01/2019 12:27:52**

**Matilde Begoña Rodríguez Rumbo na data 22/01/2019 12:27:57**

**Xoaquín María Fernández Leiceaga na data 22/01/2019 12:27:59**



## Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas e do seu deputado **María Luisa Pierres López, María Dolores Toja Suárez, Patricia Vilán Lorenzo, Juan Manuel Díaz Viloslada e Matilde Begoña Rodríguez Rumbo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 1.<sup>a</sup>, Institucional, de Administración Xeral, Xustiza e Interior**.

## Exposición de motivos

No período de tempo transcorrido desde a entrada en vigor do Decreto 182/2004, os centros de información ás mulleres (en diante CIM) reveláronse como instrumentos dunha importancia decisiva no ámbito local na promoción da igualdade de xénero grazas ás actividades que desenvolven e, por outra parte, prestaron unha atención inestimable ás persoas que demandaron o servizo, principalmente nos ámbitos xurídico, psicolóxico e de información de acceso aos recursos dispoñibles. Dentro da atención prestada merece destacar especialmente a das mulleres en situación de vulnerabilidade por diversos motivos e, en concreto, o servizo prestado a mulleres que foron vítimas de violencia de xénero ou que se atopaban en risco de seren potenciais sufridoras desa situación. Deste xeito os CIM convertéronse en ferramentas decisivas na prevención, detección, tratamento e loita en xeral contra esta praga social desde unha relación de proximidade e atención directa.

O decreto 160/2016 configura os CIM como un conxunto de recursos das entidades locais, desde os cales se articula unha intervención global dirixida ás mulleres e que proporcionan asesoramento xurídico, atención psicolóxica, orientación profesional e sociolaboral, así como calquera outra información encamiñada á consecución da igualdade efectiva entre mulleres e homes.

As funcións principais dos CIM son:

- Con carácter prioritario as actividades de prevención, información, asesoramento e loita en xeral contra a violencia de xénero, así como a atención ás mulleres vítimas de violencia de xénero. Ademais, a atención poderase estender ás fillas e fillos e ás persoas menores ou maiores dependentes delas.



- Tamén será prioritaria a atención a mulleres pertencentes a outros colectivos en situación de vulnerabilidade e/ou risco de exclusión social.
- Servizo de información, atención e asesoramento a lesbianas, gays, transexuais, bisexuais e intersexuais e ás súas familias e persoas achegadas.
- Prestar asesoramento profesional e sociolaboral.
- Facilitar calquera outra información encamiñada á consecución da igualdade efectiva entre mulleres e homes.

Desde a propia Secretaría de Igualdade se fala de Rede integral a nivel territorial de CIM como un instrumento de colaboración e compartimento de información entre os CIM, na cal tamén participará o órgano competente en materia de igualdade da Administración xeral da Comunidade Autónoma de Galicia, principalmente cunha función de soporte e coordinación.

A realidade é que a día de hoxe existen 81 CIM en toda Galicia, que atenden a 177 concellos. Que pasa logo cos 136 concellos que non están atendidos? A realidade é que algún ou ben ofertan o mesmo servizos con recursos propios e outros atenden os casos a través dos servizos sociais e derivan os casos que procedan ó CIM máis próximo.

En todo caso, son eminentemente os concellos rurais os que carecen aínda deste servizo, xa sexa propio ou pertencendo a algún centro mancomunado.

Así mesmo se detecta que tan só un 27% dos CIM contan co perfil de axente de igualdade, un perfil que consideramos fundamental para garantir a aplicación da perspectiva de xénero en cada unha das accións que se realizan, pero ademais é totalmente discriminatorio e incoherente que se subvencione ese perfil profesional por debaixo doutros de igual categoría profesional (asesoría xurídica e/ou psicolóxica).

Esta e outras cuestións foron suxeridas nos informes anuais dos CIM de toda Galicia. O 47% deles apuntan cuestións varias que consideran imprescindibles, segundo a súa experiencia, mellorar de cara a ofertar un mellor servizo.

Desde o grupo parlamentario socialista consideramos que a avaliación anual de calquera das medidas implantadas para a loita contra a violencia machista é fundamental para conquistar unha mellor efectividade e eficacia.

E neste caso, e dado a batería de suxestións que parten das propias profesionais dos centros cremos que é de máxima urxencia a posta en marcha de melloras



que permitan facer destes centros a verdadeira rede integral que permita o asesoramento, formación e atención das mulleres vítimas así como na promoción da igualdade de xénero.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a implementar e impulsar de cara á mellora dos medios e recursos de xestión dos Centros de Información ás Mulleres (CIM):

#### 1. Mellora do funcionamento da plataforma Xestión CIM:

- Que permita un mellor uso dos recursos e evite a sobrecarga administrativa, favorecendo o uso da mesma base de datos nas diferentes plataformas de xestión ás que teñen que acceder as profesionais os centros.
- Reformular o sistema de implementación de datos co fin de velar pola confidencialidade na atención ás usuarias. Velar por un servizo que ten que ser próximo ás vítimas, e evitar que se converta nun freo para o asesoramento e prioritaria atención, especialmente no ámbito rural, onde a desconfianza é maior.

2. Dotar ós centros de máis medios técnicos adecuados para o diagnóstico-avaliación das psicólogas, co fin de elaborar os informes para o xulgado.

3. Aumento de recursos de acollemento, económicos e sociais, que permitan romper con situacións persoais de violencia en mulleres de alta vulnerabilidade (con problemas de adicción, prostitución, ...) e dar pasos de cara a independencia e/ou vida autónoma cos seus/súas fillas/os no caso de telos/as.

4. Impulsar a contratación de perfís profesionais do traballo social e da orientación e/ou intermediación laboral, en especial en núcleos de máis de 20.000 habitantes. De cara a unha maior intervención integral coas mulleres e menores que sofren violencia de xénero, e que complementarían e traballarían de xeito interprofesional coa psicóloga e a asesora xurídica do CIM, tendo en conta o concepto e natureza dos centros de información ás mulleres.



5. Impulsar a presenza de Axentes de Igualdade nos CIM, indispensables no traballo de prevención da violencia.

Pazo do Parlamento, 22 de xaneiro de 2019

**Asinado dixitalmente por:**

**María Luisa Pierres López na data 22/01/2019 12:28:09**

**María Dolores Toja Suárez na data 22/01/2019 12:28:15**

**Patricia Vilán Lorenzo na data 22/01/2019 12:28:23**

**Juan Manuel Díaz Villoslada na data 22/01/2019 12:28:28**

**Matilde Begoña Rodríguez Rumbo na data 22/01/2019 12:28:34**

**Xoaquín María Fernández Leiceaga na data 22/01/2019 12:28:36**



## Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas e do seu deputado **María Luisa Pierres López, María Dolores Toja Suárez, Patricia Vilán Lorenzo, Juan Manuel Díaz Villoslada e Matilde Begoña Rodríguez Rumbo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 1.<sup>a</sup>, Institucional, de Administración Xeral, Xustiza e Interior**.

## Exposición de motivos

No período de tempo transcorrido desde a entrada en vigor do Decreto 182/2004, os centros de información ás mulleres (en diante CIM) reveláronse como instrumentos dunha importancia decisiva no ámbito local na promoción da igualdade de xénero grazas ás actividades que desenvolven e, por outra parte, prestaron unha atención inestimable ás persoas que demandaron o servizo, principalmente nos ámbitos xurídico, psicolóxico e de información de acceso aos recursos dispoñibles. Dentro da atención prestada merece destacar especialmente a das mulleres en situación de vulnerabilidade por diversos motivos e, en concreto, o servizo prestado a mulleres que foron vítimas de violencia de xénero ou que se atopaban en risco de seren potenciais sufridoras desa situación. Deste xeito os CIM convertéronse en ferramentas decisivas na prevención, detección, tratamento e loita en xeral contra esta praga social desde unha relación de proximidade e atención directa.

O decreto 160/2016 configura os CIM como un conxunto de recursos das entidades locais, desde os cales se articula unha intervención global dirixida ás mulleres e que proporcionan asesoramento xurídico, atención psicolóxica, orientación profesional e sociolaboral, así como calquera outra información encamiñada á consecución da igualdade efectiva entre mulleres e homes.

As funcións principais dos CIM son:

- Con carácter prioritario as actividades de prevención, información, asesoramento e loita en xeral contra a violencia de xénero, así como a atención ás mulleres vítimas de violencia de xénero. Ademais, a atención poderase estender ás fillas e fillos e ás persoas menores ou maiores dependentes delas.



- Tamén será prioritaria a atención a mulleres pertencentes a outros colectivos en situación de vulnerabilidade e/ou risco de exclusión social.
- Servizo de información, atención e asesoramento a lesbianas, gays, transexuais, bisexuais e intersexuais e ás súas familias e persoas achegadas.
- Prestar asesoramento profesional e sociolaboral.
- Facilitar calquera outra información encamiñada á consecución da igualdade efectiva entre mulleres e homes.

Desde a propia Secretaría de Igualdade se fala de Rede integral a nivel territorial de CIM como un instrumento de colaboración e compartimento de información entre os CIM, na cal tamén participará o órgano competente en materia de igualdade da Administración xeral da Comunidade Autónoma de Galicia, principalmente cunha función de soporte e coordinación.

A realidade é que a día de hoxe existen 81 CIM en toda Galicia, que atenden a 177 concellos. Que pasa logo cos 136 concellos que non están atendidos? A realidade é que algún ou ben ofertan o mesmo servizos con recursos propios e outros atenden os casos a través dos servizos sociais e derivan os casos que procedan ó CIM máis próximo.

En todo caso, son eminentemente os concellos rurais os que carecen aínda deste servizo, xa sexa propio ou pertencendo a algún centro mancomunado.

Así mesmo se detecta que tan só un 27% dos CIM contan co perfil de axente de igualdade, un perfil que consideramos fundamental para garantir a aplicación da perspectiva de xénero en cada unha das accións que se realizan, pero ademais é totalmente discriminatorio e incoherente que se subvencione ese perfil profesional por debaixo doutros de igual categoría profesional (asesoría xurídica e/ou psicolóxica).

Esta e outras cuestións foron suxeridas nos informes anuais dos CIM de toda Galicia. O 47% deles apuntan cuestións varias que consideran imprescindibles, segundo a súa experiencia, mellorar de cara a ofertar un mellor servizo.

Desde o grupo parlamentario socialista consideramos que a avaliación anual de calquera das medidas implantadas para a loita contra a violencia machista é fundamental para conquistar unha mellor efectividade e eficacia.

E neste caso, e dado a batería de suxestións que parten das propias profesionais dos centros cremos que é de máxima urxencia a posta en marcha de melloras





que permitan facer destes centros a verdadeira rede integral que permita o asesoramento, formación e atención das mulleres vítimas así como na promoción da igualdade de xénero.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a implementar e impulsar medidas para mellorar a formación continua dos e das profesionais da Rede CIM de Galicia, incidindo en:

- Necesaria impartición de cursos sobre Inmigración e colectivo LGTBI, adaptándose ao novo decreto que regula os CIM.
- Maior formación na área xurídica, en especial no ámbito lexislativo de atención a menores vítimas de violencia de xénero.
- Formación especializada en aspectos relacionados co apego, dependencia emocional, ou traumas.
- Actividades formativas sobre atención a mulleres que sofren de adiccións.
- Oferta de plan de formación anual pautada a primeiros de ano, para que dita formación non se reduza ó último trimestre, e favoreza o acceso das e dos profesionais ós cursos e formacións ofertadas.

Pazo do Parlamento, 22 de xaneiro de 2019

**Asinado dixitalmente por:**

**María Luisa Pierres López na data 22/01/2019 12:28:48**

**María Dolores Toja Suárez na data 22/01/2019 12:28:54**

**Patricia Vilán Lorenzo na data 22/01/2019 12:28:59**

**Juan Manuel Díaz Villoslada na data 22/01/2019 12:29:06**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)





PARLAMENTO DE GALICIA  
REXISTRO XERAL ENTRADA  
Data asento: 22/01/2019 12:37:06  
**Nº Rexistro: 44309**  
Data envío: 22/01/2019 12:37:06.594

**Matilde Begoña Rodríguez Rumbo na data 22/01/2019 12:29:12**

**Xoaquín María Fernández Leiceaga na data 22/01/2019 12:29:13**

CSV: REXISTRO-BZBudlokM-5  
Verificación:  
<https://sede.parlamentodegalicia.gal/tramites/csv/>

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tif: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)



## Á MESA DO PARLAMENTO

O Grupo Parlamentario Popular de Galicia a través do seu Portavoz e por iniciativa dos deputados e deputadas **Gonzalo Trenor López, Martin Fernández Prado, Jaime Castiñeira Broz, Diego Calvo Pouso, Jacobo Moreira Ferro, Marta Novoa Iglesias, Julia Rodríguez Barreira, Soraya Salorio Porral e Daniel Luis Varela Suanzes-Carpegna**, ao abeiro do disposto no artigo 160 e concordantes do Regulamento da Cámara, presenta ante esta Mesa a seguinte **proposición non de lei para o seu debate en Comisión 2ª Ordenación Territorial, Obras Públicas, Medio Ambiente e Servicios**.

### EXPOSICIÓN DE MOTIVOS:

O día 18 de xaneiro de 2019 o *Diario Oficial de Galicia* publicou a instrución 1/2019, do 7 de xaneiro, de Augas de Galicia para o establecemento de directrices técnicas de conservación fluvial de carácter ordinario.

Un documento que ten como obxectivo poñer en coñecemento de todos os criterios para a homoxeneización e sistematización das actuacións de conservación fluvial, aclarando e protocolizando as actuacións de conservación fluvial que teñen que facer as distintas administracións competentes.

Establece, ademais, os criterios a seguir desde Augas de Galicia naquelas actuacións de mantemento e conservación dos ríos na Demarcación Hidrográfica Galicia-Costa que non discorran por zonas urbanas; tendo en conta que a realización de actuacións de mantemento e limpeza dos leitos públicos que discorren polas zonas urbanas lle corresponde aos concellos, en consonancia coa interpretación dada polo Tribunal Supremo, en sentenza do 13 de decembro de 2017, ao artigo 28.4 da Lei 10/2010, do 5 de xullo, que aproba o Plan hidrolóxico nacional.

Estas directrices veñen pois facilitar as tarefas de conservación e limpeza nos case 15.000 quilómetros de ríos existentes na Demarcación Hidrográfica Galicia Costa.

Ademais, de cara a facilitar a limpeza nos treitos urbanos dos ríos, competencia dos concellos, o Goberno galego pon á disposición dos municipios un detallado visor GIS para identificar os tramos nos que lles afectan as citadas tarefas.

Desde este grupo parlamentario consideramos de enorme importancia esta instrución que vén de publicar a Xunta de Galicia para determinar as actuacións de conservación

**Pazo do Parlamento - Rúa do Hórreo, 63**  
**15701 Santiago de Compostela**  
**T. 981 551 510 F. 981 551 422**  
**gp-pp@parlamentodegalicia.es**  
**www.ppdegalicia.com**



fluvial que se poden levar a cabo na Demarcación Hidrográfica Galicia-Costa, onde e como facelas, ademais de clarificar as responsabilidades que ten cada administración neste eido, en aras dunha mellor xestión fluvial na Comunidade.

Porén, na Comunidade galega existen moitos máis ríos que están situados en demarcacións hidrográficas de competencia estatal. Isto é a Demarcación Hidrográfica Miño-Sil; a Demarcación Hidrográfica do Douro; e a Demarcación Hidrográfica do Cantábrico Occidental.

Tendo en conta que a xestión dos ríos é unha responsabilidade compartida entre a Administración autonómica, a administración estatal e os propios concellos, desde este grupo parlamentario consideramos que sería convinte e necesario, en aras de contribuír a unha mellor xestión fluvial en toda a Comunidade galega, que tamén as demarcacións hidrográficas dependentes do Estado establezan unhas directrices claras e criterios de homoxeneización e sistematización das actuacións de conservación fluvial nos ríos pertencentes a estas concas estatais.

Por todo o exposto, os deputados e deputadas asinantes, formulamos a seguinte **proposición non de lei para o seu debate en Comisión:**

“O Parlamento de Galicia insta á Xunta a que se dirixa ao Goberno do Estado e ás Confederacións Hidrográficas do Miño-Sil, do Douro e do Cantábrico Occidental ao obxecto de que elaboren directrices técnicas que establezan criterios de homoxeneización e protocolarización das actuacións de conservación fluvial nas concas da súa competencia, tal e como vén de facer a Xunta de Galicia na Demarcación Hidrográfica Galicia-Costa, co fin de acadar unha mellor xestión dos ríos no conxunto da Comunidade.

A estes efectos, que se teña en conta a posibilidade de poñer á disposición dos concellos mecanismos de identificación dos treitos urbanos dos ríos, cuxo mantemento e limpeza é de competencia municipal, co fin de facilitar tamén as tarefas nestas zonas”

Santiago de Compostela, 22 de xaneiro de 2019.

**Asinado dixitalmente por:**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com



**Pedro Puy Fraga na data 22/01/2019 13:55:37**

**Gonzalo Trenor López na data 22/01/2019 13:55:53**

**Martín Fernández Prado na data 22/01/2019 13:56:05**

**Jaime Castiñeira Broz na data 22/01/2019 13:56:39**

**Diego Calvo Pouso na data 22/01/2019 13:56:50**

**Jacobo Moreira Ferro na data 22/01/2019 13:57:00**

**Marta Novoa Iglesias na data 22/01/2019 13:57:19**

**María Julia Rodríguez Barreira na data 22/01/2019 13:57:34**

**María Soraya Salorio Porral na data 22/01/2019 13:57:50**

**Daniel Luis Varela Suanzes-Carpegna na data 22/01/2019 13:57:58**



## Á MESA DO PARLAMENTO

O Grupo Parlamentario de En Marea, a iniciativa da súa deputada **Eva Solla Fernández**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 5ª**.

### EXPOSICIÓN DE MOTIVOS:

A situación actual da comarca do Salnés respecto á asistencia sanitaria, mostra claramente o problema global da atención sanitaria en Galicia, pero coa especial incidencia nunha zona, na que o seu hospital de referencia é un hospital comarcal, que está a sufrir un deterioro progresivo dos seus servizos, especialmente coa entrada en vigor da modificación da Lei de saúde e polo tanto, a perda de autonomía e capacidade do hospital.

Por outra banda, a porta de entrada do sistema sanitario, a Atención Primaria, atópase nun lamentable estado, con carencias nas súas infraestruturas e con especial falta de persoal para dar cobertura as baixas, vacacións... etc. e manter unha asistencia sanitaria de calidade, xunto cun respecto polos dereitos laborais do persoal.

O sobre esforzo do persoal sanitario é un dos pilares fundamentais que impide o derrube da asistencia, sirva como exemplo, a dobre xornada que tivo que levar a cabo unha médico do Centro de Saúde de Cambados, para que este non quedase cunha soa facultativo, xa que o risco certo e evidente que isto provoca, o vivimos xa nun lamentable episodio neste verán, pese a que a o Goberno siga sen tomar nota. Esa falta de coberturas, ademais de supor un dobre esforzo para o persoal, tamén supón un aumento dos tempos de espera para as persoas usuarias, como fai





pouco denunciaban nos centros de saúde de O Grove ou Vilagarcía, con esperas de ata quince días.

A isto, únese tamén a falta xeneralizada de especialistas en pediatría, unha situación que ao igual que a anterior, tamén é produto dos recortes económicos e da mala planificación. As persoas usuarias de centros de saúde da zona como a Illa ou Ribadumia, nos que falta esta especialidade, teñen que desprazarse a outros centros como Cambados, con conseguinte aumento de ratios neste último.

En relación as infraestruturas, a construción de novos centros de saúde en localidades como O Grove ou Vilagarcía, non parece que exista previsión por parte da Xunta de Galicia para levalos a cabo, polo que a previsión é a de ter que soportar as carencias das que adoecen os antigos centros.

A este panorama tanto na Atención Primaria como na Hospitalaria respecto a comarca do Salnés, debe engadirse a histórica demanda do transporte sanitario, respecto a unha ambulancia medicalizada.

Por todo o anterior o Grupo Parlamentario de En Marea presenta a seguinte Proposición non de lei.

O Parlamento de Galicia insta á Xunta de Galicia a:

- Dotar ao Hospital Comarcal do Salnés dos medios humanos e materiais necesarios para manter abertas todas as súas plantas e servizos.
- Dotar á comarca do Salnés dunha ambulancia medicalizada.
- Iniciar os trámites para a construción dos novos centros de saúde en O Grove e Vilagarcía.
- Dotar aos diferentes centros de saúde da comarca do persoal necesario para a cobertura de baixas, permisos e vacacións, de xeito que o centro de saúde non quede desatendido.

Santiago de Compostela, 22 de xaneiro de 2019.





Asdo. Eva Solla Fernández  
Deputada do G.P. de En Marea  
Luís Villares Naveira  
Voceiro do G.P. de En Marea.

**Asinado dixitalmente por:**

**Eva Solla Fernández na data 22/01/2019 17:21:50**

**Luis Villares Naveira na data 22/01/2019 17:21:58**







## Á MESA DO PARLAMENTO

O Grupo Parlamentar de **En Marea**, por iniciativa dos seus deputados Manuel Lago Peñas e Luís Villares Naveira, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 3.<sup>a</sup>**

Exposición de motivos.

A Xunta de Galicia vén de anunciar que levará a cabo unha nova emisión de débeda nos mercados financeiros. Por primeira vez dende o ano 2015, a Xunta de Galicia vai volver a endebedarse a través dos mercados.

Segundo o comunicado emitido pola Consellería de Facenda, a decisión de acudir de novo ao financiamento a través dos mercados financeiros é debido “á mellora das condicións que ofrecen os mercados, cunha redución significativa dos diferenciais que a Xunta quere aproveitar para afondar na reestruturación da débeda; a modificación das condicións que ofrece o Fondo de Facilidade Financeira respecto das condicións de 2015; o actual contexto de mercado, con abundante liquidez; e a conveniencia de estar en mellores condicións para afrontar a supresión dos mecanismos de facilidade para o financiamento”

O punto clave é que este argumentario foi practicamente o mesmo que empregou a Xunta de Galicia no ano 2012 para non acudir aos fondos públicos postos en marcha pola Administración Central, o que provocou o feito de que a Xunta de Galicia incorrese nun importante sobrecusto da débeda, tal e como se pon de manifesto na Conta Xeral 2017 e tal e como veu denunciando o grupo parlamentario de En Marea durante o que levamos de lexislatura.





A Xunta, dende o ano 2015, e co obxectivo de paliar o profundo erro cometido, vén endebedándose a través dos diferentes fondos proporcionados pola Administración central, os cales mantiñan unha condicións máis favorables que as ofrecidas nos mercados de débeda. De feito, o Goberno galego foi dos que máis acelerou o proceso de endebedamento a través dos Mecanismos Extraordinarios de Financiamento, concretamente a través do Fondo de Facilidade Financeira. Mentres en xuño do ano 2015, só o 11,72% da débeda galega estaba vinculada aos mecanismos extraordinarios, en setembro do ano 2018 dita porcentaxe representaba o 56,44%.

Ante os erros cometidos na xestión da débeda pública polo Goberno da Xunta dende o comezo da crise, así como tamén ante as constantes mentiras, enganos e opacidade coa que a Xunta xestionou a débeda galega, o Grupo Parlamentario de En Marea presenta a seguinte Proposición non de lei:

O Parlamento galego insta a Xunta de Galicia a trasladar, debater e acordar na Cámara galega a estratexia de reestruturación da débeda que está levando a cabo o Goberno galego"

Santiago de Compostela, 22 de xaneiro de 2019.

Asdo.: Manuel Lago Peñas

Deputado do G.P. de En Marea.

Luís Villares Naveira

Voceiro do G.P. de En Marea

**Asinado dixitalmente por:**

**José Manuel Lago Peñas na data 22/01/2019 17:32:26**





**Luis Villares Naveira na data 22/01/2019 17:32:33**



## Á Mesa do Parlamento

O **Grupo Parlamentario Popular de Galicia**, a través do seu **portavoz**, e por iniciativa dos deputados e deputadas **Miguel Tellado Filgueira, Martín Fernández Prado, Jacobo Moreira Ferro, Marta Nóvoa Iglesias, Julia Rodríguez Barreira, Gonzalo Trenor López, Daniel Varela Suanzes-Carpegna, Jaime Castiñeira Broz, Diego Calvo Pouso, Teresa Egerique Mosquera, Alberto Pazos Couñago, Beatriz Mato Otero, José Manuel Rey Varela, María Antón Vilasánchez, Cristina Romero Fernández, Marta Rodríguez-Vispo Rodríguez, Daniel Vega Pérez, Moisés Rodríguez Pérez, Encarna Amigo Díaz e Paula Prado del Río**, ao abeiro do disposto no artigo 160 e concordantes do Regulamento da Cámara, presentan ante esa Mesa, a seguinte **Proposición non de lei para o seu debate en Comisión 2ª, Ordenación Territorial, Obras Públicas, Medio Ambiente e Servizos**.

### Exposición de motivos:

O 14 de xaneiro deste ano, o Goberno de España presentou -fóra de prazo- un proxecto de lei de Presupostos Xerais do Estado indiscutiblemente discriminatorio para Galicia, co único obxectivo de continuar na Moncloa. En primeiro lugar, son unhas contas irreais e ficticias. Medra o gasto sen ingresos reais que o soporten. Así, por exemplo, prevén recadar 20.000 millóns máis en impostos pese ao menor crecemento económico. Dentro desta suba masiva de impostos destaca o imposto ao diésel, cun grave efecto sobre un millón de condutores en Galicia. O mesmo se pode dicir da Seguridade Social, xa que o incremento das cotizacións sociais (está previsto que aumenten un 7,5%) afectará aos autónomos e aos traballadores por conta allea, repercutindo na creación de emprego.

E, se isto non fose suficiente, penalizan a nosa Comunidade Autónoma. En comparación co pasado ano, Galicia ve reducidos os fondos para investimentos nun -18%, ata quedarse en 757 millóns, o que supón a práctica paralización de proxectos comprometidos e estratéxicos para a nosa comunidade autónoma. Mais esta redución non é debida, como aconteceu durante a crise, a un axuste xeneralizado do gasto e dos investimentos públicos. Todo o contrario, os fondos para Galicia baixan no contexto duns presupostos de expansión desorbitada do gasto e nos que, pola contra, outras comunidades ven incrementado dun xeito significativo o importe global dos seus investimentos, así en Cataluña medra nun +67% ou na Comunidade Valenciana nun +61%

Ao longo destes últimos anos os orzamentos permitiron enormes avances como a A-8 que xa está rematada e en servizo; a Autovía Santiago-Lugo con todos os treitos en servizo ou en obras; o Eixe Atlántico ferroviario que xa está en servizo entre A Coruña e Vigo; ou as obras do AVE que xa están encarando a súa recta final.



Sen embargo, as importantes minoracións neste proxecto de presupostos reflíctense en partidas concretas como a ausencia de recursos suficientes para necesidades ferroviarias como a mellora do tren entre A Coruña en Ferrol ou a variante de Cerdedo.

Tampouco se prevén investimentos en ningunha das obras planificadas na AP-9: Alfonso Molina e Vial 18, na Coruña; Enlace Orbital, en Santiago; Nó de Bombeiros, en Pontevedra; a remodelación do enlace de Buenos Aires, en Vigo; ou a supresión da peaxe de Redondela.

Os presupostos tampouco inclúen partidas para obras fundamentais como os novos treitos da circunvalación de Pontevedra; as autovías Vigo-Porriño, a da Mariña ou a Lugo-Ourense. Estas contas constatan a falta de palabra do Goberno central ao prever 0 euros en 2019 e pouco máis para 2020 para Variante Norte de Ourense, pese a que hai poucos días prometeron que se licitaría este ano. Engadir que, aínda que existe un convenio que contempla que a variante de Pontearreas a construíría o Ministerio, agora este orzamento implicaría que a execute a Xunta e achega unha partida insuficiente.

En referencia a autovía Santiago–Lugo, fundamental para o Xacobeo 21, as súas partidas minimizadas e os prazos sen acurtar, en contra do que pedira o Goberno galego.

E, por último, en materia de infraestruturas hidráulicas só constan 65.000 euros para a renovación do saneamento de Santiago e nada nas obras declaradas de interese xeral do Estado. Tampouco figura no orzamento a solución do problema de abastecemento de Vigo, tal e como se acordara.

Por todo o exposto, o Grupo Parlamentario Popular de Galicia, presenta a seguinte **Proposición non de Lei para o seu debate en Comisión:**

“O Parlamento de Galicia acorda:

1. Manifestar o rexeitamento do Parlamento de Galicia ao proxecto de lei de Orzamentos Xerais do Estado para 2019 presentado polo Goberno de España, por ser uns orzamentos irrealis e absolutamente discriminatorios para Galicia.
2. Dirixirse aos grupos parlamentarios do Congreso dos deputados e do Senado para solicitarlles a modificación destes Orzamentos Xerais do Estado para 2019 de tal xeito que, cando menos, se manteña o nivel de investimento para Galicia recollido na Lei de Presupostos Xerais do Estado de 2018 e se inclúan as partidas suficientes para iniciar, continuar ou rematar as obras en ferrocarrís,



autovías, estradas e outros proxectos comprometidos e orzamentados polo anterior Goberno do Estado.

3. Dar traslado destes acordos ao Goberno, aos grupos parlamentarios do Congreso dos Deputados, do Senado e do Parlamento de Galicia, así como á Xunta de Galicia”.

Santiago de Compostela, 22 de xaneiro de 2018.

**Asinado dixitalmente por:**

**Pedro Puy Fraga na data 22/01/2019 17:46:29**

**Miguel Ángel Tellado Filgueira na data 22/01/2019 17:48:05**

**Martín Fernández Prado na data 22/01/2019 17:48:20**

**María Encarnación Amigo Díaz na data 22/01/2019 17:48:38**

**Jaime Castiñeira Broz na data 22/01/2019 17:48:45**

**José Manuel Rey Varela na data 22/01/2019 17:49:27**

**Beatriz Mato Otero na data 22/01/2019 17:50:14**

**Cristina Isabel Romero Fernández na data 22/01/2019 17:50:22**

**Diego Calvo Pouso na data 22/01/2019 17:50:30**

**Marta Novoa Iglesias na data 22/01/2019 17:50:37**

**Alberto Pazos Couñago na data 22/01/2019 17:51:01**

**María Julia Rodríguez Barreira na data 22/01/2019 17:51:14**

**Jacobo Moreira Ferro na data 22/01/2019 17:51:25**

**Daniel Vega Pérez na data 22/01/2019 17:51:35**

**Teresa Egerique Mosquera na data 22/01/2019 17:51:44**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com



**Maria Antón Vilasánchez na data 22/01/2019 17:52:04**

**Marta María Rodríguez-Vispo Rodríguez na data 22/01/2019 17:52:13**

**Daniel Luis Varela Suanzes-Carpegna na data 22/01/2019 17:52:30**

**Gonzalo Trenor López na data 22/01/2019 17:52:42**

**Paula Prado Del Río na data 22/01/2019 17:52:52**



## Á MESA DO PARLAMENTO

O **Grupo Parlamentar de En Marea**, por iniciativa do seu deputado Francisco Casal Vidal e ao abeiro do artigo 160 do Regulamento da Cámara, presenta a seguinte **Proposición non de lei para o seu debate na Comisión 6.<sup>a</sup>**, relativa ás posibilidades da produción de enerxía eléctrica descentralizada en Galicia con centrais de mini e microhidráulica.

### Exposición de motivos

As tecnoloxías de produción de electricidade a partir de minihidráulica están a ter un enorme desenvolvemento nestes momentos e por motivos evidentes Galicia debería ter un papel preponderante nesta forma de producir electricidade de forma descentralizada e autónoma.

Os novos desenvolvementos de turbinas e xeradores permiten a instalación de aproveitamentos hidráulicos en moitísimas localizacións fluviais cun mínimo impacto ambiental e máximo respecto polas especies animais. As solicitudes de salto de auga e caudal para facer unha instalación rendible son mínimas nestes momentos. Os kits de produción poden ser moi sinxelos de instalar e cun mantemento mínimo.

Por outra parte os numerosos vellos muíños que existen no noso País poderían ser postos en produción eléctrica cunha reducida inversión e períodos de amortización moi curtos.

Por todo o exposto, e considerando que o Goberno da Xunta de Galicia debe intervir e a este fin, En Marea presenta a seguinte **Proposición non de lei para o seu debate en Comisión:**







O Parlamento de Galicia insta á Xunta de Galicia a:

- 1.- Desenvolver un mapa de posibles aproveitamentos de mini e microhidráulica, por toda Galicia, para poñelo a disposición de particulares e Concellos para que poidan desenvolver proxectos de autoprodución e autoconsumo. Debería darse prioridade aos Concellos que así o solicitaran e con máis posibilidades dada a súa orografía e concas fluviais que os percorran.
- 2.- Desenvolver liñas de axudas e de financiamento tanto para o desenvolvemento de I+D+i, a fabricación e a instalación de minicentrais e microcentrais hidráulicas.
- 3.- Desenvolver cursos de formación, tanto online como presenciais, sobre tecnoloxías de mini e microhidráulica, tanto no eido da obra civil como das instalacións hidráulicas e eléctricas.

Santiago de Compostela, 22 de xaneiro de 2019.

Asdo.: Francisco Casal Vidal

Deputado do G.P. de En Marea.

Luís Villares Naveira

Voceiro do G.P. de En Marea.





**Asinado dixitalmente por:**

**Francisco Casal Vidal na data 22/01/2019 18:43:19**

**Luis Villares Naveira na data 22/01/2019 18:43:30**



## Á MESA DO PARLAMENTO

O Grupo Parlamentario de En Marea, a iniciativa das súas **deputadas Paula Vázquez Verao, Anxeles Cuña Bóveda, Luca Chao Pérez e Luís Villares Naveira**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 4ª**

### EXPOSICIÓN DE MOTIVOS

Recentemente vimos de coñecer a realización de obras no conxunto do mosteiro de San Salvador de Asma, sen constar que exista licenza municipal nin a pertinente autorización da Consellería de Cultura para ditas actuacións.

Tal como se observa en imaxes divulgadas pola Candidatura de Unidade Popular Por Chantada-CUP, téñense realizado actuacións no entorno da adega, cabaleirizas e entradas do mosteiro, tendo movido terra e introducido pedra do exterior con maquinaria pesada.

O mosteiro de San Salvador de Asma, en Chantada, é un centro esencial da vida socioeconómica de Chantada dende mediados do século X. Trátase dunha xoia do noso Patrimonio, que conta con restos de distintas épocas. Consérvanse vestixios románicos e un templo tamén do século XII, con restos prerrománicos, así como partes do s. XV, XVII e XVIII. Asemade, conta cun retábulo renacentista. A igrexa é visitable, pero o conxunto do mosteiro non, estando en mans privadas.

Recentemente, foi declarado BIC, na categoría de monumento, de acordo co Decreto, de 27 de decembro, polo que se declara ben de interese cultural a paisaxe cultural da Ribeira Sacra. Dita consideración de BIC “acadará todas as súas partes integrantes e elementos pertencentes, polo que serán parte do ben declarado BIC as dependencias ou edificacións anexas que teñan relación cos seus valores culturais, en especial as igrexas e capelas, as edificacións





residenciais, as construcións auxiliares de carácter significativo ou funcional e os muros de peche dos predios inmediatos”.

Ademais de ser afectado por estas actuacións en curso, denunciadas con data de 21 de xaneiro de 2019 por Por Chantada-CUP, o ben tense visto degradado no pasado ante a pasividade de todas as Administracións públicas encargadas de velar polo mesmo.

Segundo establece o artigo 39 da Lei de Patrimonio, que regula o réxime de autorizacións das intervencións nos bens de interese cultural, “ as intervencións que se pretendan realizar en bens de interese cultural ou catalogados... terán que ser autorizadas pola consellaría competente”, autorización que terá “carácter independente de calquera autorización licenza ou trámite previo”.

Asemade, a Consellería de Cultura poderá ordenar “a suspensión de calquera intervención non autorizada nun ben de interese cultural ou catalogado para o cumprimento dos fins previstos nesta lei” (lei de Patrimonio).

Segundo establece o artigo 135 da Lei de Patrimonio, que regula a Reparación de danos:

“1. A resolución que imponha a sanción por infraccións tipificadas nesta lei das que deriven danos para o patrimonio cultural da Galiza comportará a obriga de restitución do ben ao seu debido estado, ou da emenda da alteración producida no seu contorno de protección, sempre que iso sexa posible. Esta obriga é imprescritible.

2. O incumprimento desta obriga de reparación de danos ou restitución das cousas ao seu debido estado facultará a consellaría competente en materia de patrimonio cultural para actuar de forma subsidiaria realizando as obras por si ou a través das persoas físicas ou xurídicas que se determinen e á custa do obrigado ou obrigada, utilizando, se é o caso, a vía de constrinximento para reintegrarse do





seu custo. O importe dos gastos poderá liquidarse de forma provisional e realizarse antes da execución, a reserva da liquidación definitiva.”

Polo exposto, o Grupo Parlamentario de En Marea presenta a seguinte Proposición non de lei:

O Parlamento de Galicia insta á Xunta a desenvolver, coa máxima premura e urxencia, as actuacións pertinentes para restaurar a legalidade e para reparar o dano causado no mosteiro de San Salvador de Asma.

Santiago de Compostela, 22 de xaneiro de 2019.

Asdo.: Paula Vázquez Verao

Anxeles Cuña Bóveda

Luca Chao Pérez

Luís Villares Naveira

Deputadas e Voceiro do G.P. de En Marea.

**Asinado dixitalmente por:**

**Paula Vázquez Verao na data 22/01/2019 19:15:35**

**María de los Ángeles Cuña Bóveda na data 22/01/2019 19:15:46**

**Luca Chao Pérez na data 22/01/2019 19:15:50**





**Luis Villares Naveira na data 22/01/2019 19:15:56**



## Á MESA DO PARLAMENTO

**O Grupo Parlamentar de En Marea**, por iniciativa das súas deputadas **Luca Chao Pérez e Ánxeles Cuña Bóveda**, ao abeiro do disposto no artigo 160 do Regulamento da Cámara, presenta a seguinte **Proposición non de lei, para o seu debate na Comisión 6.<sup>a</sup>**, sobre o investimento en I+d+i.

### Exposición de motivos

Na *Memoria sobre a situación económica e social de Galicia 2017*, o Consello Económico e Social de Galicia advirte de que “nun contorno globalizado onde a intensidade e a velocidade de difusión do cambio tecnolóxico está xa condicionado á maneira de producir e consumir, é esencial complementar a preocupación polo nivel de gasto público en I+D+i cunha preocupación pola eficacia dese gasto”. Porén, as políticas da Xunta de Galicia avanza na dirección contraria. No ano 2016, o investimento galego en I+D medrou un 1,5%, o que situou o esforzo investidor, entendido como a relación entre o gasto nestas actividades e o PIB, no 0,86%. Desta maneira, a porcentaxe permanece por debaixo tanto da media estatal como da europea, sendo apenas a metade do obxectivo fixado no Plan Estratéxico de Galicia 2015-2020 para dentro de dous anos. O esforzo investidor palidece se o comparamos co de outras comunidades como Euskadi, que está no 1,89%.

O subida do gasto do 1,5% produciuse polo subida do 7% do investimento en I+D no sector empresarial, que supón un aumento de aproximadamente 15,6 millóns de euros. Isto maquilla (pero dende logo, non xustifica) a perda de case 15 millóns de euros na inversión realizada na ensinanza superior.





Así, o aumento do gasto non é suficiente para sanear a situación do investimento en I+D. No ano 2016 o gasto interno en I+D medrou 3,5 euros por habitante, chegando ao 185,7, cifra moi inferior aos 285,5 euros por habitante da media estatal. Os datos son aínda máis escandalosos se o que temos en conta son os recursos investidos por investigador en I+D, que diminúen un 5,8%. Isto sitúa o gasto interno por investigador nos 87.140 euros, un investimento exíguo en comparación cos 104.710 da media estatal.

Entre as sinais de alarma do I+D galego, cómpre sinalar tamén o descenso de empresas manufactureiras de alta e media tecnoloxía. No 2016, Galicia contaba con 98 empresas menos deste tipo que o ano anterior. Tal e como apunta o Consello Económico e Social, o “descenso do 5,8% no número de empresas leva emparellado unha caída no gasto en I+D (4 millóns de euros menos que no ano anterior), así como un descenso do 7% do emprego equivalente a tempo completo. A nivel estatal, rexístrase a tendencia contraria, con incrementos tanto no gasto en I+D como no número de persoal nas empresas manufactureiras de alta tecnoloxía”.

Mentres todo isto sucede, a Xunta de Galicia decide botar máis leña ao fogo transferindo fondos de I+D+i das universidades a construción do Edificio Fontán, no Gaias. A primeira inxección de cartos será de 700.000 euros, pero prevese chegar ata os 2,5 millóns. Ao parecer, non hai diñeiro dabondo para investigar, pero sempre hai cartos para os caprichos arquitectónicos dos populares.

Polo exposto, o Grupo Parlamentar de En Marea presenta a seguinte Proposición non de lei:







O Parlamento Galego insta a Xunta de Galicia a duplicar o gasto en actividades de I+D sobre o PIB para aproximarnos ao obxectivo marcado fixado no Plan Estratégico de Galicia 2015-2020.

Santiago de Compostela, 23 de xaneiro de 2019.

Asdo.: Luca Chao Pérez

Ánxeles Cuña Bóveda

Deputadas do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**

**Luca Chao Pérez na data 23/01/2019 13:14:28**

**María de los Ángeles Cuña Bóveda na data 23/01/2019 13:14:36**

**Luis Villares Naveira na data 23/01/2019 13:14:43**



## Á MESA DO PARLAMENTO

**O Grupo Parlamentar de En Marea**, por iniciativa das súas deputadas **Luca Chao Pérez, Ánxeles Cuña Bóveda e Paula Quinteiro Araújo**, ao abeiro do disposto no artigo 160 do Regulamento da Cámara, presenta a seguinte **Proposición non de lei, para o seu debate na Comisión 4.<sup>a</sup>**, sobre a introdución da educación afectiva e sexual no ensino.

### Exposición de motivos

No informe de 2018 *Orientacións técnicas internacionais sobre educación en sexualidade. Un enfoque baseado na evidencia*, a Organización das Nacións Unidas para a Educación, a Ciencia e a Cultura (UNESCO) ofrece unha nova definición da educación integral en sexualidade (EIS).

“A educación integral en sexualidade (EIS) é un proceso que se basea nun currículo para ensinar e aprender acerca dos aspectos cognitivos, emocionais, físicos e sociais da sexualidade. O seu obxectivo é preparar aos nenos, nenas e a mocidade con coñecementos, habilidades, actitudes e valores que os empoderarán para: realizar a súa saúde, benestar e dignidade; desenvolver relacións sociais e sexuais respectuosas; considerar como as súas eleccións afectan ao seu propio benestar e ao dos demais; e entender cales son os seus dereitos ao longo da vida e asegurarse de protexelos”.

A educación integral en sexualidade que propón a UNESCO caracterízase por ser cientificamente precisa –isto é, baseada na evidencia–, gradual, adecuada as idades e etapas do desenvolvemento dos rapaces e rapazas, favorable a





satisfacción dos dereitos humanos e con base na igualdade de xénero. Por iso, parécenos un moi bo punto de partida para repensar a escasa educación afectiva e sexual que está a recibir a mocidade galega.

Segundo os profesionais da Sociedade Galega de Sexoloxía, a educación afectivo-sexual tería que comezar aos tres anos e chegar ata a universidade, algo que non está a suceder na nosa comunidade. En Galicia a educación sexual redúcese aos cursos e talleres que imparten a rede de centros Quérote e outras asociacións. Que isto é claramente insuficiente demóstrano os datos estatísticos dos que dispoñemos.

- Máis do 80% dos mozos e mozas entre 13 e 18 anos pensa que está ben ou moi ben informado acerca da sexualidade. Porén, un 9% admite non usar métodos anticonceptivos nas súas relacións.
- O 21% das rapazas (¡a quinta parte!) reconece ter recorrido á píldora do día despois ou a outro anticonceptivo de urxencia.
- O 3,6% dos adolescentes entre 13 e 18 anos afirman terse quedado embarazadas ou ter provocado un embarazo.

A educación integral en sexualidade, impartida por profesionais ao longo de toda a vida dos estudantes, permitiría reducir estas cifras. Entre as súas vantaxes cóntanse:

- A EIS aumenta o coñecemento dos mozos e mozas e mellora a súa actitude e os seus comportamentos sexuais e reprodutivos.
- Os programas que, como a EIS, están centrados no xénero teñen unha eficacia maior á hora de mellorar os resultados en materia de saúde e na redución dos índices de embarazos non desexados e de enfermidades de transmisión sexual.





- A EIS fomenta a participación das familias e dos docentes, dos institutos pedagóxicos e dos servizos de saúde pensados para a mocidade para garantir os mellores resultados.

Así, hai moi boas razóns para repensar a escasa formación afectiva e sexual que reciben os rapaces e rapazas en Galicia, e para adoptar as indicacións difundidas pola UNESCO.

Polo exposto, o Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a adoptar as indicacións da UNESCO e garantir que os rapaces e rapazas contarán na escola con educación afectiva e sexual dende os tres anos ata a universidade.

Santiago de Compostela, 23 de xaneiro de 2019.

Asdo.: Luca Chao Pérez

Ánxeles Cuña Bóveda

Paula Quinteiro Araújo

Deputadas do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**





**Luca Chao Pérez na data 23/01/2019 13:51:06**

**María de los Ángeles Cuña Bóveda na data 23/01/2019 13:51:13**

**Paula Quinteiro Araújo na data 23/01/2019 13:51:19**

**Luis Villares Naveira na data 23/01/2019 13:51:27**



## Á MESA DO PARLAMENTO

O Grupo Parlamentar de En Marea, por iniciativa das súas deputadas **Luca Chao Pérez e Ánxeles Cuña Bóveda**, ao abeiro do disposto no artigo 160 do Regulamento da Cámara, presentan a seguinte **Proposición non de lei para o seu debate na Comisión 4.<sup>a</sup>**, sobre a externalización de custos da iniciativa de educación dixital E-Dixgal.

### Exposición de motivos

Hai xa oito anos que a Xunta de Galicia vén desenvolvendo iniciativas encamiñadas á dixitalización das aulas. Falamos, nun primeiro momento, do proxecto Abalar, complementado logo coa iniciativa dixital E-Dixgal que permite que no curso actual 2018/2019 uns 18.000 estudantes de 5º e 6º de Primaria así como de 1º e 2º da ESO de 267 centros educativos formen parte desta iniciativa.

A implementación do ensino dixital leva consigo, por suposto, un investimento importante en equipamentos para ter aulas dixitais, equipos para o alumnado e profesorado de uso persoal, un entorno virtual de aprendizaxe, variedade de contidos dixitais, programas de formación, ferramentas de intercomunicación e colaboración.

As aulas dixitais son aulas que contan cun encerado dixital interactivo, dun proxector, dun equipo para o profesor, e dun equipo para cada alumno. Ademais as aulas contan con conexión WIFI para que o alumnado e profesorado poda acceder aos contidos dixitais e seguir a actividade educativa na aula desde o seu propio equipo.





No que atinxe ao entorno virtual de aprendizaxe atopámonos cun espazo no que docentes e alumnas e alumnos poden acceder a contidos dixitais para 5º e 6º de primaria e 1º e 2º de ESO dos seguintes provedores: Edebé, Netex, aulaPlaneta e Pearson, os do Repositorio de contidos educativos dixitais (os centros teñen á súa disposición o Repositorio de contidos educativos dixitais do espazo Abalar, con máis de 3.200 recursos educativos dixitais complementarios en sete idiomas), ou os que o profesorado poda crear, seleccionar ou engadir ao entorno. O acceso a este entorno dixital é posible a través de calquera equipo con conexión a internet, a través das claves de acceso que lle serán entregadas ao alumnado no centro ou mediante os propios equipos co sistema offline.

No que se refire ao equipamento persoal do alumnado, a Xunta ten que garantir o acceso a un portátil a cada alumna e alumno participante na modalidade de cesión de uso. Equipos proporcionados polos centros, unha vez que as familias asinen un formulario de cesión de uso do mesmo .

De acordo coa explicación da propia web da Consellería “a utilización do ordenador portátil e das ferramentas e contidos dixitais instalados no mesmo é gratuítas para o alumnado. As familias comprométese a que o alumnado realice un uso axeitado do equipamento, ao coidado dun equipo público, que poderá ser usado noutros cursos por outros alumnos, e a unha utilización vinculada á actividade educativa para a que é cedido”.

Porén, se ata este curso, era a propia consellería a que se encargada de atender os incidentes, coa posta en marcha do servizo Premium de Atención, Soporte e Acompañamento avánzase na externalización do servizo e mesmo resulta que a gratuidade non está sendo tal toda vez que nos centros participantes veñen constatando problemas á hora de precisar soporte técnico derivado de accidentes que teñen lugar co uso normal dos equipos.





Tanto é así que dende o devandito soporte técnico se chegaron a remitir facturas de reparacións ás familias por contías case equivalentes ás de adquisición dos propios equipos.

Por todo o exposto, o Grupo Parlamentar de En Marea presenta a seguinte Proposición non de lei:

O Parlamento galego insta á Xunta de Galicia a garantir a gratuidade total do servizo dando unha cobertura total ao alumnado e as súas familias considerando os accidentes que poden darse co uso dos equipos.

Santiago de Compostela, 23 de xaneiro de 2019.

Asdo.: Luca Chao Pérez

Ánxeles Cuña Bóveda

Deputadas do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**

**Luca Chao Pérez na data 23/01/2019 14:31:46**







**María de los Ángeles Cuña Bóveda na data 23/01/2019 14:31:54**

**Luis Villares Naveira na data 23/01/2019 14:32:07**



## Á Mesa do Parlamento

O Grupo Parlamentario dos Socialistas de Galicia, por iniciativa da súa deputada e do seu deputado, Matilde Begoña Rodríguez Rumbo e Abel Fermín Losada Álvarez, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 3ª.

No Diario Oficial de Galicia do 10 de xaneiro de 2019 a Consellería de Economía, Emprego e Industria publicou a Orde do 17 de decembro de 2018 pola que se establecen as bases reguladoras para a concesión, en réxime de concorrencia competitiva, das axudas encamiñadas á habilitación e mellora de infraestruturas dos parques empresariais da Comunidade Autónoma de Galicia, e se convocan para o ano 2019; cunha dotación orzamentaria de 4.050.541 €, podendo achegar ata o 80% do importe total subvencionable cun máximo de 120.000€ para as solicitudes individuais e de 138.000,00 para as solicitudes conxuntas.

O obxecto desta subvención, segundo se establece na propia exposición de motivos e no artigo 1, é a mellora dos servizos e o acondicionamento de infraestruturas existentes ou de nova incorporación co fin de que as empresas radicadas nos parques empresariais de Galicia poidan dispoñer de condicións máis competitivas para desenvolver a súa actividade económica.

Os criterios de valoración, retallados no artigo 13, son:

*“1. Superficie do parque empresarial:*

- Ata 500.000 m<sup>2</sup> (10 puntos).
- Máis de 500.000 m<sup>2</sup> (7 puntos).

*2. Nivel de ocupación do parque empresarial:*

- Ata 300 empresas (10 puntos).
- Máis de 300 empresas (7 puntos).

*3. Poboación do concello en que se atopa o parque empresarial:*

- Menos de 10.000 habitantes (6 puntos).
- Entre 10.000 e 20.000 habitantes (4 puntos).
- Máis de 20.000 habitantes (2 puntos).



*No suposto de que a solicitude de axuda sexa efectuada por unha agrupación de concellos baixo calquera fórmula, agás a de fusión municipal, computarase aquel que obteña máis puntuación individualmente.*

*4. En cada tipoloxía de investimento valorarase o menor custo subvencionable con relación aos custos subvencionables das solicitudes admitidas para a súa valoración; a devandita asignación farase de xeito proporcional (máximo 6 puntos).*

*5. Para cada tipoloxía puntuaranse de xeito proporcional, entre as solicitudes admitidas a valoración, os seguintes parámetros:*

*Tipoloxía a):*

*a.1) Incremento da capacidade anual de tratamento de auga respecto da situación actual, como consecuencia das actuacións propostas (en m<sup>3</sup>) (máximo 10 puntos).*

*a.2) Incremento do caudal anual que se poderá derivar á depuradora municipal respecto da situación actual, como consecuencia das actuacións propostas (en m<sup>3</sup>) (máximo 10 puntos).*

*Tipoloxía b). Incremento do número de toneladas de residuos anuais que se poderán xestionar respecto da situación actual, como consecuencia das actuacións propostas (máximo 10 puntos).*

*Tipoloxía c). Lonxitude do tramo da vía en metros lineais (máximo 10 puntos). Este punto acreditarase mediante planos cotados que evidencien a lonxitude indicada en metros.*

*Tipoloxía d). Número de empresas directamente afectadas pola infraestrutura de vixilancia proposta (máximo 5 puntos). Número de denuncias por roubos e/ou vandalismo no polígono no ano 2018 (máximo 5 puntos). Este punto acreditarase mediante informe da policía local, garda civil ou polo concelleiro responsable da seguridade no concello.*

*Tipoloxía e). Número de establecementos de risco intrínseco medio e alto dentro do parque empresarial, segundo se definen no Real decreto 2267/2004, do 3 de decembro, polo que se aproba o Regulamento de seguridade contra incendios nos establecementos industriais. Cada establecemento de risco intrínseco alto contará como cinco (5) establecementos de risco medio (máximo 10 puntos).*



*Tipoloxía f). Número de denuncias por roubo de cable no polígono no ano 2018 (máximo 10 puntos). Este punto acreditarase mediante informe da policía local, garda civil ou polo concelleiro responsable da seguridade no concello.*

*6. Agrupación de concellos baixo calquera fórmula agás a de fusión municipal (13,5 puntos máximo):*

*6.1. Por presentación conxunta: 4,5 puntos.*

*6.2. De acordo cos seguintes parámetros (máximo 4,5 puntos):*

*6.2.a) Número de municipios solicitantes de forma conxunta:*

*– Máis de dous municipios: 1,5 puntos.*

*– Dous municipios: 0,5 puntos.*

*6.2.b) Repercusión do proxecto a través da cifra de poboación total dos concellos participantes no proxecto:*

*– Máis de 5.000 habitantes: 1,5 puntos.*

*– Ata 5.000 habitantes: 0,5 puntos.*

*6.2.c) Número de servizos que se van prestar de forma compartida:*

*– Dous ou máis servizos: 1,5 puntos.*

*– Menos de dous servizos: 0 puntos.*

*6.3. Aforro de custos respecto da prestación de modo individual: 4,5 puntos.*

*Para a súa valoración, será preciso a achega dunha memoria xustificativa do aforro de custos obtido.*

*7. Concello constituído como consecuencia dunha fusión municipal: 13,5 puntos.*

*8. Concello acollido á iniciativa «Concellos Doing Business Galicia» con anterioridade ao remate do prazo de presentación de solicitudes: 21 puntos.*

*No caso de agrupación de concellos, asignaranse os 21 puntos se todos os concellos da agrupación están acollidos á iniciativa «Concellos Doing Business Galicia». En caso contrario, asignarase unha puntuación proporcional ao*



*número de concellos da agrupación que estean acollidos á iniciativa «Concellos Doing Business Galicia».*

*No caso de empates na puntuación, terán preferencia os proxectos presentados segundo a seguinte orde: concellos constituídos como consecuencia dunha fusión municipal, agrupación de concellos baixo calquera fórmula agás a de fusión municipal e concellos de menor número de habitantes.*

*No caso de empate na puntuación entre proxectos dun mesmo concello, terá preferencia o proxecto de menor custo subvencionable.*

*Avaliaranse, coa mínima puntuación, aquelas epígrafes que non queden xustificadas adecuadamente coa documentación presentada.”*

Á vista destes datos o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego para que:

1º) Elabore un estudo sobre o número de empresas asentadas nos parques empresariais dos concellos acollidos á iniciativa «*Concellos Doing Business Galicia*» desde a súa implantación.

2º) Elabore un estudo sobre as vantaxes acadadas polas empresas asentadas nos parques empresariais acollidos á iniciativa «*Concellos Doing Business Galicia*», desde a súa aplicación.

3º) Elabore un estudo, antes do remate do actual período de sesións, sobre as necesidades de todos os parques empresariais galegos co obxecto de elaborar un “Plan de mellora a cinco anos”, co obxecto de mellorar os servizos e acondicionar as infraestruturas existentes ou de nova incorporación co fin de que as empresas radicadas nos parques empresariais de Galicia poidan dispoñer de condicións máis competitivas para desenvolver a súa actividade económica.

Pazo do Parlamento, 22 de xaneiro de 2019

**Asinado dixitalmente por:**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)





**Matilde Begoña Rodríguez Rumbo na data 23/01/2019 16:36:32**

**Abel Fermín Losada Álvarez na data 23/01/2019 16:36:41**

**Xoaquín María Fernández Leiceaga na data 23/01/2019 16:36:50**



## Á MESA DO PARLAMENTO

O Grupo Parlamentario de En Marea, a iniciativa da súa deputada **Eva Solla Fernández**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 5.<sup>a</sup>**, relativa ás dependencias do centro de saúde de A Illa de Arousa.

### Exposición de motivos:

Durante moitos anos foron diversas as voces que denunciaron a falta de accesibilidade e o deterioro das dependencias do centro de saúde de A Illa de Arousa, pedindo a edificación de un novo centro. Tanto dende Alternativa Galega de Esquerda primeiro coma dende En Marea despois propuxemos partidas orzamentarias para tal fin, defendendo as necesidades sanitarias das veciñas e veciños.

O Goberno autonómico mantívose sempre en contra de dotar dunhas novas dependencias, optando posteriormente pola reforma do edificio existente.

O proxecto de reforma tiña entre os seus obxectivos a mellora da accesibilidade e as obras previstas tiveron que ser ampliadas ante o deterioro das dependencias.

Sen embargo, a tenor das novas dos últimos días, a obra aínda non rematada está a ser un fracaso.

Recentemente, tivemos constancia da nova que recollía que as padiolas non cabían no novo ascensor e que, polo tanto, os e as doentes tiñan que ser trasladadas a pulso entre varias persoas polas escaleiras. Esta situación terceiro-mundista ten pouco sentido tras ter sufragado unhas obras que ademais pretendían mellorar a accesibilidade.





Ante estas circunstancias, En Marea presenta a seguinte Proposición non de lei:

O Parlamento de Galicia insta á Xunta de Galicia a resolver canto antes esta situación dotando ao centro de saúde da Illa de Arousa dun ascensor cunhas dimensións que permitan calquera transporte de doentes con independencia da súa situación física (incluídas as padiolas).

Santiago de Compostela, 23 de xaneiro de 2019.

Asdo.: Eva Solla Fernández  
Deputada do G.P. de En Marea.  
Luís Villares Naveira  
Voceiro do G.P. de En Marea.

**Asinado dixitalmente por:**

**Eva Solla Fernández na data 23/01/2019 14:05:03**

**Luis Villares Naveira na data 23/01/2019 14:05:14**





## Á MESA DO PARLAMENTO

O Grupo Parlamentario de En Marea, a iniciativa da súa deputada **Eva Solla Fernández**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 5.<sup>a</sup>**

### Exposición de motivos:

Os recortes levados a cabo en Galicia, afectaron moi negativamente no conxunto da sanidade pública, pero dun xeito especial ao ámbito da Atención Primaria, un problema que está a brotar por toda Galicia e do que Fene non escapa.

A falta de persoal dentro da Atención Primaria, provoca a non cobertura de baixas, vacacións ou permisos, que se traduce nunha masificación das consultas, un aumento dos cupos por enriba das ratios estipuladas e un incremento da lista de espera que pode chegar ata dúas semanas para unha cita médica no centro de saúde.

No caso de Fene, existen eses problemas na substitución de persoal, así como a redución de facultativos no verán e a posible amortización dunha das actuais prazas pola xubilación dun médico este pasado 19 de xaneiro. Actualmente, das 10 prazas de médico de familia que hai en Fene, soamente esta cubertas 8, xa que non se levan a cabo nin a cobertura da xubilación, nin unha baixa de longa duración da quenda de tarde. Un 20% menos de médicos que repercute directamente na calidade asistencial e nas condicións laborais do resto de facultativos.

Por todo o anterior o Grupo Parlamentario de En Marea presenta a seguinte Proposición non de lei.





O Parlamento de Galicia insta á Xunta de Galicia a:

- Cubrir de xeito inmediato as vacantes existentes no Centro de Saúde de Fene.
- Manter o cadro de persoal do Centro de Saúde, sen que se leve a cabo ningunha amortización de postos de traballo.
- Manter cubertas as baixas, permisos e vacacións.

Santiago de Compostela, 23 de xaneiro de 2019.

Asdo.: Eva Solla Fernández  
Deputada do G.P. de En Marea.  
Luís Villares Naveira  
Voceiro do G.P. de En Marea.

**Asinado dixitalmente por:**

**Eva Solla Fernández na data 23/01/2019 17:03:36**

**Luis Villares Naveira na data 23/01/2019 17:03:41**



## Á MESA DO PARLAMENTO

O Grupo Parlamentar de En Marea a través do seu deputado Luís Villares Naveira e das súas deputadas Ánxeles Cuña Bóveda e Luca Chao Pérez, ao abeiro do artigo 160 do Regulamento desta cámara presentan a seguinte **Proposición non de lei para o seu debate na Comisión 1.<sup>a</sup>**, relativa á discriminación do idioma galego na CRTVE.

Exposición de motivos.

A Sección sindical da CGT na RTVE Galicia vén denunciando a discriminación do idioma galego e o incumprimento da lei en canto ao seu uso nun medio de comunicación público como é a CRTVE.

Ademais de incumprir a lei tamén se incumpre o manual de estilo, <http://manualdeestilo.rtve.es/el-lenguaje/6-5-los-verbos/6-5-8-el-empobrecimiento-del-lenguaje/6-5-8-9-nombres-y-toponimos/> ou documento interno no que se sinala como proceder ante determinadas cuestións. Estes incumprimentos fanse cando, de xeito reiterado, ó recoller totais, declaracións e entrevistas as persoas en Galicia faise por duplicado en galego e castelán, relegando deste xeito o galego para os informativos territoriais e o castelán para os informativos estatais.

No ano 2014 o consello de informativos pronunciouse respecto dunha queixa na que se denunciaba esta práctica no canto de subtítular, e inda que se comunicou á Dirección da CRTVE en Galicia, de forma oral e escrita, a situación dista moito de mellorar.

As profesionais xornalistas caen na autocensura repetindo as declaracións que se fan directamente en castelán.

A CGT denunciou esta situación á Comisión de control de RTVE o mércores 19 de decembro de 2018, a través da representación no Congreso, na que a deputada





de EN MAREA preguntou á administradora da CRTVE Rosa M<sup>a</sup> Mateo sobre este extremo.

É irresponsable que o director da CRTVE manteña esa actitude co galego debido ao tempo transcorrido, incumprindo a lei e sen respectar o dereito da cidadanía galega a recibir as informacións tal e como se recollen nese idioma, traducíndoas ao castelán e non usando outros formatos como o de por subtítulos, ca fin de fomentar a cultura, o idioma e o pluralismo lingüístico e cultural existente no noso país.

Por todo o exposto, o Grupo Parlamentar de En Marea presenta a seguinte Proposición non de lei para o seu debate en Pleno:

O Parlamento de Galicia insta a Xunta de Galicia a:

- 1.- Garantir o uso do galego nos termos sinalados no artigo 3.2. en xeral, e nomeadamente o 3.2.e), g) e l) da Lei 17/2006, de 5 de xuño, da radio e da televisión de titularidade estatal.
- 2.- Cumprir expresamente o artigo 7.4 de dita lei no que respecta ao idioma galego.
- 3.- Garantir e cumprir co dereito e acceso e pluralismo recollido no artigo 28 da mesma lei.

Santiago de Compostela, 23 de xaneiro de 2019.

Asdo.: Ánxeles Cuña Bóveda

Luca Chao Pérez

Luís Villares Naveira

Deputadas e voceiro do G.P. de En Marea.





**Asinado dixitalmente por:**

**Luis Villares Naveira na data 23/01/2019 17:04:12**

**María de los Ángeles Cuña Bóveda na data 23/01/2019 17:04:16**

**Luca Chao Pérez na data 23/01/2019 17:04:22**





## Á MESA DO PARLAMENTO

**O Grupo Parlamentar de En Marea**, por iniciativa das súas deputadas **Luca Chao Pérez e Ánxeles Cuña Bóveda**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 4.<sup>a</sup>**, sobre a oferta pública de emprego para o ensino.

### Exposición de motivos

A oferta pública de emprego anunciada onte pola Consellería de Educación é insuficiente para dar resposta ás necesidades do ensino público. Non vai permitir recuperar as prazas docentes suprimidas coa escusa da crise e é un paso máis na consolidación de recortes. Non podemos falar de recuperación ata que nos devolvan todo o que nos quitaron.

Tampouco vai servir para recuperar a porcentaxe de persoal interino que tiñamos antes da chegada do partido popular ao goberno, que non chegaba ao 5%. Coa oferta actual, esta cifra quedará, aproximadamente, nun 10%. Velaí o modelo de emprego público do Partido Popular, máis precariedade e menos dereitos.

Ademais, o anuncio da OPE é un exemplo máis do desprezo da Consellería cara a negociación colectiva e calquera suxestión por parte dos axentes sociais. Ignorando, especialmente, as demandas do persoal interino. Dende En Marea seguimos reclamando que se atendan as demandas deste colectivo coa fin de artellar un plan de estabilización do profesorado galego que permita dar maior seguridade ás persoas que, durante anos, levan sostendo co seu traballo a educación das nosas fillas e fillos.





Por outra banda, atendendo ás cifras concretas, cabe sinalar que non serán 2064 prazas reais senón soamente 1788 de acceso libre, polo que a oferta, un ano máis, está maquillada.

Por estes motivos o Grupo Parlamentario de En Marea presenta a seguinte Proposición non de lei:

O Parlamento insta á Xunta de Galicia a aumentar as prazas ofertadas para que antes do remate da lexislatura se acade o obxectivo do 5% de temporalidade.

Santiago de Compostela, 23 de xaneiro de 2019.

Asdo.: Luca Chao Pérez

Ánxeles Cuña Bóveda

Deputadas do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**

**Luca Chao Pérez na data 23/01/2019 18:05:37**





**María de los Ángeles Cuña Bóveda na data 23/01/2019 18:05:44**

**Luis Villares Naveira na data 23/01/2019 18:05:52**





## Á Mesa do Parlamento

O Grupo Parlamentario dos Socialistas de Galicia, por iniciativa da súa deputada e dos seus deputados, Matilde Begoña Rodríguez Rumbo, Abel Losada Álvarez e José Manuel Pérez Seco, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 3ª.

En Galicia hai dúas comarcas mineiras, As Pontes de García Rodríguez e Cerceda e as súas contornas respectivas.

Os fondos mineiros, denominados Miner, foron o resultado dos pactos subscritos polo Goberno de España e as organizacións sindicais máis representativas do sector do carbón para desenvolver dende o ano 1997 o “Plan da minería do carbón e de desenvolvemento alternativo das comarcas mineiras” co fin de impulsar o futuro destas comarcas e concas mineiras mediante un proxecto integral, por unha banda o desenvolvemento económico, de apoio empresarial para a xeración de emprego e, por outra banda, as Infraestruturas para estimular o crecemento económico e a competitividade dunhas zonas que prescindían dun recurso fundamental para o seu propio desenvolvemento económico e social. Estes fondos pactáronse en dúas fases: 1997-2005 e 2006-2012.

Os fondos eran asignados polo Instituto para *la Reestructuración de la Minería del Carbón y Desarrollo Alternativo de las Comarcas Mineiras* (IRMC) e estaban complementados nun 25% pola Xunta de Galicia.

Na Comunidade Autónoma Galega constituíse a Mesa para o Desenvolvemento do Plan do Carbón 1997-2005 e despois 2006-2012, composta pola Dirección xeral de Industria, Enerxía e Minas, os sindicatos Comisións Obreiras (CCOO), Unión Xeral dos Traballadores (UXT), o Concello de Cerceda e o Concello das Pontes, coa competencia, entre outras, de aprobar a distribución destes recursos para o apoio empresarial e para o desenvolvemento das infraestruturas.

O Goberno presidido por Mariano Rajoy, no seu primeiro Consello de Ministros, o 30 de decembro de 2011, tomou a decisión de eliminar os denominados fondos Miner, sen ter en conta as contías que xa estaban consignadas nos orzamentos correspondentes a anualidades anteriores, plasmando nos orzamentos do Estado de 2012 unha drástica redución para bolsas e axudas a empresas, e a desaparición das contías para infraestruturas na comunidade autónoma galega, incluídos os compromisos adquiridos con financiamento plurianual.



A Mesa para o Desenvolvemento do Plan do Carbón 2006-2012 da Comunidade Galega reuniuse por última vez o 29 de febreiro de 2012, na que se acordou, por unanimidade, facer unha priorización das actuacións que xa tiñan proxecto de cara a conveniar co Instituto para la *Restrukturación de la Minería del Carbón y Desarrollo Alternativo de las Comarcas Mineras* (IRMC) para cada concello, coa finalidade de poder executalos segundo se vaia tendo dispoñibilidade orzamentaria, así como elaborar un escrito en apoio á continuidade do actual Plan do carbón coa inclusión de Galicia na negociación dos futuros plans que se pacten. O importe total das obras que quedaron sen financiamento ascende a 71.992.500,00 €, segundo se comproba no “Anexo Estado actuacións de infraestruturas” da acta da reunión da Mesa do 29 de febreiro de 2012, que se transcribe:

No mes de marzo de 2013, os concellos de Cerceda e as Pontes despois de varios intentos infrutuosos para falar co Instituto e varias conversas coa Dirección Xeral de Industria, Enerxía e Minas sen obter ningunha información, enviaron unha carta ao propio instituto na que se lle solicitaba información sobre a situación actual de todos e cada uno dos convenios aprobados pola Mesa para o desenvolvemento do Plan do carbón e dos proxectos presentados, habilitar fondos adicionais ao Plan Miner para financiar os proxectos de anualidades anteriores co fin de que se puideran executar, así como información sobre como se ían recuperar e materializar os investimentos en infraestruturas correspondentes ao exercicio 2012, cuxa dotación orzamentaria era de 0 €.

O 28 de outubro de 2013, unha sentenza ditada polo Tribunal Central do Contencioso Administrativo número 4, corroborou que aquela medida do executivo de Raxoi era ilegal e supuxo unha quebra do mandato constitucional e dos principios democráticos, que obviou a solidariedade territorial e a seguridade xurídica, sen respectar a lealdade entre administracións

No BOE do 6 de agosto de 2014, publicouse o Real decreto 675/2014, do 1 de agosto, polo que se establecen as bases reguladoras de axudas para o impulso económico das comarcas mineiras do carbón, mediante desenvolvemento de proxectos de infraestruturas e proxectos de restauración de zonas degradadas a causa da actividade mineira.

Que o dito Real decreto establece na propia exposición de motivos que o Ministerio de Industria, Enerxía e Turismo acordou coas organizacións sindicais e empresariais, un marco de actuación para a minaría do carbón e as comarcas mineiras para o período 2013-2018, no que se ten trasladado a necesidade de incluír, entre outras, medidas destinadas a aliviar as consecuencias sociais e rexionais do peche das minas.



Que este real decreto establece e regula a concesión de axudas orientadas a fomentar o desenvolvemento alternativo das comarcas mineiras do carbón, entre outras, para a execución de proxectos de infraestruturas de carácter anual ou plurianual que serán financiadas con cargo aos créditos orzamentarios do Instituto para a Reestruturación da minería do carbón e o desenvolvemento alternativo das comarcas mineiras (IRMC), no marco da política de desenvolvemento alternativo das zonas mineiras do carbón para o período 2013-2018.

Que o ámbito xeográfico establecido para estas axudas, artigo 4, establece que, con carácter excepcional se poderán contemplar actuacións concretas nos concellos afectados pola minaría do carbón na comunidade autónoma de Galicia e que detalla no Anexo II (A Coruña: A Capela,, As Somozas, Carballo, Carral, Cerceda, Culleredo, Laracha, Mañón, Monfero, Ordes, Ortigueira, San Sadurniño, Tordoia, Pontes de García Rodríguez. Lugo: Muras e Xermade).

Que para a selección das actuacións que se pretendan financiar, crearase unha comisión de cooperación entre o Instituto para a Reestruturación da Minería do Carbón e o Desenvolvemento Alternativo das Comarcas Mineiras (IRMC) e a Comunidade Autónoma, que se reunirán de modo ordinario, unha vez ao ano.

Catro anos despois da entrada en vigor do dito Real decreto 675/2014, e a piques de rematar o seu ámbito de vixencia, o 24 de outubro de 2018, o Goberno de España e os sindicatos Comisiones Obreiras (CCOO), Unión Xeral dos Traballadores (UGT), a Unión Sindical Obreira (USO), e a Federación nacional de Empresarios de Minas de Carbón (Carbounion) asinaron o *“Acuerdo Marco para una Transición Justa de la Minería del Carbón y el desarrollo Sostenible de las Comarcas Mineras para el Periodo 2019-2027”*, no que se establece que o 27 de maio de 2015 se desenvolveu unha Comisión de Cooperación coa Xunta de Galicia referida a 10 convenios específicos.

Por iso o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego a:

O Parlamento de Galicia insta á Xunta de Galicia para que se dirixa ao Goberno central con fin de solicitar a inclusión de Galicia nunha cláusula de excepcionalidade dentro do *“Acuerdo marco para unha transición justa de la minería del carbón y desarrollo sostenible de las comarcas mineras para el período 2019-2027”*, tal e como se recolleu no Real decreto 675/2014, do 1 de



agosto, polo que se establecen as bases reguladoras de axudas para o impulso económico das comarcas mineiras do carbón, mediante desenvolvemento de proxectos de infraestruturas e proxectos de restauración de zonas degradadas a causa da actividade mineira; coa finalidade de negociar a recuperación dos fondos anulados.

Pazo do Parlamento, 23 de xaneiro de 2019

**Asinado dixitalmente por:**

**Matilde Begoña Rodríguez Rumbo na data 23/01/2019 18:40:08**

**Abel Fermín Losada Álvarez na data 23/01/2019 18:40:15**

**Jóse Manuel Pérez Seco na data 23/01/2019 18:40:23**

**Xoaquín María Fernández Leiceaga na data 23/01/2019 18:40:34**



## Á MESA DO PARLAMENTO

**O Grupo Parlamentario de En Marea**, por iniciativa das súas deputadas **Luca Chao Pérez e Ánxeles Cuña Bóveda**, ao abeiro do artigo 160 do Regulamento da Cámara, presenta a seguinte **Proposición non de lei para o seu debate na Comisión 4.<sup>a</sup>**, relativa ao peche da unitaria de Aios en Sanxenxo.

### Exposición de motivos

Unha vez máis a espada de Damocles pende sobre a escola de Aios en Sanxenxo que, de non atopar unha alumna ou alumno máis pechará as súas portas no vindeiro curso escolar.

Lamentablemente este xeito de proceder non é unha excepción senón que se insire no proceso de asfixia que vén padecendo o ensino público incluíndo tamén, como non, ás escolas do medio rural. O potencial da escola como espazo de socialización e como dinamizadora das comunidades rurais está sendo ignorado. As medidas que se están a tomar por parte da administración educativa contradínse manifestamente cunha planificación comprometida coa realidade do mundo rural e cunha liña de ensino de calidade.

Prímase o aforro por diante do ensino. O peche das unitarias é unha consecuencia directa da política de aumento do ratio (alumnos/aula), un exemplo máis da aposta por centros educativos grandes, fríos e alonxados, un máis dos continuados desprezos da Xunta de Galicia ás principais correntes pedagóxicas e, en resumo, unha medida que prexudica a nenos, nenas e familias para obter unha pequena mellora nos orzamentos galegos que, seguramente, irá parar nas mans dalgunha empresa amiga do PP.



A obriga das Administracións públicas é garantir o dereito de todas as nenas e nenos de Galicia a unha educación cos mesmos estándares de calidade, independentemente do lugar no que vivan, por iso é preciso apostar pola discriminación positiva do ensino no rural, como forma de paliar no posible o desequilibrio territorial.

Pensamos que cómpre mudar radicalmente a lóxica imperante na política educativa abandonando a lóxica economicista para centrarse nunha óptica que poña ao alumnado no centro, pensando nos seus dereitos e entendendo a educación como o investimento máis importante que se pode facer nun país, non como un gasto.

Esta nova visión deberá inserirse nunha planificación global do mundo rural que se encamiñe ao mantemento de servizos de calidade e xeración de oportunidades económicas como única vía de frear o despoboamento das vilas e pobos de Galicia.

Polo exposto, o Grupo Parlamentar de En Marea presenta a seguinte Proposición non de lei para o seu debate en Comisión:

O Parlamento galego insta á Xunta de Galicia a:

- Manter aberta a unitaria de Aios.
- Elaborar un plan de promoción das escolas unitarias.
- Elaborar un plan específico de ensino no rural.

Santiago de Compostela, 24 de xaneiro de 2019.





Asdo.: Luca Chao Pérez

Ánxeles Cuña Bóveda

Deputadas do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**

**Luca Chao Pérez na data 24/01/2019 10:55:26**

**María de los Ángeles Cuña Bóveda na data 24/01/2019 10:55:37**

**Luis Villares Naveira na data 24/01/2019 10:57:07**



## Á MESA DO PARLAMENTO

**O Grupo Parlamentar de En Marea**, por iniciativa da súa deputada **Flora María Miranda Pena**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5.<sup>a</sup>**.

### Exposición de motivos

O SERGAS, na súa desesperación por definir un “novo modelo” de Atención Primaria ante a situación de colapso e caos que se está a dar neste ámbito asistencial, deseñou unha serie de “consultas” a profesionais e usuarios que o grupo parlamentar de En Marea considera nesgadas, interesadas e pouco representativas da realidade asistencial.

No que respecta aos grupos profesionais, os grupos de traballo non están constituídos por persoas seleccionadas ou propostas por distintas sociedades científicas e non proceden do consenso obtido entre as traballadoras e traballadores do ámbito asistencial. Foron seleccionadas e seleccionados de modo unilateral polo SERGAS. É significativo que nestes grupos non se incluía a priori aos colectivos profesionais dos PACs, que se atopan inmersos nun período de reivindicación das súas condicións laborais. Tampouco se integrou ao colectivo de médicos e médicas precarias. Nestas circunstancias de nesgo de selección, os propios xefes e xefas dimisionarios de Vigo negáronse e néganse a participar.







Simultaneamente a esta circunstancia, o SERGAS implementou unha enquisa sobre o funcionamento da atención primaria a pacientes que se pode realizar telematicamente (primeiro nesgo de selección).

A formulación das preguntas é propia de cuestionarios de revistas pouco serias nas que a resposta se induce intencionalmente. O obxectivo desta enquisa parece máis encamiñado a obter un titular en prensa: dificilmente o SERGAS pode coñecer a opinión das persoas usuarias coa resposta tan limitada a un cuestionario de dez preguntas.

A escala de avaliación da enquisa é tipo líkert máis só ten 3 ítems ( moi dacordo , dacordo ou moi en desacordo). Non se contempla a posibilidade de responder, por exemplo, “algo en desacordo”) : Os estudos de investigación serios que pretendan extraer algunha conclusión válida deberían, como mínimo, incluír 4 ítems, sendo desexable 5, cunha opción intermedia; ou, se queremos máis precisión, 7, incluíndo respostas cunha maior posibilidade de gradación.

Cando as preguntas son do tipo “Está de acordo con poder acudir sen cita ao centro de saúde?”, apréciase claramente cara onde está nesgada, carecendo de validez científica. En caso de “desacordo”, a enquisa tampouco permite argumentar cada resposta.

As respostas serán as agardadas a modo de profecía autocumprida, de modo que o SERGAS rematará, con este pouco rigor metodolóxico, inducendo a opinión das persoas usuarias. Disto derivarase outro problema: esas conclusións poderán ser usadas de modo perverso como contrapeso das reformas impulsadas polos propios colectivos profesionais.

De modo adicional a orientación das preguntas ten una clara intencionalidade focalizando o problema nos e nas profesionais sanitarias ( neste caso as médicas e médicos, porque de enfermería só hai una pregunta); teñen que estar





disponibles para consultar sen cita, ir a domicilio, mellorar a relación cas compañeiras do hospital. U-las preguntas sobre a administración, os medios, os tempos por consulta....?

En Marea maniféstase absolutamente a favor de escoitar, considerar e aplicar con escrupuloso respecto o que as persoas usuarias do sistema sanitario público opinan sobre o servizo prestado e a atención recibida, e avoga por escoitar de modo proactivo as súas suxestións de mellora. Por iso condena os intentos burdos de nesgar esta valiosa información.

Se en verdade o Sergas, a Consellería de Sanidade, tivese interese en mellorar o modelo desde a perspectiva dos e das usuarias, o modo tería que ser outro moito máis válido: cada consulta dos centros de saúde ou dos hospitais do país podería entregar ao usuario/a dese día unha enquisa anónima que podería ser cuberta nas esperas e introducida na caixa de correo correspondente. Enquisa a ser redactada por persoal especializado e contando coas aportacións dos implicados/as, doentes, profesionais e colectivos de doentes e profesionais.

Lembramos ademais o pouco respecto que se manifesta no SERGAS co impulso e recoñecemento das vías de participación cidadá establecidas nas diversas normativas, como os Consellos de Saúde de Área.

Polo exposto, o Grupo Parlamentar de En Marea presenta a seguinte Proposición non de lei:

O Parlamento galego insta á Xunta de Galicia, concretamente á Consellería de Sanidade, a coñecer a situación real da sanidade pública galega percibida polas persoas usuarias mediante a organización seria e con rigor metodolóxico de mecanismos de participación e o impulso dos xa recoñecidos na normativa, como os Consellos de Saúde de Área , ademais da habilitación de vías para que as e os profesionais do sistema, mediante os cauces democráticos que eles e elas





decidan, aporten a súa opinión cualificada sobre oportunidades de mellora do sistema.

Santiago de Compostela, 24 de xaneiro de 2019.

Asdo.: Flora María Miranda Pena

Deputada do G.P. de En Marea.

Luís Villares Naveira

Voceiro do G.P. de En Marea.

**Asinado dixitalmente por:**

**Flora María Miranda Pena na data 24/01/2019 12:00:35**

**Luis Villares Naveira na data 24/01/2019 12:00:43**



## Á MESA DO PARLAMENTO

O Grupo Parlamentario de En Marea, a iniciativa da súa deputada **Flora Miranda Pena**, ao abeiro do artigo 160 do Regulamento da Cámara, presenta a seguinte **Proposición non de lei**, para o seu debate na **Comisión 5.<sup>a</sup>**

O Partido Popular, desde a súa recuperación da xestión na Xunta de Galicia, ten amosado un desleixo absoluto polo coidado da planificación e dotación de recursos para a atención en materia de saúde mental dos galegos e galegas. Paralizou o Plan Estratéxico de Saúde mental e estableceu o control das xefaturas dos servizos de psiquiatría con persoas afíns.

Isto contribuíu ao debilitamento asistencial en saúde mental, empeorando os indicadores de saúde, o malestar percibido, o aumento de suicidios e a carga sobre as familias. A saúde mental foi unha diana intencionada da política de recortes, incrementando a vulnerabilidade das persoas enfermas e das súas familias.

O Movemento galego de saúde mental desenvolveu unha ampla e consistente campaña visibilizando un repunte nos casos de suicidios e a carencia de Plan de Prevención (así como dun Plan en Saúde Mental) despois de anos de merma de recursos que abocaron á saúde mental galega a unha situación insostible.

Tras esta importante mobilización social, no Pleno do Parlamento de Galicia do 21 de febreiro de 2017, o Conselleiro de Sanidade anunciou que ámbolos dous plans ían estar elaborados nuns meses, establecendo para o Plan de Saúde Mental un tempo de execución para o período 2017-2020.

Nestes case dous anos as promesas non se concretaron e a situación asistencial continuou degradándose: publicouse o plan sobre o suicidio pero non se executou, continuou o deterioro asistencial, permitiuse o ingreso de pacientes con





procesos agudos en centros sociosanitarios, mantívose a contención mecánica (o cal sustentou unha nova protesta do MGSM ata o compromiso recente do peche do cuarto de contención no CHUAC), exerceuse violencia institucional no tratamento psiquiátrico, e limitouse por carencia de recursos o acceso ao tratamento psicoterapéutico en moitos casos indicados, fomentando o sobreatamento farmacolóxico ante malestares diversos e derivados do contexto socioeconómico.

Faise necesario o desenvolvemento do Plan Galego de Saúde Mental, que deberá contemplar a presenza de persoas afectadas na súa redacción, así como profesionais exclusivamente do sistema sanitario público, debe utilizar como referente o modelo comunitario, os dereitos das persoas enfermas e o enfoque de xénero. Debe entender a Atención primaria como o eslavón asistencial de referencia, tamén para a poboación con necesidades en materia de saúde mental, o equipo de saúde mental debe ser interdisciplinar, e debe contemplar a previsión orzamentaria suficiente e necesaria para as necesidades de dotación tanto material como de recursos humanos.

O Conselleiro de Sanidade ten utilizado manobras publicitarias para o anuncio da planificación en materia de saúde mental aproveitando contextos oportunistas como o Día Mundial da Saúde mental, pero non se concretan as melloras anunciadas.

Por este motivo, o Grupo Parlamentario de En Marea formula a seguinte Proposición non de lei para o seu debate na Comisión 5.<sup>a</sup>

O Parlamento galego insta á Xunta de Galicia a impulsar, coidar e concretar o Plan Galego de Saúde Mental, con dotación orzamentaria suficiente, que contemple as necesidades profesionais e materiais para abordar as necesidades en materia de saúde mental das galegas e galegos, reducidas nos últimos anos a unha atención mermada, deficitaria, indigna e insuficiente por falta de vontade política no seu manexo.





Santiago de Compostela, 24 de xaneiro de 2019.

Asdo.: Flora Miranda Pena  
Deputada do G.P. de En Marea  
Luís Villares Naveira  
Voceiro do G.P. de En Marea.

**Asinado dixitalmente por:**

**Flora María Miranda Pena na data 24/01/2019 11:22:40**

**Luis Villares Naveira na data 24/01/2019 11:22:44**



## A Mesa do Parlamento

O Grupo Parlamentario Popular de Galicia a través do seu Portavoz e por iniciativa dos deputados e deputadas, **Moisés Blanco Paradelo, Miguel Prado Patiño, Raquel Arias Rodríguez, Carlos Gómez Salgado, Jacobo Moreira Ferro, Daniel Vega Pérez e Rosa Oubiña Solla**, ao abeiro do disposto no artigo 160 e concordantes do Regulamento da Cámara, presenta ante esa Mesa a seguinte **proposición non de lei para o seu debate na Comisión 7ª, Agricultura, Alimentación, Gandería e Montes**.

### Exposición de motivos

A “*Ley de la cadena alimentaria*” supuxo un gran avance nas relacións entre os distintos elos da cadea de comercialización xa que estableceu un marco de actuación para eles. A súa aplicación e desenvolvemento corresponde á *Agencia de Información y Control Alimentaria (AICA)*, responsable tamén de comprobar o seu cumprimento, vixiando as relacións entre os operadores da cadea alimentaria e de impoñer sancións no caso de que non sexa así.

A regulación relativa á “venta a perdas” está recollida na Lei 7/1996, do 15 de xaneiro, de ordenación do comercio retalista. O artigo 14 de esta lei regulaba a venda, o cal foi declarado incompatible coa Directiva 2005/29/CE do Parlamento Europeo e do Consello, do 11 de maio de 2005, sobre prácticas desleais das empresas aos consumidores no mercado interior por unha sentenza do Tribunal de Xustiza da UE.

Esta declaración de incompatibilidade fixo necesaria a súa modificación, o que se realizou mediante o Real Decreto Lei 20/2018, de medidas urxentes para o impulso da actividade económica no sector da industria e do comercio que ven de ser publicado no BOE do pasado día 8 de decembro.

O certo é que a nova normativa regula a prohibición da venda a perdas na lexislación española, no caso de determinadas prácticas, se se consideran desleais, pero con esta modificación entendemos que se dá maior liberdade para decidir o prezo de venda.

Esta situación preocupa ao sector produtor, xa que imposibilita continuar a loitar contra o uso de determinados produtos alimentarios como reclamo nas cadeas de supermercados.

Unha denuncia reiterada de cooperativas e organizacións agrarias que suscitaron unha boa parte das inspeccións levadas a cabo pola Administración galega.



No que todos coinciden é en que esta nova norma xera aínda máis complexidade, subxectividade e arbitrariedade, volvéndose inútil na práctica para protexer ó sector produtor, quen se quedou fora do ámbito desta normativa.

Por todo o anteriormente exposto, o Grupo Parlamentario Popular, presenta a seguinte proposición non de lei en Comisión:

“O Parlamento de Galicia insta á Xunta de Galicia a trasladar ao Ministerio de Agricultura, Pesca y Alimentación a necesidade de protexer ao sector produtor alimentario coa oportuna modificación da Ley de la Cadena Alimentaria, tal e como demandou o dito sector”.

Santiago de Compostela, 24 de xaneiro de 2019

**Asinado dixitalmente por:**

**Pedro Puy Fraga na data 24/01/2019 12:36:19**

**Moisés Blanco Paradelo na data 24/01/2019 12:36:28**

**Jesús Miguel Prado Patiño na data 24/01/2019 12:36:34**

**Raquel Arias Rodríguez na data 24/01/2019 12:36:42**

**Carlos Gómez Salgado na data 24/01/2019 12:36:49**

**Jacobo Moreira Ferro na data 24/01/2019 12:36:56**

**Daniel Vega Pérez na data 24/01/2019 12:37:03**

**Rosa Oubiña Solla na data 24/01/2019 12:37:09**







OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión**.

### EXPOSICIÓN DE MOTIVOS

O elevado prezo das peaxes da autoestrada AP-9 entre Ferrol-Coruña e Tui constitúe un grave atranco para o desenvolvemento económico e social de Galiza xa que dificulta a conectividade, a mobilidade e a competitividade, e ten graves prexuízos tanto para as persoas como para as empresas, especialmente para as do sector do transporte. O feito de que sexa máis caro viaxar desde Coruña a Vigo que desde Coruña a Madrid é un dato elocuente que pon en evidencia a discriminación e agravio que supón a actual situación da autoestrada.

As decisións políticas adoptadas pola Xunta de Galiza e polo goberno central nas últimas décadas redundaron en beneficios millonarios para a concesionaria, en abusos para as persoas usuarias e en estafa para o conxunto de Galiza. O acontecido coas obras de ampliación da capacidade da ponte de Rande, con continuos atascos e retencións, foi o punto culminante dun auténtico atraco e deu lugar a unha onda de indignación que tivo como resultado unha demanda colectiva da fiscalía de Pontevedra contra a concesionaria.

O abusivo incremento das peaxes na AP 9 ao longo de 2018 e no comezo de 2019 aínda veu a agravar máis a situación. E está a ter como consecuencia o incremento





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

do tráfico en estradas convencionais paralelas á autoestrada, sobre todo vehículos pesados que seguen outros itinerarios para evitar o pagamento de peaxes abusivas. Unha situación que está a ter graves consecuencias para a seguridade viaria e para a calidade de vida das persoas que viven na contorna destas estradas.

Recentemente o goberno central aplicou rebaixas do 30% e gratuidade nocturna nas autoestradas arruinadas e rescatadas polo Estado, entre elas as radiais madrileñas. O BNG considera de xustiza que cando menos se adopten medidas similares no caso das autoestradas galegas de titularidade estatal, como un paso no camiño cara á supresión das abusivas peaxes.

Polo anteriormente exposto, o Grupo Parlamentar do BNG presenta a seguinte proposición non de lei para o debate en comisión:

“O Parlamento insta ao Goberno galego a demandar do Goberno do Estado

1. O establecemento dunha rebaixa xeral de cando menos o 30 % e gratuidade en horario nocturno nas autoestradas de titularidade estatal AP9 e AP53, como un paso adiante no camiño cara á supresión das abusivas peaxes.

2. Que esta medida entre en vigor no primeiro semestre de 2019.”

Santiago de Compostela, 24 de xaneiro de 2019

Asdo.: **Luis Bará Torres**

**Montserrat Prado Cores**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Noa Presas Bergantiños**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**

**Xosé Luis Bará Torres na data 24/01/2019 12:43:55**

**María Montserrat Prado Cores na data 24/01/2019 12:44:00**

**Ana Pontón Mondelo na data 24/01/2019 12:44:02**

**Xose Luis Rivas Cruz na data 24/01/2019 12:44:04**

**Olalla Rodil Fernández na data 24/01/2019 12:44:06**

**Noa Presas Bergantiños na data 24/01/2019 12:44:07**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión**.

### EXPOSICIÓN DE MOTIVOS

A veciñanza do lugar da Vaquería, na parroquia porriñesa de Budiño, leva tempo demandando melloras na autoestrada autonómica PO 510, sobre todo a raíz dos cambios impostos pola Xunta de Galiza en 2015, cando se pintou unha liña continua entre os PK 2.200 e 2.600, dificultando as manobras e a mobilidade nesta zona. Cómpre ter en conta que como consecuencia destes cambios, non se pode cruzar a pé dun lado a outro da calzada e os peóns teñen que andar longas distancias para cruzar a unha vivenda, un negocio ou unha propiedade que está no lado contrario. O mesmo ocorre no caso dos vehículos, que teñen que dar grandes rodeos para pasar dun lado a outro.

Para corrixir esta medida que causa moitos prexuízos tanta para a mobilidade motorizada como para a peonil, a representación veciñal presentou numerosas solicitudes á xefatura do servizo de infraestruturas da Xunta de Galiza, sen que por parte desta administración se procurase unha solución a estas demandas. A peticións veciñais poden resumirse na demanda dunha illa central que facilite o xiro á esquerda e na construción de pasos peonís, como medidas razoábeis para mellorar a mobilidade e a seguridade viaria.

Aínda que o pasado mes de abril de 2018 a Consellaría de Infraestruturas e mobilidade anunciou a intención de estudar melloras na zona, nada se sabe ao respecto.





OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Ante as evasivas e a demora dunha solución a estas demandas, a veciñanza comezou a mobilizarse o pasado mes de novembro, mediante concentracións semanais e cortes de tráfico.

Polo anteriormente exposto, o Grupo Parlamentar do BNG presenta a seguinte proposición non de lei para o debate en comisión:

“O Parlamento insta á Xunta de Galiza a atender as demandas da veciñanza do lugar da Vaquería (Budiño) para mellorar a seguranza viaria e a mobilidade na estrada autonómica PO 510 mediante a construción de pasos de peóns e unha illa central no treito comprendido entre os PK 2.200 e 2.600.”

Santiago de Compostela, 24 de xaneiro de 2019

Asdo.: **Luis Bará Torres**

**Montserrat Prado Cores**

**Noa Presas Bergantiños**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Xosé Luis Bará Torres na data 24/01/2019 13:02:27**

**María Montserrat Prado Cores na data 24/01/2019 13:02:32**

**Ana Pontón Mondelo na data 24/01/2019 13:02:34**

**Xose Luis Rivas Cruz na data 24/01/2019 13:02:35**

**Olalla Rodil Fernández na data 24/01/2019 13:02:37**

**Noa Presas Bergantiños na data 24/01/2019 13:02:38**



## Á MESA DO PARLAMENTO

O **Grupo Parlamentar de En Marea**, a iniciativa das súas deputadas **Ánxeles Cuña Bóveda e Luca Chao Pérez**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 4.<sup>a</sup>**, en relación coa recuperación da Torre de Caldaloba.

### Exposición de motivos

A Torre de Caldaloba resistiu cruentas batallas, pero é posible que non poida soportar o desleixo da Xunta de Galicia, que non mostra o máis mínimo interese pola súa conservación e pola difusión da súa historia.

A Torre, cuxa relevancia reflíctese no propio escudo do Concello de Cospeito, onde está situada, protagonizou un dos últimos enfrontamentos da guerra Irmandiña (1467-1469). Trala mesma, foi reconstruída polo xenro de Pardo de Cela, Fernán Ares de Saavedra. A construción permitiu aos herdeiros do mariscal de Galicia soportar numerosos ataques, pero no ano 1485 caeu en mans dos seus inimigos, polo que foi vendida e desmantelada.

A torre é una construción de 25 metros de altura, planta cadrada, con 10 metros de lado e muros de máis de 2,5 metros de espesor. Orixinalmente contaba con catro andares, incluída a planta baixa, e remataba nunha bóveda de canón. Foi construída nalgún momento comprendido entre os séculos XIII e XIV nun outeiro de máis de 450 metros de altitude, o Coto do Mato, onde se aproveitaron os fosos dun castro da Idade de Ferro.

Na actualidade, a fortaleza –Monumento Nacional por decreto de 1949 e Ben de Interese Cultural dende 1994– está en mans privadas. O seu estado de conservación e acceso son lamentables. No ano 1998 foi obxecto dunha





reparación que permitiu asentarse un pouco a estrutura, pero que non foi suficiente para frear o seu deterioro. Do camiño que leva ata ela basta dicir que é practicamente intransitable por culpa das silveiras, dos toxos, das ortigas e da densa maleza que cubre o espazo. Así, non é de estrañar que o baluarte leve tempo inscrito na lista vermella do Patrimonio Galego, que alerta dos bens patrimoniais en mal estado e risco de desaparición.

O ano pasado, tanto a propietaria da fortaleza como o Concello acordaron levar a cabo traballos de reparación e mantemento, pero atopáronse con numerosas trabas, entre elas, de financiamento. O alcalde de Cospeito intentou que a administración galega colaborase nas tarefas de recuperación da Torre, pero non tivo ningún éxito.

Non é a primeira vez que se fala da Torre de Caldaloba no Parlamento. Tódolos anos discútese a súa precaria situación e tódolos anos a Xunta de Galicia de Núñez Feijóo prefire lavar as mans a buscarlle unha solución ao seu mantemento. Confiamos en que isto mesmo que estamos a dicir non o teñamos que repetir o próximo curso.

Por todo o exposto, o Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a prestarlle a colaboración necesaria ao concello de Cospeito para que se poida garantir a preservación e recuperación da Torre de Caldaloba, así como a difusión da súa historia.

Santiago de Compostela, 24 de xaneiro de 2019.







Asdo.: Ánxeles Cuña Bóveda

Luca Chao Pérez

Deputadas do G.P. de En Marea

Luís Villares Naveira

Voceiro do G.P. de En Marea.

**Asinado dixitalmente por:**

**María de los Ángeles Cuña Bóveda na data 24/01/2019 13:35:52**

**Luca Chao Pérez na data 24/01/2019 13:35:58**

**Luis Villares Naveira na data 24/01/2019 13:36:06**



## Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **María Isabel Novo Fariña, Paula Prado del Río, Alberto Pazos Couñago, Jacobo Moreira Ferro, Antonio Mouriño Villar, María Julia Rodríguez Barreira e César Manuel Fernández Gil**, ao abeiro do disposto nos artigos 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en comisión 1ª Institucional, Administración Xeral, Xustiza e Interior.**

### EXPOSICIÓN DE MOTIVOS:

Mediante unha Orde do Ministerio do Interior de xuño de 1991, se adscribe unha Unidade do Corpo Nacional de Policía á Comunidade Autónoma de Galicia, en cumprimento do previsto no Real Decreto 221/1991, do 10 de febreiro, e tamén en base ao acordo de colaboración entre o Ministerio do Interior e a Consellería de Presidencia da Xunta de Galicia, formalizado en outubro de 1990.

Na prórroga deste Acordo, de outubro de 2005, estando o Partido Socialista tanto no Goberno de Galicia coma no Goberno do Estado, se determinaba o número de efectivos do cadro de persoal desta Unidade de Policía Adscrita (UPA), fixándoo en 500 efectivos.

Sen embargo, desde o ano 2008 e posteriores se producira na UPA unha incesante perda de persoal, ata baixar aos 348 efectivos no ano 2011, sen que o Goberno socialista do Estado fixese nada por remediar esta situación.

Tivo que ser o novo Goberno do PP en Madrid, o que, practicamente desde o comezo, en xaneiro de 2012 adoptase a decisión de fortalecer o persoal da UPA, convocando nos anos 2012 e 2013 sendos concursos para a provisión de prazas na Unidade, que chegou ao seu teito histórico a mediados de 2013 con 474 efectivos, o que supón o 95% do seu cadro de persoal.

Deste xeito a UPA desde o ano 2013 fora incrementando competencias, especialmente ás referidas á protección de mulleres vítimas de violencia de xénero, pero tamén fortalecendo a loita contra os incendios forestais e contra furtivismo e marisqueo ilegal. Pero agora de novo, motivado por varios factores como xubilacións, ascensos e pases á segunda actividade, a UPA perdeu demasiados efectivos.

**Pazo do Parlamento - Rúa do Hórreo, 63**  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



Nese sentido, no programa electoral co que nos presentamos ás eleccións autonómicas do ano 2016, comprometimos que *“Propiciaremos a mellora dos medios humanos e materiais da Unidade do Corpo Nacional de Policía adscrita á Comunidade Autónoma de Galicia (UPA), de xeito que permita a creación de novos equipos operativos, cumprindo máis eficaz e eficientemente as súas funcións, dando así mellor resposta ás demandas da sociedade galega. Neste sentido, manteremos as liñas de colaboración co Ministerio de Interior, semellantes ás que permitiron incrementar nos anos 2012 e 2013 o número de efectivos da UPA, e asinar en 2014 e 2015 sendos protocolos de colaboración”*.

Polo anteriormente exposto, o Grupo Parlamentario Popular presenta a seguinte **Proposición non de Lei para o debate en comisión:**

“O Parlamento de Galicia insta á Xunta de Galicia a solicitar ao Goberno do Estado que por parte do Ministerio do Interior, a través da *Dirección General de la Policía* se articule un concurso de méritos na Policía Nacional que permita cubrir vacantes na Unidade de Policía Adscrita para incrementar canto menos ata 475 os seus efectivos, de xeito que esta Unidade poida cumprir coas funcións que actualmente está prestando”

Santiago de Compostela, 24 de xaneiro de 2019.

**Asinado dixitalmente por:**

**Pedro Puy Fraga na data 24/01/2019 14:06:22**

**María Isabel Novo Fariña na data 24/01/2019 14:09:59**

**Paula Prado Del Río na data 24/01/2019 14:15:03**

**Alberto Pazos Couñago na data 24/01/2019 14:15:17**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



**Jacobo Moreira Ferro na data 24/01/2019 14:15:32**

**Antonio Mouriño Villar na data 24/01/2019 14:16:23**

**María Julia Rodriguez Barreira na data 24/01/2019 14:16:54**

**César Manuel Fernández Gil na data 24/01/2019 14:17:05**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



## Á MESA DO PARLAMENTO

O **Grupo Parlamentar de En Marea**, a iniciativa das súas deputadas Ánxeles Cuña Bóveda e Luca Chao Pérez, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 4.<sup>a</sup>**

### Exposición de motivos

O mércores 17 de outubro o Congreso aprobou unha Proposición non de Lei do grupo Unidos-Podemos que solicitaba a incorporación da materia de filosofía na ESO e nos dous cursos de Bacharelato. A iniciativa foi emendada e apoiada por tódolos partidos políticos, incluídos o Partido Socialista e o Partido Popular, artífice da LOMCE, que no seu día expulsou á Filosofía dos institutos.

A PNL “manifesta a vontade” de “deseñar un currículo común para todo o sistema educativo non universitario, que ao mesmo tempo sexa estable e flexible nos contidos”; “incluír (...) un ciclo formativo en Filosofía secuenciado durante os últimos tres cursos da Secundaria, de forma análoga ao que sucede noutras materias como Lingua, Matemáticas e Historia”; “o novo currículo de 4º da ESO incorporará a materia de Ética como materia común e obrigatoria”; e “reorganizarase o currículo de Bacharelato para establecer Filosofía e Historia da Filosofía como materias comúns e obrigatorias de 1º e 2º Bacharelato”.

O día seguinte, o Ministerio de Educación e Formación Profesional manifestouse dicindo que a “Ministra de Educación e Formación Profesional, Isabel Celaá, decidiu incorporar a materia de Historia da Filosofía, que actualmente se imparte





como materia en 2º de Bacharelato, como obrigatoria nesta etapa educativa”. “En definitiva, a partir da entrada en vigor da reforma que prepara o equipo de Isabel Celaá, os estudantes cursarán de forma obrigatoria as materias de Filosofía e Historia da Filosofía en Bacharelato. Así mesmo, estudarán tamén de forma obrigatoria contidos de ética no curso da Educación Secundaria Obrigatoria (ESO) máis conveniente”.

Non obstante, segundo se desprende da actual redacción do anteproxecto para a reforma da LOMCE que elaborou recentemente o Ministerio de Educación, o Goberno decidiu, de maneira unilateral, incumprir o seu compromiso de recuperar a materia de Filosofía nos termos que foran acordados. Así foi denunciado pola Rede Española de Filosofía (REF).

Se a proposta socialista saíse adiante, o alumnado podería rematar a ESO sen recibir unha soa materia de Filosofía, xa que o Goberno pretende eliminar tamén a optativa de Filosofía de 4º da ESO. A materia só se impartiría obrigatoriedade no 1º e no 2º curso de Bacharelato. Deste xeito, coa nova reforma, a Filosofía estaría nunha situación aínda máis precaria que coa LOMCE.

O Goberno pretendeu escusar a súa decisión facendo pasar a materia de Educación en Valores Cívicos e Éticos por unha materia de Ética, cando non o é, xa que, como foi argumentando dende a REF, “a materia de valores cívicos explica o que (hai que respectar tales valores), pero non entra no como (a análise e a interpretación crítica de estes valores)”. O feito de que se propoña que a materia de Educación en Valores Cívicos sexa impartida a medias con profesores de Historia é xa, en si mesmo, un síntoma claro de que o seu carácter non é estritamente filosófico.





Así as cousas, o Goberno socialista debería rectificar inmediatamente a súa decisión de esquinar aínda máis á Filosofía e cumprir co compromiso rubricado co conxunto das forzas políticas do Congreso.

Polo exposto, o Grupo Parlamentar de En Marea presenta a seguinte Proposición non de lei:

O Parlamento galego insta á Xunta de Galicia a instar do Goberno do Estado que asuma as esixencias especificadas na iniciativa aprobada polo conxunto dos grupos políticos do Congreso para recuperar a materia de Filosofía tanto na ESO como no Bacharelato.

Santiago de Compostela, 24 de xaneiro de 2019.

Asdo.: Ánxeles Cuña Bóveda

Luca Chao Pérez

Deputadas do G.P. de En Marea

Luís Villares Naveira

Voceiro do G.P. de En Marea.

**Asinado dixitalmente por:**

**María de los Ángeles Cuña Bóveda na data 24/01/2019 14:16:55**





**Luca Chao Pérez na data 24/01/2019 14:17:03**

**Luis Villares Naveira na data 24/01/2019 14:17:10**





## Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **Paula Prado del Río, Alberto Pazos Couñago, Jacobo Moreira Ferro, Isabel Novo Fariña, Antonio Mouriño Villar, María Julia Rodríguez Barreira e César Manuel Fernández Gil**, ao abeiro do disposto nos artigos 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en comisión 1ª Institucional, Administración Xeral, Xustiza e Interior.**

### Exposición de motivos:

A Lei 1/2016, do 18 de xaneiro, de transparencia e bo goberno, aprobada sen ningún voto en contra no Parlamento de Galicia, supuxo un notable incremento das obrigas de transparencia e rendición de contas da administración autonómica.

Aquela lei incluíu o cumprimento dun compromiso feito polo Presidente da Xunta: a creación dun Portal de Transparencia e Goberno aberto unificado, superando a situación de dispersión da información derivada da insuficiencia da Lei de transparencia do ano 2006.

O proxecto da actual Lei incluía como contidos do portal, ademais dos xa presentes na anterior lei, contido nunca antes publicado como órganos colexiados adscritos, traspasos de funcións asumidos, delegacións de competencias vixentes, inventario de entes, contratos programa dos entes, códigos éticos, composición das mesas de contratación, formalización dos contratos, resultados das avaliacións de calidade, plans económico-financeiros, RPTs e cadros de persoal, liberados sindicais, normativa vixente consolidada, resolucións xudiciais firmes que afecten á interpretación da normativa, número de vehículos oficiais, información sobre urbanismo

A tramitación parlamentaria serviu para enriquecer o texto e, a proposta dos grupos da oposición, incluír aínda máis contidos no Portal, como o Plan Estratéxico, as axendas públicas, os obxectivos das viaxes de altos cargos ou as modificacións orzamentarias.

Este novo Portal entrou en funcionamento en marzo de 2016. Segundo as últimas estatísticas feitas públicas polo goberno galego, desde o momento da súa posta en



marcha ata o 31 de decembro de 2018, o Portal recibiu 305.630 visitas e foron consultadas 1.253.872 páxinas.

Estas estatísticas amosan o interese da cidadanía galega pola cada vez máis ampla oferta de información pública e transparente que ofrece a Xunta de Galicia. Tamén derivadas dese interese ou de iniciativas de impulso parlamentario, se foron engadindo ao longo destes últimos tempos novos procedementos de goberno aberto como a consulta pública previa ou a publicación de informes de execución dos fondos comunitarios.

Asemade, neste tempo teñen entrado en vigor novas normativas sobre procedemento administrativo, contratación pública, protección de datos, reutilización de información pública ou seguridade das redes.

En consecuencia, tanto os novos contidos como a nova normativa que os enmarca e tamén os novos medios tecnolóxicos ao dispor da administración autonómica recomandan unha revisión da infraestrutura e estrutura do Portal para acomodalo á situación actual e mellorar a súa accesibilidade.

Polo exposto, os deputados e deputadas asinantes presentan a seguinte **Proposición non de Lei en comisión**:

“O Parlamento de Galicia insta á Xunta de Galicia a executar un proceso global de revisión e mellora, dende o punto de vista funcional e tecnolóxico, do Portal de Transparencia e Goberno Aberto que permita avanzar na calidade e accesibilidade da información pública que ofrece o goberno galego e na participación da cidadanía nos asuntos públicos”.

Santiago de Compostela, 24 de xaneiro de 2019.

**Asinado dixitalmente por:**

**Pedro Puy Fraga na data 24/01/2019 14:23:03**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com



**Paula Prado Del Río na data 24/01/2019 14:23:32**

**Alberto Pazos Couñago na data 24/01/2019 14:23:54**

**Jacobo Moreira Ferro na data 24/01/2019 14:24:08**

**María Isabel Novo Fariña na data 24/01/2019 14:24:26**

**Antonio Mouriño Villar na data 24/01/2019 14:24:39**

**María Julia Rodriguez Barreira na data 24/01/2019 14:24:50**

**César Manuel Fernández Gil na data 24/01/2019 14:25:05**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



## Á MESA DO PARLAMENTO

O Grupo Parlamentar de En Marea, por iniciativa das súas deputadas **Ánxeles Cuña Bóveda e Luca Chao Pérez**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 4.<sup>a</sup>**, en relación co Pazo de Reibó.

Exposición de motivos:

A historia do pazo de Reibó parece sacada dun conto fantástico, pero é real. O pazo foi trasladado dende Negreira ata Abegondo, 75 quilómetros, pedra a pedra. Agora véndese en diversos portais inmobiliarios por 750.000 euros. Tamén está dispoñible para ser alugado por negocios de hostalería e semellantes.

O pazo orixinal data de 1450. A súa nova superficie é de 13.000 metros cadrados e aínda está pendente de rematar, xa que non está debidamente acondicionado por dentro.

O pazo estaba nun estado deplorable dende polo menos o ano 1985, tal é como describe un artigo da Voz de Galicia da época. No ano 1995, foi desmontado e levado a outra localidade. Os concellos de orixe e destino mostráronse indiferentes ante o traslado en todo momento. O concello de Abegondo manifestou que nunca recibira ningunha denuncia sobre a edificación, mentres que Negreira se limitou a subliñar o obvio: que o pazo de Reibó desaparecera fai tempo.

Segundo a Asociación en Defensa do Patrimonio Galego, a reconstrución do pazo no novo emprazamento non pode considerarse, de ningún xeito, unha





restauración, xa que as pedras non ocupan o lugar que lles correspondía e a súa estrutura mudou con respecto á orixinal.

Trala denuncia dun seguidor da Asociación para a Defensa do Patrimonio Cultural de Galicia, a Consellería de Cultura da Xunta decidiu abrir un expediente para coñecer se o Pazo de Abegondo era, efectivamente, o pazo de Reibó. Non foi sen tempo, xa que fan case 25 anos da desaparición do pazo.

Así, a historia da desaparición e posterior reconstrución do pazo de Reibó demostra o desinterese da Xunta de Galicia polo coidado dos nosos bens patrimoniais. Un pazo do século XV pode desvanecerse no ar e aparecer a 75 quilómetros de distancia e ninguén no Goberno se sorprende o máis mínimo.

Por todo o dito, O Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a emitir algunha autorización administrativa, conforme ao artigo 65 da Lei de Patrimonio Cultural de Galicia, que permita intervir sobre o pazo de Reibó.

Santiago de Compostela, 24 de xaneiro de 2019.

Asdo.: Ánxeles Cuña Bóveda

Luca Chao Pérez

Deputadas do G.P. de En Marea





Luís Villares Naveira

Voceiro do G.P. de En Marea.

**Asinado dixitalmente por:**

**María de los Ángeles Cuña Bóveda na data 24/01/2019 15:23:14**

**Luca Chao Pérez na data 24/01/2019 15:23:22**

**Luis Villares Naveira na data 24/01/2019 15:23:32**





BLOQUE  
NACIONALISTA  
GALLEGO

OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Noa Presas Bergantiños, Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 6ª**, relativa ás necesidades de impulso do naval da ría de Ferrol.

### EXPOSICIÓN DE MOTIVOS

É unha opinión compartida por amplos sectores do ámbito socio-laboral, institucional e político da comarca de Ferrolterra a necesidade da demanda do acceso real a todo tipo de construción naval na Ría de Ferrol: buques civís, bens de equipo, reparacións, aeroxeradores, etc.....; na conciencia de que o nicho da construción naval militar supón un veto ás posibilidades que ofrecen os dous centros existentes na ría de Ferrol; na idea do que sería un Complexo Integral; segundo recollía o informe do Consello Económico Social de Galiza no seu informe sobre a situación socio-económica da comarca elaborado Decembro de 2016.

Pola contra, o deseño dos plans de Navantia – concretados agora dun xeito rotundo no chamado “Plan Estratéxico”- confirman a idea de que a empresa quedará vinculada exclusivamente ao sector militar. De feito, coa marcha do flotel en maio deste ano e o escandaloso fraude do contrato coa petroleira mexicana Pemex, os estaleiros da comarca ficaron na práctica fóra do sector civil. Por iso, resultaría esperpéntico que, após os incumprimentos coa comarca, da inacción na procura do acceso real a todo tipo





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

de produción naval; fiquemos agora coa dicotomía de aceptarmos só o militar -agora concretado no proxecto das F110- ou desaparecer.

Nun dos últimos Consello de Ministros aprobouse a proposta de gasto para a construción de 5 fragatas F110 nos estaleiros de Navantia Ferrol, que poden repercutir positivamente nunha carga de traballo que sempre demandamos. Cómpre denunciar o retraso, o xogo noxento que o bipartidismo español continúa a facer co naval na comarca referida (lembremos a recente polémica polos provocados atrasos por parte do goberno do PP para facilitar a provisión de equipamentos dun ex-ministro); e os efectos que isto tivo e ten aínda na situación de desemprego e a deriva económica e demográfica que vivimos na comarca.

Cómpre dicir tamén que o proxecto do que estamos a falar aborda só unha parte da capacidade real do que representan as potencialidades dos estaleiros de Fene e Ferrol; ás que sería irresponsábel renunciarmos. Mais iso, non pode nin debe levarnos a non recoñecer un novo escenario, no que a Xunta de Galiza debe abandonar a política de mirar para outro lado - limitándose a facer de cómplice seguidista cando no Estado está o goberno amigo, e de “reivindicativa oposición” cando está o PSOE- mais nunca actuando coma un Goberno, con iniciativas claras que aposten polo naval como sector estratéxico.

Alén diso, o obrigado éxodo de profesionais do sector, provocado por máis de tres décadas de vetos e permanente reestruturación no sector naval da Ría de Ferrol, deixou un panorama no que a falta de persoal cualificado convértese nun problema real; no que poderíamos atoparnos co paradoxo de non haber profesionais para afrontar a carga de traballo que se aveciña. Neste aspecto, o capítulo da formación en estreita colaboración coa Universidade e o ámbito da FP- resulta un capítulo urxente e prioritario a abordar, nomeadamente para a industria auxiliar que se vai incorporar a este proceso.







BLOQUE  
NACIONALISTA  
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Visto o anterior, o Grupo Parlamentar do BNG presenta a seguinte proposición non de lei para o seu debate na Comisión 6ª:

“O Parlamento insta á Xunta a:

1.- Cumprimento da Lei 5/2010 de Fomento do sector naval de Galiza, no tocante ao papel que debe xogar a Xunta na promoción do sector e con relación ás empresas estatais situadas no País. Participación da Xunta no Consello de Administración de Navantia.

2.- Retomar a proposta do Centro Tecnolóxico para a modernización da industria naval, situado en Ferrol; coa perspectiva de recuperación tamén dos diversos campos do naval, aproveitando as sinerxías nun Complexo Integral da Construción Naval na Ría -vinculado á potenciación de todos os ámbitos da construción naval (civil, bens de equipo, reparacións, autoxeradores...)- e ligado especialmente co ámbito da universidade e da formación profesional.

3.- Impulsar de forma inmediata unha política de formación -dirixida fundamentalmente á empresa auxiliar que vai participar neste proceso- que permita a incorporación de man de obra cualificada -nomeadamente da xente nova- revertendo a situación de desemprego e deriva demográfica que vive a comarca.”

Santiago de Compostela, 24 de xaneiro de 2019

Asdo.: **Noa Presas Bergantiños**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Luis Bará Torres**

**Montserrat Prado Cores**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**

**Noa Presas Bergantiños na data 24/01/2019 16:28:39**

**María Montserrat Prado Cores na data 24/01/2019 16:28:43**

**Ana Pontón Mondelo na data 24/01/2019 16:28:45**

**Xose Luis Rivas Cruz na data 24/01/2019 16:28:46**

**Olalla Rodil Fernández na data 24/01/2019 16:28:48**

**Xosé Luis Bará Torres na data 24/01/2019 16:28:49**





BLOQUE NACIONALISTA GALEGO

OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Noa Presas Bergantiños, Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para debate en Comisión**, relativa ao papel da administración diante das propostas de legalización e normalización dos ventres de alugueiro.

### EXPOSICIÓN DE MOTIVOS

Desde o Bloque Nacionalista Galego entendemos que estamos diante dun escenario político e institucional non que é plausible que nun prazo non moi extenso de tempo se leve a debate a legalización e lexislación dunha forma de mercantilización do corpo da muller denominado co eufemismo de *xestación subrogada*. Neste contexto, entendemos que é importante que os foros políticos galegos deliberen a respecto desta cuestión.

Diversas entidades sociais así como organizacións políticas teñen feito o anuncio de inminentes propostas legislativas, mesmo a través duna proposta de iniciativa legislativa popular (ILP), impulsada por asociacións detrás das que se atopan intereses económicos claros (clínicas privadas, bufetes de avogacía...).

Desde o Bloque Nacionalista Galego aseveramos que se trata dun debate profundo que atinxe aos máis elementais dereitos de dignidade das mulleres e desbotamos os intentos de limitar o debate ao terreo medicinal e á limitación do seu alcance a unha mera técnica de asistencia para a reprodución.





BLOQUE  
NACIONALISTA  
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Por outra banda, cómpre recordar que nesta cuestión, como en calquera outra das moitas que atinxen á vida das mulleres, non é alleo o contexto social e económico. O momento de ofensiva capitalista, que ten graves consecuencias sobre as clases populares do noso país e, máis aínda, sobre as mulleres, alicerza esta nova ameaza e incide á hora de perpetuar e aumentar as desigualdades e o mantemento do sistema patriarcal.

Neste sentido, falamos premeditadamente de *ventres de alugueiro* no lugar de empregar eufemismos como *maternidade subrogada* por que entendemos que detrás desta práctica agóchase a mercantilización dos corpos das mulleres.

Internacionalmente, organismos nada sospeitosos de ser contrarios ao máis feroz capitalismo como o Parlamento Europeo advertiron desta nova forma de explotación das mulleres e da agresión que supón en termos de respecto aos dereitos humanos.

Por exemplo, no seu *Informe anual sobre os dereitos humanos e a democracia no mundo (2014) e a política da Unión Europea ao respecto (2015/2229(INI))* indicando literalmente “a práctica da xestación por substitución, que é contraria á dignidade humana da muller, xa que o seu corpo e as súas funcións reprodutivas empréganse como unha materia prima” e tamén con contundencia que “debe prohibirse esta práctica que implica a explotación das funcións reprodutivas e a utilización do corpo con fins financeiros ou doutro tipo, en particular no caso das mulleres vulnerábeis nos países en desenvolvemento”.

Doutra banda, entendemos tamén que non se pode identificar o feito de ter descendencia biolóxica como un dereito e polo tanto non se pode superpoñer este interese particular á salvagarda xeral do ben común e da igualdade. Ademais, existen oportunidades como a adopción, que redunda tamén no cumprimento do dereito das crianzas a teren un fogar.





BLOQUE NACIONALISTA GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

É habitual atopar entre os argumentos a favor deste procedemento o recurso ao “altruísmo”. Porén, adoita enmascarar outros intereses. Neste sentido, cómpre lembrar que non se pode decidir a regulación en base a casos específicos que puntualmente poidan situarse fóra da rede mercantil que existe neste ámbito e recordar a dificultade de dirimir con criterios obxectivos ese presunto altruísmo.

Cómpre, xa que logo, evitar agochar nesta vía o grande perigo que supón a normalización e banalización dos ventres de alugueiro. A orientación máis popular do debate vén xirando arredor do desexo da maternidade e paternidade biolóxicas e escúdase nas garantías legais de quen “contrata” este mecanismo. Nesta relación contractual, o papel da muller pasa a ser o de incubadora, despóxaselle de dignidade e sométese a prácticas abusivas durante a xestación e o parto, limitando a súa capacidade decisoria nun proceso que ten consecuencias que poden afectar á integridade persoal, emocional e física.

Cómpre abandonar falsos debates legalistas e a actitude de política de feitos consumados que se vén practicando no Estado español. Trátase dun debate situado na dignidade das mulleres e na necesidade de rexeitar a cousificación e o mercadeo cos nosos corpos.

Na X lexislatura o Grupo Parlamentar do BNG demandou, sen éxito, o posicionamento do Parlamento Galego contra dos ventres de aluguer. Pasado un tempo, entendemos que as novidades que chegan desde o Estado deben facer reflexionar ás forzas políticas e posicionarse claramente a favor de que Galiza repulse esta nova forma de violencia contra as mulleres.

Por todas estas razóns, o Grupo Parlamentar do BNG presenta a seguinte proposición non de lei para debate en comisión:





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

“O Parlamento galego acorda instar á Xunta de Galiza a:

1.- Oporse á legalización, regulamentación e banalización da práctica dos ventres de alugueiro por constituír unha forma de explotación e mercantilización do corpo das mulleres, especialmente daquelas máis empobrecidas e vulnerábeis. Neste sentido, as modificacións legais pertinentes encamiñaranse a disuadir e impedir a práctica do alugueiro de ventres.

2.- Demandar do Goberno do Estado a que as modificacións legais pertinentes arredor da práctica dos ventres de alugueiro estea baseada na disuasión e a non legalización, regulamentación e banalización dos ventres de alugueiro.”

Santiago de Compostela, 24 de xaneiro de 2019

Asdo.: **Noa Presas Bergantiños**

**Luis Bará Torres**

**Montserrat Prado Cores**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Noa Presas Bergantiños na data 24/01/2019 16:42:09**

**María Montserrat Prado Cores na data 24/01/2019 16:42:17**

**Ana Pontón Mondelo na data 24/01/2019 16:42:19**

**Xose Luis Rivas Cruz na data 24/01/2019 16:42:20**

**Olalla Rodil Fernández na data 24/01/2019 16:42:22**

**Xosé Luis Bará Torres na data 24/01/2019 16:42:23**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Olalla Rodil Fernández, Montserrat Prado Cores, Ana Pontón Mondelo, Xosé Luis Rivas Cruz, Luis Bará Torres e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**, sobre o número ambulancias existentes nos concellos do sur da provincia de Lugo, a ausencia dunha ambulancia medicalizada nesta zona do país e as medidas que debe adoptar ao respecto a Xunta de Galiza.

### EXPOSICIÓN DE MOTIVOS

Os concellos do sur da provincia de Lugo contan na actualidade cun servizo de emerxencias sanitarias 061 absolutamente deficiente para atender as necesidades do conxunto da poboación que habita no extenso territorio que comprende.

No concreto, existe unha única ambulancia de garda en cada quenda de traballo en Monforte, outra en Chantada e unha máis en Quiroga, ningunha delas medicalizada.

Diante desta situación, denunciada en numerosas ocasións polo persoal sanitario, cando unha das ambulancias se atopa ocupada e xorde unha urxencia,







BLOQUE NACIONALISTA GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

cóbreense. Porén, a escaseza de medios, insuficientes desde calquera punto de vista, non sempre é posíbel parchear.

O pasado 24 de xaneiro a vila de Monforte viviu máis un caso que deixa en evidencia a necesidade de dotar o sur da provincia de Lugo de máis ambulancias, cando menos dunha medicalizada. Nesa xornada, un veciño que circulaba co seu vehículo pola rúa Chantada comezou a convulsionar o que provocou a saída do coche da estrada atravesando a mediana.

Camiñantes e condutores socorrérono dando aviso ao 061. Porén, non había ningunha ambulancia dispoñíbel. A de garda en Monforte dirixíase ao Hospital de Ourense cun traballador do balneario de Pantón que sufriu un accidente laboral e a de Chantada atopábase de volta desde o HULA polo que o centro de coordinación decidiu enviar unha desde Ourense.

A área sanitaria de Monforte é a única da provincia de Lugo que non conta cunha ambulancia medicalizada que si teñen Lugo e A Mariña. Así pois, as bases de Monforte, Chantada e Quiroga contan só con vehículos de soporte vital básico.

Cómpre sinalar que falamos dun territorio extenso e orograficamente moi complexo. Por exemplo, a base de Chantada ten que asumir Carballedo, Chantada e O Saviñao, o que complica moito máis os tempos de desprazamento e resposta.





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Por todo o exposto, o Grupo Parlamentar do BNG presenta a seguinte proposición non de lei para debate en comisión:

“O Parlamento insta a Xunta de Galiza a:

1. Dotar o sur da provincia de Lugo cunha ambulancia medicalizada.
2. Dotar de medios suficientes o servizo de emerxencias sanitarias 061 nas bases de Monforte, Quiroga e Chantada para atender con todas as garantías o sur da provincia de Lugo.”

Santiago de Compostela, 24 de xaneiro de 2019

Asdo.: **Olalla Rodil Fernández**

**Luis Bará Torres**

**Montserrat Prado Cores**

**Noa Presas Bergantiños**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Asinado dixitalmente por:**

**Olalla Rodil Fernández na data 24/01/2019 17:12:07**

**María Montserrat Prado Cores na data 24/01/2019 17:12:11**

**Ana Pontón Mondelo na data 24/01/2019 17:12:13**

**Xose Luis Rivas Cruz na data 24/01/2019 17:12:14**

**Noa Presas Bergantiños na data 24/01/2019 17:12:16**

**Xosé Luis Bará Torres na data 24/01/2019 17:12:17**





OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 2ª**.

### EXPOSICIÓN DE MOTIVOS

Casos como o expediente da canteira de Casalonga, no concello de Teo, no que se teñen presentado dous proxectos complementarios relacionados directa ou indirectamente coa xestión de residuos, un para tratamento de residuos de natureza orgánica e produción de biogas e compost, e outro para restauración ambiental do oco da canteira con residuos inertes de construción, deixan á vista as debilidades dunha normativa estatal e autonómica que na práctica faise pouco garantista e permite que a súa aplicación e interpretación interesada acabe contravindo o espírito e coherencia pola que esas normas foron redactadas. Pois asistimos a uso subrepticio destas disposicións para que, finalmente, moitas canteiras e explotacións mineiras acaben sendo grandes vertedoiros encubertos de diferentes materiais e natureza contaminante.

No caso da canteira de Casalonga ficaron en clara evidencia ditas debilidades e a intención de tentar facer dese espazo un grande vertedoiro encuberto, e vinculado a creación no mesmo lugar dunha planta industrial (fóra das previsións normativas



urbanísticas) para producir compost e/ou tecnosolos que poderían acabar como material a engadir no recheo do oco, dentro dunha suposta restauración ambiental.

Facendo un repaso á normativa que ampara este tipo de prácticas escuras e pouco transparentes, debe recordarse que nestes dez últimos anos, asistimos que a realidade na aplicación combinada de dous Reais Decretos, o RD 105/2008, e o RD 975/2009, teñen coma resultado experiencias numerosas de creación de vertedoiros de residuos disfrazados e/ou agochadas en falsas restauracións ambientais.

Así, por unha banda, o Real Decreto 105/2008, de 1 de febreiro, polo que se regula a produción e xestións dos residuos de construción e demolición, establece no artigo 13 que a utilización de residuos inertes procedentes de actividades de construción ou demolición na restauración dun espazo ambientalmente degradado, en obras de acondicionamento ou recheo, poderá ser considerada unha operación de valorización, e non unha operación de eliminación de residuos en vertedoiro, cando se cumpran unha serie de requirimentos, entre eles:

a) *Que o órgano competente en materia medioambiental da comunidade autónoma así o declare antes do inicio das operacións de xestión dos residuos.*

b) *Que a operación se realice por un xestor de residuos sometido a autorización administrativa de valorización de residuos...*

c) *Que o resultado da operación sexa a substitución de recursos naturais que, en caso contrario, deberían terse empregado para cumprir o fin buscado coa obra de restauración, acondicionamento ou recheo.*

O citado artigo recolle no seu apartado 3 que as administracións públicas fomentarán a utilización de materiais e residuos inertes procedentes de actividades



de construción ou demolición na restauración de espazos ambientalmente degradados, obras de acondicionamento ou recheo cando se cumpran os requirimentos establecidos no apartado 1. En particular, promoverán acordos voluntarios entre os responsables da correcta xestión dos residuos e os responsables dos espazos ambientalmente degradados, ou cos titulares de obras de acondicionamento ou recheo.

Por outra, o Real Decreto 975/2009, de 12 de xuño, sobre xestión dos residuos das industrias extractivas e de protección e rehabilitación do espazo afectado por actividades mineiras, establece no artigo 13, sobre “as medidas previstas para a rehabilitación do espazo natural afectado pola investigación e explotación de recursos minerais”, que o remodelado do terreo poderase efectuar mediante recheo con residuos mineiros propios da explotación ou residuos alleos ao oco de explotación creado, detallando que:

*d) Cando a entidade explotadora faga o recheo con residuos de procedencia non mineira o oco de explotación, xa sexa en superficie ou por laboreo de interior, rexistrará e certificará, sen prexuízo da normativa vixente de residuos e, en particular, a correspondente á eliminación mediante depósito en vertedoiro, que lles será de aplicación, a orixe e natureza destes residuos, anotándose no Libro de Rexistro definido no artigo 32, que estará a disposición da autoridade competente.*

Con relación a estas dúas disposicións debe mencionarse que ambas son produto da transposición feita polo Estado español na aplicación da Directiva 1999/31/CE, relativa ao vertido de residuos, e a Directiva 2006/21/CE, sobre a xestión dos residuos de industrias extractivas, e que permiten baixo unhas condicións moi concretas que poidan empregarse nas operacións de recheo de





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

canteiras con residuos, pero sempre dependerá se dita intervención constitúe unha valorización ou unha eliminación de tales residuos. Esta interpretación foi motivo de sentenza por parte do TJUE, ditada o 28 de xullo de 2016, no caso C-147/15, ao respecto do réxime de autorización ao que debe estar suxeita a actividade de recheo dunha canteira clausurada en Italia, diferenciándose cando estamos ante unha operación de valorización (apta para uso de restauración de espazos degradados) ou diante dun uso dos residuos con destino a eliminación en vertedoiro.

Dende o BNG consideramos que estas disposicións estatais deben afondar máis nun desenvolvemento técnico normativo que aporte un maior contido e detalle na regulación destas operacións co propósito de pechar as portas traseiras que, na práctica, permiten subverter as restauracións de espazos degradados e acaben sendo vertedoiros encubertos e cun alto risco de contaminación nos territorios inmediatos onde se emprazan. O contido do articulado actual do RD 105/2008, nomeadamente no seu artigo 13, debería dotarse dun contido máis desenvolto aportando unha redacción clara e garantista que non deixe dúbidas de interpretación que permitan execucións que acaben coma vertedoiros, de forma que se reforcen os criterios de control e xestión das operacións de valorización en relación ao RD 975/2009.

Tamén cabe destacar que Galiza é unha das poucas comunidades autónomas que non ten desenvolto regulamentos específicos en materia de xestión e control no uso dos residuos de construción, polo que non ten avanzado nin dotado de mecanismos máis eficientes para poñer freo a estas malas prácticas, abusivas e con consecuencias altamente contaminantes para o territorio e a poboación próxima. A única previsión neste eido feita pola administración galega é de hai 13 anos, a Resolución do 17 de xuño de 2005 pola que se aproba o Programa de Xestión de





BLOQUE  
NACIONALISTA  
GALLEGO

OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Residuos de Construcción e Demolición de Galicia 2005-2007 (DOGA, anterior á normativa estatal, e só coa previsión dun período de 2 anos).

Neste sentido, cabe destacar que comunidades coma Euskadi están á fronte desta materia, e ten aprobado normativa propia, mediante a Orde de 12 de xaneiro de 2015, pola que se establecen os requirimentos para a utilización dos áridos reciclados procedentes da valorización de residuos de construción e demolición, e o Decreto 112/2012, polo que se regula a produción e xestión dos residuos de construción e demolición. Máis tamén Aragón (Decreto 117/2009), Canarias, Cantabria (Decreto 72/2010), Castilla-La Mancha (Decreto 189/2005), Extremadura (Decreto 20/2011), Madrid (Orde 2726 / 2009) ou Navarra (Decreto Foral 23/2011).

Por todos estes motivos, o Grupo Parlamentar do BNG presenta a seguinte proposición non de lei para debate na Comisión 2ª:

“O Parlamento galego insta á Xunta de Galiza a que se dirixa ao Goberno do Estado para que de inmediato proceda a unha modificación do Real Decreto 105/2008, de 1 de febreiro, polo que se regula a produción e xestión dos residuos de construción e demolición, e do Real Decreto 975/2009, de 12 de xuño, sobre xestión dos residuos das industrias extractivas e de protección e rehabilitación do espazo afectado por actividades mineiras, no que teñen que ver coas intervencións de restauración de espazos degradados con residuos valorizados, de modo que a súa aplicación sexa máis garantista á hora de evitar que estas operacións acaben converténdose en vertedoiros encubertos.







OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

O Parlamento galego insta á Xunta de Galiza a que, no exercicio das súas competencias en materia de medio ambiente, desenvolva normativa específica concreta en materia de valorización dos residuos de construción destinados a operacións de restauración mineira para evitar que acaben converténdose en vertedoiros encubertos.”

Santiago de Compostela, 24 de xaneiro de 2019

**Asdo.: Luis Bará Torres**  
**Montserrat Prado Cores**  
**Noa Presas Bergantiños**  
**Olalla Rodil Fernández**  
**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**  
Portavoz do G.P. do BNG

**Asinado dixitalmente por:**

**Xosé Luis Bará Torres na data 24/01/2019 17:46:00**

**María Montserrat Prado Cores na data 24/01/2019 17:46:09**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Ana Pontón Mondelo na data 24/01/2019 17:46:11**

**Xose Luis Rivas Cruz na data 24/01/2019 17:46:12**

**Olalla Rodil Fernández na data 24/01/2019 17:46:14**

**Noa Presas Bergantiños na data 24/01/2019 17:46:16**



## Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **Paula Prado del Río, Alberto Pazos Couñago, Jacobo Moreira Ferro, Isabel Novo Fariña, Antonio Mouriño Villar, María Julia Rodríguez Barreira e César Manuel Fernández Gil**, ao abeiro do disposto nos artigos 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en comisión 1ª Institucional, Administración Xeral, Xustiza e Interior.**

### Exposición de motivos:

A finais do pasado ano, o Goberno da Xunta de Galicia remitiu ao Ministerio de Xustiza a proposta acadada no seo da Comisión Mixta (Xunta de Galicia-Tribunal Superior de Xustiza) para a creación de novos xulgados neste ano 2019.

Para adoptar as decisións oportunas, é imprescindible a debida coordinación entre o Goberno autonómico e o Tribunal Superior de Xustiza de Galicia, que como máximos representantes do Poder Xudicial en Galicia teñen unha ampla visión das necesidades reais, da evolución dos asuntos e de datos obxectivos e estruturais de cargas de traballo, máis alá de percepcións particulares o situacións conxunturais.

Así, a Comisión Mixta considerou a creación inescusable de tres novos xulgados do social, concretamente –e en orde alfabética- os que serán o Xulgado do Social Nº. 4 de Lugo, o Xulgado do Social Nº. 4 de Santiago de Compostela e o Xulgado do Social Nº. 6 de Vigo.

Máis aló do número inicial de unidades asignadas polo Ministerio de Xustiza á Comunidade Autónoma de Galicia para a programación do desenvolvemento da planta xudicial correspondente ao ano 2019, que o Ministerio fixou en 3, o Goberno da Xunta de Galicia comunicoulle ao Ministerio a disposición da Comunidade Autónoma a poñer en marcha máis unidades a maiores das asignadas, ao poñer de manifesto a Comisión Mixta a existencia de concretas necesidades para o caso de que fose factible a ampliación do número de unidades.

Ante a recente modificación do proxecto de orzamentos do Estado ampliando o número de prazas xudiciais, e dada a dispoñibilidade amosada pola Comunidade Autónoma para asumir máis das 3 unidades inicialmente asignadas polo Ministerio de Xustiza, cómpre instar ao Ministerio de Xustiza a creación de novas unidades xudiciais moi necesarias acordadas pola Comisión Mixta.



Por todo isto, o Grupo Parlamentario Popular de Galicia presenta a seguinte **proposición non de lei para o seu debate en comisión**:

“O Parlamento de Galicia insta a Xunta de Galicia a que demande do Ministerio de Xustiza ampliar con cargo á nova programación 2019 a creación de novas unidades xudiciais en Galicia que, de xeito consensuado, propoña a Comisión Mixta en atención a necesidades obxectivas e estruturais de carga de traballo e o número de unidades que lle sexan asignadas á Comunidade Autónoma”.

Santiago de Compostela, 24 de xaneiro de 2019.

**Asinado dixitalmente por:**

**Pedro Puy Fraga na data 24/01/2019 18:18:09**

**Paula Prado Del Río na data 24/01/2019 18:18:23**

**Alberto Pazos Couñago na data 24/01/2019 18:18:43**

**Jacobo Moreira Ferro na data 24/01/2019 18:19:17**

**María Isabel Novo Fariña na data 24/01/2019 18:19:31**

**Antonio Mouriño Villar na data 24/01/2019 18:22:57**

**María Julia Rodríguez Barreira na data 24/01/2019 18:23:14**

**César Manuel Fernández Gil na data 24/01/2019 18:23:28**





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Relacións Institucionais  
e Parlamentarias

PARLAMENTO DE GALICIA  
REGISTRO XERAL ENTRADA

28 XAN. 2019

Núm. 44703

galicia

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
DIRECCIÓN XERAL DE RELACIÓNS INSTITUCIONAIS E PARLAMENTARIAS

28 XAN. 2019

SAIDA

Núm. .... / 5

Solicítolle, consonte o disposto no artigo 143 do Regulamento da Cámara, a comparecencia a petición propia -ante a Comisión 3ª Economía, Facenda e Orzamentos- do Director Xeral de Planificación e Orzamentos para "Informar sobre as actuacións de seguimento do PEG desenvolvidas no 2018".

Santiago de Compostela,

A directora xeral de Relacións Institucionais e Parlamentarias

(ASINADO DIXITALMENTE)


Sr. presidente do Parlamento de Galicia

 Xacobeo 2021

Ceng. Dirección Xeral  
Data e hora: 28/01/2019 11:26:02

Verificación: https://sede.xunta.gal/cve





PARLAMENTO  
DE GALICIA

BOLETÍN OFICIAL DO  
**PARLAMENTO DE GALICIA**

---

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727